

**PETRI FRANCISCI  
CHIFFLETII, ...  
OPUSCULA  
QUATUOR. 1. DE  
SANCTI DIONYSII...**

---

Pierre François Chiflet



7  
14



Bibliotheca  
ori Coll. Rom.  
ociet. Jesu

*7-9-64*

*63-4-10*

~~63 63~~  
~~D I~~  
~~44 44~~







PETRI FRANCISCO  
CHIFFLETII,  
VESONTIONENSIS

Societatis Jesu Presbyteri,

OPUSCULA QUATUOR.

- I. De sancti Dionysii ætate, totaque Chronologiâ,  
quo & suis Parisiensibus confirmatur Arcopagita,  
& huic libri sui vindicantur.
- II. De unâ sanctâ Syrâ seu Syriâ Virgine.
- III. Origo prima Comitum Valentiniensium ex  
Pictavensibus.
- IV. Excerpta singularia ex Collectaneis de Vitâ &  
rebus gestis sancti Bernardi Claravallensis Abbatis,  
auctore Gaufrido Abbate, quondam illi ab Epi-  
stolis.

A C C E S S I T

Appendix de Concilio Niumagenfi anni MCCCXXI.

*Biblioth. Secv. Coll. Tom.*


*106*


PARISIIS,

Sumptibus GABRIELIS MARTINI, viâ  
Jacobæâ, sub aureo Sole.

M. DC. LXXIX.

CVM PRIVILEGIO REGIS, ET FACULTATE SUPERIORVM.







ILLUSTRISSIMO ECCLESIAE PRINCIPI  
CAROLO MAURITIO  
LE TELLIER,

REMIENSUM ARCHIEPISCOPO DUCI,  
PRIMO FRANCIAE PARI,

Sanctæ Sedis Apostolicæ Legato nato,  
GALLIAE BELGICÆ PRIMATI,

Magno Regiæ Capellæ Præfecto, &c.



*U* A nunc res agitur,  
ARCHIPRÆ-  
SUL ILLUSTRIS-  
SIME. *Hincmarus*  
*Remensis*, decessor  
*Tuus*, in *Parisiensis* *Areopagitæ* pro-  
â ij



## E P I S T O L A.

*pugnatione , quâ egregiè perfunctus  
 est , aut erroris , aut mendacii red-  
 arguitur. Utravis hæc labes tanti  
 viri nomini aspersa planè intolerabi-  
 lis. Utriusque injuriæ , si modò an-  
 nueris , me Tibi ultorem deo vœo. Sed  
 occurrit ~~et~~ alter dignus Te vindice no-  
 dus. In Trecensi Episcopatu vicus est  
 prisco nomine Rilliacus , nunc porrò à  
 sanctâ Syrâ , sive Syriâ nuncupatus.  
 Hanc , quæ nobile ibi monumentum  
 habet , à mille admodum annis po-  
 pulorum concursu celebre , crediderunt  
 majores nostri Virginem , Sanctimo-  
 nialem , Thaumaturgi Fiacrii soror-  
 rorem , adeoque Eugenii Scotorum  
 Regis filiam. Nuper autem emerfere  
 duo vel tres , qui levissimo argumento  
 persuasi , Syriam quæ Rilliaci colitur ,  
 quæ calculosis opitulari solet , contra*

## EPISTOLA.

torrentem antiquitatis, & laicam,  
 & patriâ Trecentem fuisse affirmant.  
 Syram autem ( nam & nomina dis-  
 tingui volunt ) & Virginem &  
 Monialem, & sancti Fiacrii germa-  
 nam agnoscunt. Sic unam Syram si-  
 ve Syriam in duas diffundunt ; hoc  
 est , pro unâ verâ duas commentitias  
 imperitis plebibus obtrudunt. His  
 addo munusculum aliud huic PA-  
 CIS anno accommodatum. Nuper  
 cùm schedas meas revolverem , in-  
 cidi in Concilium quoddam , anno  
 Christi 821. Noviomagi Batavorum  
 celebratum ; cujus apud Capitulorum  
 aut Conciliorum Collectores nullum  
 apparet vestigium. In hac Synodo fir-  
 mata pax est inter Ludovici Pii Im-  
 peratoris filios ex Irmingarde : datâ-  
 que est ejusdem Imp. Constitutio ad

# EPISTOLA.

Bernouvinum Crisopolitanum Archiepiscopum, de libertate servis Ecclesie certò ritu in posterum concedendâ. Miratus sum æternæ providentiæ sic disposita momenta, ut eadem in idem quodam quasi circulo redire viderentur. Nîumagæ sancita pax est sub Ludovico Pio. Indidem post annos ferè octingentos & sexaginta data est Pax Orbi Christiano à Ludovico Magno, verè Rege pacifico. Conjeci igitur ad hujus libelli calcem, de hoc Concilio Nîumagensi observationem meam. Non accidit, ut spero, ingrati Magnitudini Tux hi lucubrationum mearum qualescunque fructus, quia Te & Conciliorum, & totius seu Romani seu Gallici Ecclesiastici Juris peritissimum novimus; & sicut in vanis quibusdam populo-

## E P I S T O L A.

*rum opinionibus rejiciendis cautum ac  
 severum, sic etiam in venerabilibus  
 Ecclesiarum traditionibus, nomina-  
 tissimi Tui decessoris Hincmari exem-  
 plo sartis tectis habendis religiosissi-  
 mum esse pro certo habemus. In fami-  
 lia Tua Illustrissima Triadem quam-  
 dam spectare mihi videor, totius  
 regni Christianissimi bono natam:  
 Parentem Tuum venerabilem, cu-  
 jus cani sensus, & ætas senectutis Sap. 4. 9.  
 vita immaculata, Regium  
 Archicancellarium, adeoque rei po-  
 liticæ summo jure præpositum: Fra-  
 trem Tuum, sub Ludovici Magni,  
 semper Victoris, semperque invicti  
 Regis signis, rei totius militaris ar-  
 bitrum, (†) quasi Archistrategum: Te  
 denique è Regiâ Capellâ, velut è  
 summâ turri, rei toti Ecclesiasticæ  
 à iiij*

## EPISTOLA.

*invigilantem : dignum patre tanto ,  
fratre tanto dignum : dignum in  
quem Primi Franciæ Paris , & Se-  
dis Apostolicæ Legati nati dignita-  
tes , tot pastorales baculi , tot anuli ,  
tot mitræ , tot etiam infule , tot sacri  
ministerii ornamenta confluerint.  
Vale. Kalendis Octobribus anni par-  
tæ salutis M. DC. LXXIX.*

**TUUS PETRUS FRANCISCUS  
CHIFFLETIUS , Presbyter &  
Societate IESU.**



---


*FACULTAS SUPERIORUM.*

**E**GO infra-scriptus Provincialis Societatis **JESU** in Provinciâ Franciæ, permitto ut Opuscula duo: alterum, quo suus Parisiensibus confirmatur Dionysius Arcopagita, & huic libri sui vindicantur; alterum, de unâ sanctâ Syrâ, seu Syriâ Virgine; à Petro Francisco Chiffletio, Societatis nostræ Sacerdote, composita, & à Theologis nostris approbata, typis mandentur. Datum Parisiis 30. die Januarii 1677.

STEPHANUS DECHAMPS.

**E**GO infra-scriptus Provincialis Societatis **JESU** in Provinciâ Franciæ, permitto ut Opuscula duo: alterum, de primâ origine Comitum Valentinorum ex Pictavensibus; alterum inscriptum, Excerpta singulæ ex Collectaneis de Vitâ & rebus gestis S. Bernardi Abbatis Claravallensis, auctore Gaufrido Abbate, quondam illi ab Epistolis; à Petro Francisco Chiffletio, Societatis nostræ Sacerdote, recensita, & à Theologis nostris approbata, typis mandentur. Datum Rhedonis 26. Julii 1679.

PETRUS DE VERTHAMON.




S U M M A P R I V I L E G I I  
*Regis Christianissimi.*

**L**UDOVICI XIV. Franciæ & Navarræ Regis Christianissimi diplomate cautum est, ne quis in ipsius regno, aliisve locis ejus ditioni subiectis, intrâ proximos sex annos à die impressionis perfectæ inchoandos, excudat, vendat, vendendum aut excudendum, quovis modo ac ratione curet, librum qui inscribitur: *Petri Francisci Chiffletii, Vescationensis, Societatis JESU Presbyteri, Opuscula quatuor. Primum, de sancti Dionysii ætate, totâque Chronologiâ, quo & suus Parisiensibus confirmatur Arcopagita, & huic libri sui vindicantur. Secundum, de unâ sanctâ Syrâ seu Syriâ Virgine. Tertium Origo prima Comitum Valentiniensium ex Pictavensibus. Quar-*

*ium, Excerpta singularia ex Collectaneis  
de Vitâ & rebus gestis sancti Bernardi Cla-  
ravallensis Abbatis, auctore Gaufrido  
Abbate, quondam illi ab Epistolis; sub  
pœnis in originali diplomate contra  
delinquentes expressis, præter illum  
Typographum aut Bibliopolam quem  
Auctor elegerit. Apud Sanctum Ger-  
manum in Laya 12. Julii, anno 1679.*

Sic signatum, JUNQUIERES.

Ipse verò Auctor P. F. Chiffletius  
hoc Privilegium transfudit in GA-  
BRIELEM MARTINUM Typogra-  
phum-Bibliopolam.



Inter Jesuitas Germanos doctissimi meritò putantur Jacobus Gretserus, & Matthæus Raderus. Hi quantum abhorruerint à Criticis incredulis, qui fortium ingeniorum titulum & gloriosam aucupantur, cognosce ex alterius eorum verbis sequentibus.

*Ex Matthai Raderi Bavariâ Sanctâ, in Sancto Henrico Imperatore.*

„ **O**MITT O hinc claudicationes, sta-  
„ tera, & calicis aurei in morte visi,  
„ calculi, morbi, aliâque apud antiquos  
„ Scriptores, & membranis Babenber-  
„ gensibus notata miracula, non quòd ea,  
„ quemadmodum profanissimi quidam, &  
„ ab omni Numine, verâque religione de-  
„ ferti, somnia credam. Dormiant illi som-  
„ num suum, & nobis fidem cum pietate  
„ relinquunt; sed quòd plura sint ( præ-  
„ fertim quæ post Imperatoris mortem  
„ sunt perscripta ) quàm ut hinc percen-  
„ serî commodè possint, & singulari vo-  
„ lumine nuper ab nostro Gretsero com-  
„ prehensa legantur.

OPUSCU-

OPUSCULUM I.  
D E  
SANCTI DIONYSII  
Æ T A T E ,  
TOTAQUE CHRONOLOGIA:

Quo & suus Parisiensibus confirmatur  
Areopagita, & huic libri sui  
vindicanetur;





OPUSCULUM I.  
DE  
SANCTI DIONYSII  
ÆTATE,  
TOTAQUE CHRONOLOGIA:

*Quo & suis Parisiensibus confirmatur  
Areopagita, & huic libri sui  
vindican-  
t-  
ur.*



O ferè tantùm specta-  
vit Dissertatio de uno  
Dionysio, tribus abhinc  
annis à me in publi-  
cum emissà, ut suum  
Parisiensibus Areopagi-  
tam adsererem : quod & confecisse me

A ii

#### 4     *De S. Dionysii ætate.*

reor , tum S. Methodii Patriarchæ Constantinopolitani , tum Hincmari Archiepiscopi Remensis , tum Anastasii Romanæ Ecclesiæ Bibliothecarii , priscorum & magnorum virorum , testimoniis ; tum etiam Orientalium omnium , & Occidentalium Ecclesiarum usu & consensu , quæ jam à novem propè sæculis , in sacris Lectionibus divinisque Officiis seriò id profitentur. Quod & confirmant Crotonienses Calabriæ populi , quorum est post omnem memoriam accepta à majoribus traditio , sanctum Dionysium Areopagitam , cum Athenis Romam pergeret , ( unde à Clemente Papa in Gallias destinatus est ) à Crotoniensibus ex itinere exceptum , ipsorum fundasse Ecclesiam , primùmque censerî Episcopum. Unde & illi pro vexillo Ecclesiæ suæ , imaginem præferunt ipsius Areopagitæ , ut testatur Ferdinandus Ughellus tomo IX. & postremo Italiæ suæ sacræ. Quorum omnium auctoritati , Launoii



## OPUSCULUM I.

quàmlibet multarum litterarum viri, apud æquos rerum æstimatores nunquam præponderabit iudicium; ne si quidem ille clypeum objiciat Sirmon-di & Petavii illustrium virorum cal-culos.

Nam priorem illum ( Sirmondum dico ) hoc ad hominem argumento il-li excutio è manibus. Is in Dissertatio-ne de duobus Dionysiis , Hincmari Remensis de uno Dionysio testimo-nium ea ratione elevare conatus est, quòd in Vita S. Remigii Clodoveum Regem in pervigilio Paschæ baptiza-tum scripserit, quem in Natali Domi-ni Avitus Viennensis illorum tempo-rum inspector sacris undis ablutum re-ferat. Unde conclusit Sirmondus , er-rare potuisse Hincmarum in Parisiensi Arcopagita, sicut in die Clodovei Ba-ptismo initiati errasse convincitur. Præ-clare hæc quidem ad ostentationem, sed parum solidè ad quæstionem pro-positam. Certum est enim , priscis illis

A iij

sæculis, verita fuisse baptismata, etiam  
 privata, extra dies Pervigiliorum Pas-  
 chæ & Pentecostes, nisi urgente salu-  
 tis periculo. Id patet ex Epistola Siri-  
 cii Papæ ad Himerium Tarraconensem  
 Episcopum, ex Epistola decretali  
 quarta S. Leonis Papæ ad Episcopos  
 Siciliæ, ex Gregorio Turonensi lib. v,  
 Historiæ cap. xi. & ex Conciliis a-  
 liquot Gallicanis. Quantò magis pro-  
 hibita fuerunt sollemnia, qualia me-  
 morantur à Gregorio Turonensi, lib.  
 2. cap. 31. trium amplius millium de  
 exercitu Clodovei? Si hi baptizati sunt  
 ipso proprio die Christi natali, De-  
 cemberis mensis xxv. ecquis Remi-  
 gium hujus auctorem facinoris, à sacro-  
 rum Canonum transgressione immu-  
 nem præstet?

Succurrit aliud quod hîc reponam.  
 Quid si Avitus ipse natalem Domini  
 appellavit diem resurrectionis? Fecis-  
 se potuit ad gustum Hilarii Pictaven-  
 sis, Ambrosii, Chrysostomi, immò &

# OPUSCULUM I. 7

Pauli Apostoli, Actorum cap. 13. versu 3. illa Davidis verba, Psalmi 2. v. 7. *Filius meus es tu : ego hodie genui te ;* de Christi resurrectione explicantium, quòd sit quædam Christi nativitas, ejus resurrectio. Si fecit Avitus, quid erit unde Hincmarus redarguatur?

Sed erraverit Hincmarus in die ipso baptizati Clodovei, etiam hoc ultrò concessò, quæ consequentia est ut in Parisiensi quoque Areopagita errasse dicatur? Pari certè jure sic ratiocinetur quilibet Areopagitæ Parisiensis propugnator: Erravit Sirmondus in epochâ Concilii Rotomagensis præside Ansherto celebrati anno Christi 689. quod ille anno 682. assignavit, totius septennii prochronismo. Erravit similiter Petavius in anno obitus Roberti Regis, quem ille sive Helgaudi lapsu, sive cujusdam solaris eclipsis indiligenti observatione delusus, in annum Christi 1033. rejecit, quem biennio citius, nempe anno 1031. evenisse constat omni-

A iiii

8      *De S. Dionysii ætate.*

nium illius ævi Scriptorum unanimi consensu. Has Sirmondi & Petavii παραθέτατε à pluribus jam annis observaveram, & eorum redargutiones privatis meis commentariis illigaveram, cum incidi non ita pridem in Philippi Labbei horum Patrum magni observatoris æram Christianam, in qua eodem reperi cum præfatione honoris egregiè confutatos.

Per te liceat mihi ( Lector benevole ) Sirmondi duorum Dionysiorum præcipui assertoris sententiam, ictu repetito, Parisiensis Arcopagitæ sacris altaribus immolare. Incruenta erit victoria, certamen enim ingeniorum est. Edidit Sirmondus anno sæculi hujus 1619. Idatii Fastos Consulares. Ad Gratiani Nobilissimi & Dagalaifi Consulatatum, qui anno responderet æræ Dionysianæ 366. hæc refert ex antiquo nostro codice : *His Consulibus natus est Valentinianus Junior, filius Augusti Valentiniani, die xv. Kal. Febr. & ipso*

# OPUSCULUM I. 9

anno idem hostis publicus , & prado  
 ( Procopium intelligit ) intra Phry-  
 giam Salutarem , & in Nacoliensium  
 campis ab Augusto Valente oppressus at-  
 que extinctus est die v i. Kal. Junias.  
 Ipso anno Augustus Valentinianus gen-  
 tem Alamannicam pervicit. Hæc cum  
 legisset Henricus Valesius vir appri-  
 me doctus , in Notis ad Ammiani  
 Marcellini librum xxx. ad hæc ver-  
 ba : *Valentinianus puer , defuncti filius,*  
*cum quadrimus vocaretur ad Imperium*  
*coaptandus ;* sic admonet: Atqui Valen-  
 tinianus Junior natus erat Gratiano  
 Nobilissimo & Dagalaipho Coss. an-  
 no Natalis Domini 366. die xv. Cal.  
 Februarii , ut scribit Idatius in Fastis ,  
 & auctor Alexandrini Chronici iisdem  
 planè verbis , quibus Idatius. Quibus  
 suffragatur Themistius in Orat. xi. ad  
 Valentinianum Juniorem , p. 254. ubi  
 natalem ipsius , vice oraculorum &  
 vaticiniorum prædixisse ait Tyranni  
 Procopii exitum. Constat autem Pro-

„ copium eo anno quem dixi , à Valen-  
 „ te victum & necatum fuisse. Accedit  
 „ præterea Socrates in libro 4. Sozome-  
 „ nus in 6. qui Valentinianum Junio-  
 „ rem eo anno in lucem editum esse te-  
 „ stantur. Quod si ita est , quo modo idem  
 „ quadrimus ad Imperium venisse di-  
 „ catur non video. Creatus enim est Au-  
 „ gustus R. C. Gratiani tertium & Æ-  
 „ quitii , anno Domini 375. Huic diffi-  
 „ cultati , quam ego primus & jamdu-  
 „ dum deprehenderam , aliisque solven-  
 „ dam proposueram , ita occurrendum pu-  
 „ to , ut Valentinianum qui anno 366.  
 „ natus est , diversum esse dicamus ab  
 „ eo qui postea Augustus fuit : quod  
 „ quidem his argumentis evincam. Pri-  
 „ mò enim Valentinianus , qui mortuo  
 „ patre Augustus est renunciatus , qua-  
 „ drimus tunc erat , ut scribit præter  
 „ Marcellinum nostrum Victor in Epi-  
 „ tome , & Zonaras : Zosimus certè vix  
 „ quinquennem fuisse dicit. Deinde vi-  
 „ ginti annos natus obiisse dicitur à Ni-

# OPUSCULUM I. II

cephoro in lib. xii. cap. 38. Interfe-  
 ctus porrò est, ut inter omnes constat,  
 anno Domini 392. Hieronymus in epi-  
 stola de exitu Nepotiani, eundem  
 Valentinianum adolescentem adhuc,  
 & penè puerum esse occisum memorat.  
 Quæ certè omnia non procederent, si  
 anno 366. natus fuisset. Denique Va-  
 lentinianus Junior, is qui anno 366.  
 in lucem est editus, Consulatum gessit  
 cum Victore, anno Domini 369. ut  
 testatur aperte Themistius in Orat.  
 xi. quam ei Consulatum Constanti-  
 nopoliauspicienti Cal. Jan. dixit. Quòd  
 si hic idem esset cum eo qui post mor-  
 tem Valentiniani Augustus est nuncu-  
 patus, cùm is paulò postquàm Impe-  
 rator est factus, Consulatum inierit  
 cum Valente, Consul iterum necessa-  
 riò dici debuisset. At in Fastis omni-  
 bus annus ille 376. sic notatur: Valen-  
 te Aug. V. & Valentiniano Juniore  
 Aug. Quæ cùm ita sint, apparet  
 duos ejusdem nominis Valentinianos

## 12 De S. Dionysii aetate,

Valentiniani magni filios distingui debere.

Hæc Henricus Valesius anno 1636. cum Ammianum à se illustratum in lucem daret, Cautius etiam Petavius cum octodecim antè annis, nempe anno 1618. Themistii aliquot Orationes sub prælo haberet, ad illa verba, *Εἰτε οὗδ' ἐνεῖον ἐννοεῖται*, hæc adnotat: *Difficilis ac, penè dicam, inextricabilis hic locus. Quid enim? Valentinianus ille Junior, de quo hic est sermo, nonne Valentiniani filius est? Quæ igitur ratio patitur, post Valentiniani mentionem, τὸν οὗτος πατέρα discerni ac nominari Valentem? Exinde propositis per conjecturam aliquot solutionibus, ita demum concludit: Verùm conjecturæ istiusmodi mihi non satisfaciunt. Ampliandum itaque de ea questione censeo.*

Unde, quæso, in isto eruditorum quasi Arcopago tot strepitus, tot tumultus? Pace dixerim Sirmondi. Unus ejus error, una hallucinatio has tem-



pestates concitavit. Habeo præ oculis illum ipsum codicem, è quo Idatii Fastos Consulares Sirmondus descripsit. In eo codice lego ad Consulatam Gratiani & Dagalaiphi, qui est æræ vulgaris 366. *His Consulibus natus est Valentinianus Junior, filius Augusti Valentis, die xv. Kal. Febr.* Emendavit Sirmondus, & pro filio Augusti Valentis, scripsit *filius Augusti Valentiniani*. Nefas putarunt Petavius & Valesius Sirmondi fidem vocare in dubium: & ego quoque nefas putarem, nisi Valentinianum pro Valente perperam à Sirmondo positum oculis meis cernerem. Absit tamen à me ut malæ fidei Sirmondum infimulem. Credidit Sirmondus erratum esse à librario antiquo, qui Idatii Fastos jam olim descripserat: ipse à vero & ab Idatii ipsamet mente toto cælo aberravit, locumque Idatii emendare dum voluit, corripit. Restituatur hic locus ad fidem antiqui codicis, & salva sunt om-

14 *De S. Dionysii aetate.*

nia. Pax est Idatio cum Ammiano, pax utrique cum Themistio. Duo fuere Valentiniani re & cognomento Juniores; alter Valentis filius, alter filius Valentiniani Senioris. Prior ille natus est anno Christi 366. Gratiano & Dagalaipho Consulibus, xv. Kalendas Februarii, Consul creatus est vix trimulus puer, Victore collega anno Christi 369. Idem (ut opinor) mortuus est anno 370. in pœnam patris Valentis Arrianorum veneno infecti, dum Basilium & Orthodoxos alios nequiter persequeretur. Gallus etiam, seu Galathes nuncupatus apud Socratem, Sozomenum, Nicephorum Callistum: neque enim duos Valentis filios usquam legimus. Porrò Valentinianus Junior, Valentiniani Senioris filius, imperare cœpit post patrem ex anno 375. cùm ei parens Valentinianus xv. Kalendas Decembris decessisset, ipse tantùm quadrimus, ut Ammianus, Zosimus, Socrates, alique

## O P U S C U L U M I. 15

tradidere. Natus ergo erat Valentinianus junior, Valentiniani Senioris filius, anno Christi 371. jam acerba morte sublato ejus patrucele Valentiniano Gallo, Valentis improbi parentis infelice filio.

Hinc lux affulget Themistio in Oratione x i, quâ Valentinianum Valentis filium Kalendis Januariis salutavit anno, ut dixi, æræ Christianæ 369. Ibi commemorat Themistius Valentiniani pueri Consulis patres duos; Valentem naturâ patrem veréque genitorem; Valentinianum Seniore, ejus patrum & adoptione patrem: cujus adoptionis nota patrui nomen puero inditum. Quam ergo *Quadrigam Regum* dixit Themistius, primum est interpretari *paria duo equalium ferme utrimque & ætate & tempore Principum, equaliter gradientium, æqualiter spirantium*. Hinc Valentinianum Seniore & Valentem Augustos fratres, inde porro Valentinianum juniorem Valen-

16 *De S. Dionysii ætate.*

tis filium, & Gratianum Valentiniani Senioris filium, patruelē Valentiniani Junioris, illi ætate paulò superiore.

Redeo ad Sirmondum. Aggressus ille Hincmarum Remensem Parisiensis Arcopagite assertorem nominatissimum, objecit reverendissimo viro, quòd qui in die Baptismo initiati Clodovei lapsus fuerat, in Gallorum quoque Dionysio Arcopagita minimè audiendus videretur. Hanc ego ipsam machinam in Sirmondum retorqueo. Erravit Sirmondus in Valentiniano Juniore, Valentis filio, atque tam infau-  
sto errore, ut illo uno Idatii locum emendare dum studuit, corruerit, ut Chronologorum in Romanæ Historia calculos confuderit, ut Romanorum Principum Imperia, & Consulium Fastos turbaverit. Non mirum igitur quòd in Dionysio Arcopagita Parisiorum civitati, immò totis Galliis nostris eripiendo erraverit; vir alióquum  
cum

## O P U S C U L U M I. 17

cum doctissimis comparandus, nisi paradoxa quædam sparsisset in vulgus, quibus veterum Ecclesiarum traditiones mirum quantum labefactatæ sunt, haud absque multorum offensione, nullo Christianæ pietatis fructu.

Nimirum errare humanum est. Etiam summi quique viri illud Sapientis de se profiteri habent: Humani à me nihil alienum puto. Nemo igitur Sirmondo, paucisque aliis sensus ejusdem, quàmlibet doctis viris, ducibus gloriatur: quibus nos Methodium, Michaëlem Syngelum Hierosolymitanum, Anastasium Bibliothecarium, Hincmarum Remensem, & aliorum è Græciâ, Galliâ, Italiâ, totóque orbe Christiano proborum ac sapientum non cohortem aliquam, sed innumerabiles (ut ità dicam) exercitus opponimus.

Tamen in hanc tam indubitatam veritatem, nebularum nescio quid objici posse video vel ab ipsius Dionysii æta-

B

18      *De S. Dionysii ætate.*

te totâque chronologiâ , vel à libris ejus nomine vulgaris. Id nimirum quicquid est , hoc Opusculo discutiendum aggredior, ne quid Galliis nostris , ac præsertim Parisiensibus ad asserendam sibi tam illustri Patroni tutelam & patrocinium deesse quisquam putet.

De sancti Dionysii ætate Michaëlem Presbyterum & Syngelum Jerosolymitanum præ cæteris consuli velim. Hunc virum ut probè noris , audiendus est Theodorus Studita in epistolâ ad eum datâ , quæ est libri secundi ducentesima decimatertia, habeturque Latinè ex versione Jacobi Sirmondi , apud Baronium tomo IX. Annalium , ad annum Christi 835. quamvis data ( ut ipse monet ) adhuc vivente Nicephoro Patriarchâ C P. qui ordinatus anno Christi 806. die Paschæ , actus est in exilium anno 815. 13. Martii ; obiit autem secundâ die mensis Junii anni 828. Sed & datam constat ante diem x i. Novembris anni 816.

OPUSCULUM I. 19  
quæ Theodoro Studitæ fuit supre-  
ma.

*Michaëli Syncello Hagiopoleos*

THEODORUS STUDITA,

**S**CRIBO nunc ad Reverentiam "  
tuam, quando mihi Dei nutu ob- "  
tigit, ut epistolæ ministrum nancisce- "  
rer : alioquin ex ipsâ custodiâ nostrâ "  
idipsum facturus eram; nec semel mo- "  
dò, sed bis etiam, ac sæpiùs fortasse. "  
Neque enim quia extranei vos estis, "  
idcirco nos vestri specie dissimiles : sed "  
quia ex unâ adoptionis matre geniti, "  
& eodem sinceræ fidei charactere for- "  
mati, & fratres, & concives, caput "  
habentes Christum, cujus cùm corpus "  
simus, & membrum de membro, con- "  
gaudere inter nos debemus in prospe- "  
ris, angique pariter in adversis. Verùm "  
quomodò vos, cùm aliò profecti esse- "  
tis, impulit temporum violentia, ut in "  
eorum qui rerum hîc potiuntur, retia "

B ij

20 *De S. Dionysii aetate.*

- „ incideritis ? Quid autem ad hoc dice-  
„ mus aliud quàm quod Scriptura sancta  
4. *Reg. 13* „ dicit : Et certamen duxit Jechu. Sed il-  
„ lic quidem ad regnum Israël, hîc ve-  
„ rò ad testimonium veritatis ; ut nunc  
*Mich. 4.* „ etiam impleatur quod scriptum est : De  
2. „ Sion exhibit lex, & verbum Domini de  
„ Hierusalem.  
„ Age mens beatissima , sta fortiter,  
„ monemus : glorifica Deum in corpore  
„ tuo, & in spiritu. Dic & ipse cum di-  
*Philip. 1.* „ vino Apostolo : Scio quòd hoc mihi  
19. „ proveniet ad salutem ; per vestram ora-  
„ tionem & subministrationem Spiritus  
„ JESU-CHRISTI, secundùm expecta-  
„ tionem & spem meam ; quia in nullo  
„ confundar ; sed in omni fiducia , sicut  
„ semper & nunc magnificabitur Chri-  
„ stus in corpore meo, sive per vitam,  
„ sive per mortem. Mihi enim vivere  
„ Christus est, & mori lucrum. En dul-  
„ ce certamen ! En felicem commutatio-  
„ nem ! per breves tribulationes & an-  
„ gustias seu plagas & sanguinis guttas



# OPUSCULUM I. 21

Deum fieri, & Deo qui verè est, po-  
tiri. Solus ergo factus es ( ut accepi-  
mus ) ab iis sensu divisus, qui sæculum  
hoc amant; sed cum iis conjunctus,  
qui veritatis sustinent defensionem.  
Hinc te Martyrum chorus integrum  
suscipere desiderat. Hinc Confessorum  
cuneus manum porrigit ut in locum  
suum recipiat.

Haud quaquam desciscamus ab hac  
præclarâ choreâ, ô Venerande, neque  
omnium spes confundamus, desidera-  
tissime. Quanta pertulisti! adeò ut no-  
men tuum passim ab his & illis audi-  
tum sit. Nunc autem tanquam in mon-  
tem virtutum per confessionem sub-  
vectus, conspicuus mundo factus es,  
& faciem geris Sole lucidiorem, cum  
sermone vitam, ad gloriam Patris no-  
stri qui in cælis est. In locum deductus  
es sublimiorem, linguæ objectus ma-  
ledicæ, quid non vellicanti? quid non  
mentienti? dum te ab excelfo & divi-  
no sensu flectere conatur. Sed audi-

B iij



## 22 De S. Dionysii atate.

„ tione accepimus quantus & ipse sis  
 „ gratiâ Dei, qui vitæ sermonem geras,  
 „ sapientiæ fluctum ex ore promas, va-  
 „ nis propositionibus congruentia oppo-  
 „ nendo. Nos verò humiles illud dici-  
 „ mus & testamur, selectos & olim &  
 „ nunc hierarchicæ huic sedi præfuisse,  
 „ qui dogmatum peritiâ totam de sacris  
 „ imaginibus speculationem & doctri-  
 „ nam descripserunt & tradiderunt. Etsi  
 „ apostolicis verbis dicendum est: Ubi  
 „ abundavit peccatum, superabundavit  
 „ & gratia. Hinc enim progressa tan-  
 „ quam ex portis inferi hæresis Icono-  
 „ machica, hîc quoque repressa est: quin  
 „ reprimetur etiamnum magis Spiritus  
 „ sancti afflatu, quando increpabit Chri-  
 „ stus perversum hoc reverâ mare, in  
 „ quo multa circa fidem naufragia, non  
 „ tam mentis perversitate, quàm impe-  
 „ rantium formidine. Attamen emerse-  
 „ runt multi è procellâ, Spiritus sancti  
 „ clavo nixi: & multa martyria, & pie-  
 „ tatis scripta monumenta universum er-

Rom. 5.  
 20.

rorem expellentia, & veritatis pulchritudinem omnibus fidelibus mentibus demonstrantia. Quibuscum fervetur & Reverentia tua, bonum certans certamen, cursum consummans, ut justitiæ coronam accipias. Ità sit.

Pro verbis illis ante medium epistolæ [ & certamen duxit Jehu ] legitur in Græco [ καὶ ὁ ἀγων ἦν καὶ τοῦ ] libenter legerim & Ιηού, ut habent quædam Bibliorum Græcæ editiones, potiùs quàm Ιού, ut legitur in Bibliis regiis, aut ἡνὸν, ut præfert Theodorus ms. exemplar in schedis Sirmondi. Favet enim Jehu in vulgatâ Latinâ expressum. Est autem sensus; ὁ ἀγων, id est, multitudo Isrælitarum (nam ex Eustathio aliisque colligitur, καὶ ἀγῶνα dici etiam τὸ πλῆθος) duxit, hoc est, hostibus opposuit & Ιηού. Ubi reddit Theodorus sensum vulgatæ editionis, 4. Regum, cap. 9. v. 13. *Festinauerunt itaque; & unusquisque tollens pallium suum, posuerunt sub pedibus ejus in simi-*

24 De S. Dionysii ætate.

*litudinem tribunalis, & cecinerunt tubâ,  
atque dixerunt, Regnavit Ichn.*

De voce & de officio Syncelli, sci-  
tè Jacobus Goar in præfatione ad  
Georgii Syncelli Chronologiam, reje-  
ctis nonnullorum conjecturis : *Verius  
itaque, inquit, à cellâ & sacrario, ἀπὸ  
τῆς κελλίου Σύγκελος dictus habeatur,  
qui intimioris Patriarchici sacrarii Con-  
cellaneus, cellæ particeps, secretorum con-  
sciens, testis ac comes assiduus, arcanorum  
non ambiguus interpret, negotiorum at-  
que studiorum socius, animæ rector, &  
( si velis ) conscientie arbiter & πνδμα-  
τικός. Antiqua hæc erga Patriarcham  
Syncelli officia. Quia tamen lego apud  
Suidam : ὅτι εἰς τὸ μέγα Διονύσιον ἐγρα-  
ψεν ἐκώμιον Μιχαὴλ Σύγγελος Ἱεροσολύ-  
μων : Quoniam in magnum Dionysium  
scripsit encomium Michael Syngelus Hiero-  
solymorum ; inclino ut existimem cum  
Junio Σύγγελος vocem ex Συνάγγελος  
derivatam esse & contractam : quam  
cum Leonardo Philara volens inter-*

# OPUSCULUM I. 25

pretor laterum Patriarchæ stipatorem, ac velut Angelum fidiſſimum, & laborum comitem ad negotia quævis obeunda paratiſſimum. Neque idcirco putari velim rejectam à me inter menda Syncelli appellationem; cùm eoſdem Patriarcharum primarios miniſtros, & quaſi aſſeſſores, à probis & antiquis Scripto-ribus nunc Syncellos, nunc Syngelos nuncupatos legam. Et concedo libens in eorum ſententiam qui hanc vocem negant eſſe puri & priſci Græci ſermo-nis, ſed vulgaris & mediolorum ſæculo-rum Linguae Græcæ à veteri primige-niâ plurimùm aberrantis.

Theodori Studitæ hanc epiſtolam accepit Michaël Eccleſiæ Hieroſoly-mitanæ Syncellus jam captivus circa annum Chriſti 812. ſub Leone Arme-no. Quamdiu exinde fuerit ſuperſtes, non liquet. Hoc tantùm de illo habet Joannes Curopalates in Theophilo, qui imperavit ex anno 829. in 841. per annos duodecim, menſes tres, & dies

## 26 De S. Dionysii aetate.

viginti. *Ad hæc, beatum quoque Michaëlem, Syncellum Ecclesiæ, quæ est in sanctâ civitate, multis cum aliis Monachis in carcerem coniecit, (nempe Theophilus) diuturnis cruciatibus eos adducere sperans. Hic tantus vir, qui sancti Dionysii Areopagitæ elogium composuit, quæcunque illum spectabant, accuratissimè perscrutatus, Parisiensem ejus apostolaturn, & martyrium Parisiense asseruit, unde & exclamavit: Quàm verè beata Parisina civitas! quæ magnitudine quidem Gallie civitatibus cedit: dum verò te (ô Doctorem præstantissime) thesaurum omnibus mundi divitiis pretiosorem, in hereditatem accepit, patronumque & excubatorem acquisivit, splendidior cunctis & beatior appellata est. Commune hoc fuit Michaëli Syncello cum Methodio, Anastasio Bibliothecario, & Hincmaro Remensi; immò & cum omnibus Græcorum, Gallorum, Romanorum, adeoque orbis totius Christiani Ecclesiis, uti propriâ Dissertatio-*

## O P U S C U L U M I. 27

ne à nobis demonstratum est : hoc proprium Syngelo , quòd sancti Dionysii ætatem sic dimetitur , ut ex ea omnem ejus rerum gestarum seriem nosse cuique liceat.

In suo S. Dionysii Encomio , post medium : *Ad septuagesimum* , inquit , *annum per mille opprobria duplum Pauli cursum peregit. & iterum : Septuaginta annis apostolicum cursum percurrit. & denique : Beatum ejus agonem in postremis Trajani regni diebus fuisse accepimus.* Aperta est Syngeli sententia : nam , ut asserit Chrysostomus homiliâ de Principibus Apostolorum , cursus evangelicorum laborum S. Pauli fuit annorum xxxv. quorum duplum sunt septuaginta. Non rectè igitur Baronius septuaginta hos Dionysii annos de universa ejus ætate interpretatus est.

Ex his principiis ad universam Dionysii ætatem quasi manu deducimur. Nam anno æræ Dionysianæ 29. qui fuit ætatis Christi Domini quartus & tri-

28      *De S. Dionysii atate.*

gesimus à tribus mensibus fluens, duobus Geminis Consulibus vidit Dionysius in morte Christi prodigiosam Solis defectionem præter naturæ leges in plenilunio Paschali commissam. Annum hunc mortis Christi probarunt viri docti, Antonius Capellus, Keplerus, & denique Henschenius tomo 1. Sanctorum Aprilis, in diatribâ præliminari, exercitatione 1. ex antiquis primæ notæ Scriptoribus, Tertulliano, Severo Sulpicio, Augustino, Phlegonte, Prospero, Idatio, Victorio, Cassiodoro, Cedreno, & aliis. Hoc porro anno ætæ vulgaris 29. erat Dionysius annorum xxv. ut ipse testatur in epistolâ ad Apollophanem, & asserit Maximus in Scholiis epistolæ ejus decimæ, quæ est ad Apostolum Joannem.

Nunc annum inquiramus, quo Dionysius, Paulo Athenis prædicante, ad Christum est conversus. Paulus Orosius libro 7. historiarum cap. 6. *Anno*



# OPUSCULUM I. 29

*ejusdem* ( Claudii scilicet Imperatoris )  
*nono expulsos per Claudium urbe Judeos*  
*Josephus refert.* Annus Claudii nonus  
 est æræ vulgaris 49. Sequenti anno  
 Christi 50. Claudii decimo conversum  
 ad Pauli prædicationem Dionysium  
 Areopagitam rectè statuit Petavius:  
 nam ex Actorum capite 17. & 18. hac  
 prædâ potitus Paulus, *egressus ab Athe-*  
*nis venit Corinthum, & inveniens quem-*  
*dam Iudeum, nomine Aquilam, Ponti-*  
*cum genere, qui nuper venerat ab Italiâ,*  
*& Priscillam uxorem ejus, ( è quòd præ-*  
*cepisset Claudius discedere omnes Judeos*  
*à Româ ) accessit ad eos.* Sequenti igitur  
 anno, Claudii decimo, Christi  
 quinquagesimo nomen Christo dedit  
 Dionysius: statimque Paulus Corin-  
 thum veniens, ibi Aquilam reperit  
 cum Priscillâ conjuge, recenti Claudii  
 edicto Româ extorres.

Hinc porrò numeremus annos se-  
 ptuaginta, confient anni centum vi-  
 ginti. Passus ergo est S. Dionysius an-

30 *De S. Dionysii etate.*

no æræ vulgaris 120. ætatis suæ 116. quia hujus æræ anno 29. ætatis erat annorum dumtaxat quinque & viginti. Anno autem ejusdem æræ 120. tertium jam annum imperabat post Trajanum Hadrianus, nempe ex die mensis Augusti xxix. anni 117. Statuendum igitur ex præmissis passum esse Dionysium sub Hadriano, non autem sub Trajano, ut scribit Suidas cum Michaële Synge-  
 gelo; nisi apud hos auctores venit pro Trajano Hadrianus, quem Trajanum Hadrianum dictum constat ex nummis & inscriptionibus antiquis. Martyrologium quod Romanum vetus putavit Rosvveydus, quódque Ado suo ipsius Martyrologio præfixit: v. *Nonas Octobris, Athenis Dionysii Areopagita, sub Adriano diversis tormentis passi.* Explicui in Dissertatione mea de uno Dionysio, Athenis memoriam recoli Dionysii v. Nonas Octobris ordinati Atheniensium Episcopi, qui deinde Parisiis martyrium fecerit imperante Hadria-

no, VII. Idus Octobris. Non dubium tamen quin multa passus sit S. Dionysius sub Domitiano : unde est quòd Græci plerique cum Methodio & Menæis martyrium ejus referant ad Imperium Domitiani : sed congressus ejus cum Joanne Apostolo post Domitiani interitum, & Michaëlis Syncelli assertio de septuaginta annorum apostolicis ejus laboribus ad Pauli labores duplis, cogit nos consummatum illum credere, ut diximus, jam imperante Hadriano.

Sic definitâ Dionysii ætate, nunc ejus transitum in Gallias tempori suo reddamus. Ne nihil non moveant adversùs Parisiensem Areopagitam duorum Dionysiorum assertores, negotium faceßunt de missione S. Dionysii in Gallias per Clementem Papam, & de primis aliquot post beatum Petrum Romanis Pontificibus. Communis est Annalium ecclesiasticorum hæc difficultas, etiam iis qui de Dionysio nihil

32 *De S. Dionysii etate.*

cogitant. Si quæstionis hujus fibras omnes excutere aggrediar, justis operis argumentum erit. Quæ nostri sunt instituti, paucis exequor. Primum, illis non assentior qui Linum & Cletum à summo Pontificatu excludunt. De Clemente Bellarminum magnum Doctorem consulo. Is in libro 2. de Romano Pontifice cap. 5. De Petri successore, *Respondeo* (inquit) *posse rem totam ita componi & explicari. Apostolus Petrus passione sua imminente, beato Clementi sedem episcopalem reliquit. Id testantur gravissimi auctores, Tertullianus de præscriptionibus, Hieronymus lib. 1. in Iovinianum, & in caput 52. Isaie, Rufinus præfatione Recognitionum, & Invektivâ in Hieronymum, Ioannes III. Papa in epistolâ ad Episcopos Germaniæ: & præterea Clemens ipse lib. 7. Constit. Apostol. cap. 37. Anacletus epistolâ 1. Alexander epist. 1. & Damasus in Vitâ Petri. Ceterum Petro mortuo Clemens in sede apostolicâ sedere noluit, donec*

donec vixerunt Linus & Cletus, qui ipsius beati Petri adiutores in episcopali officio fuerant. Quocirca primus à Petro Pontifex, non Clemens, sed Linus fuit. Id ita esse colligimus, primum ex Epiphania, haresi 27. qui ex sententiâ veterum tradit, à Clemente sedem recusatam, dum viverent Linus & Cletus. Deinde, ex hac ipsa ambiguitate. Si enim absque ullâ contentione successisset Petro Clemens, aut Linus, aut quicunque alius, nulla certè quæstio de primo successore Petri extitisset, quemadmodum de primo successore Jacobi Hierosolymitani, & Marci Alexandria, & ipsius Petri Antiochia nulla unquam fuit quæstio.

Quia verò in Romanâ Ecclesiâ, post Petri obitum sancta contentio ex humilitate nata est, & unus fuit, & alter esse debuit primus successor Petri, inde nonnulla obscuritas in hanc successionem invec̃ta est. Atque ex his conciliari possunt auctores qui aut Clementem Linam, aut

### 34 De S. Dionysii aetate.

*Linum Clementi anteposuit. Siquidem Irenaeus, Eusebius, Epiphanius, Optatus, Augustinus, Hieronymus, dum asserunt Petro Linum proximè successisse, verum asserunt; sed non negant id factum esse, quia Clemens episcopatum illum recusaverat. Porro Tertullianus, Hieronymus, Ruffinus, & ceteri qui Clementem à Petro successorem relictum esse scribunt, rem veram narrant; sed nec ipsi negant, Clementem eo tempore sedem accipere noluisse. Hæc Bellarminus. Ad Auctores porro ab eo citatos, qui Petro Clementem successisse dicunt, accedit Beda lib. 2. Hist. Anglorum, cap. 4. Marianus Scotus ad annum Neronis xiv. Hugo de S. Victore in mysticâ Arcæ Noë descriptione, & his omnibus antiquior Eucherius ad Valerianum: Clemens, inquit, vetustâ prosapia Senatorum, atque etiam ex stirpe Caesarum, omni scientiâ refertus, omniumque liberalium artium peritissimus, ad hanc justorum viam transiit, itaque etiam in*

*eâ excellentiâ effloruit, ut Principis quoque Apostolorum successor extiterit.*

Franciscus Turrianus lib. 2. pro epistolis Pontificum adversus Magdeburgenses, cap. 10. Clemens, inquit, electus & ordinatus est Episcopus Romanus ab ipso Petro, cum jam passio ejus instaret. Unde quia Cletus cum Lino & post Linum Petri in eodem Pontificatu administrando adjutor fuerat, quâ ratione Clemens successit Lino, eâdem successit & Cleto. Lino verò successit, quia Episcopatum Romanum, quem Linus tanquam adjutor Petri, cum proprio Episcopo, id est, cum ipso Petro gubernabat, idem Clemens tanquam proprius ac principalis Episcopus suscepit. Simili ratione successit Cleto: nihil enim differunt nisi quod Linus vivente adhuc Petro mortuus est, Cletus verò non. Ex quo factum est ut Clementem alii secundum post Petrum, alii tertium, alii quartum numerent: sintque quodammodo omnia vera, si rationes succedendi distinguantur. Est enim

### 36. De S. Dionysii etate.

*Clemens, scilicet secundus post Petrum, ut principalis : tertius, ut successor Lini : quartus, ut successor Cleti, qui post mortem Lini fuit quoque : etri adjutor, cui successit ut principalis Clemens.* Sic profitetur Turrianus fuisse quidem Petrum, Linum, Cletum, & Clementem omnes Episcopos Romanos : sed solum Petrum & Clementem summos Pontifices, sive Universalis Ecclesiæ Papas ; Linum porro & Cletum fuisse dumtaxat illorum adjutores. Idipsum expressè docet Hugo Flaviniacensis in Chronico suo : nempe ex illâ Joannis tertii Papæ epistolâ ad Episcopos Galliæ & Germaniæ, quam Baronius & plerique alii eruditi confictam esse non uno argumento probant.

Hæc si dixerimus, expeditum habebimus nostrum Areopagitam, quem sub Petri & Pauli martyrium Clemens in Gallias destinavit. Sed amplectimur communioem & sanioem sententiam, quæ Linum & Cletum



# OPUSCULUM I. 37

summos Ecclesiæ Pontifices agnoscit, præsertim propter illa verba Canonis Missæ antiquissimi, *Lini, Cleti, Clementis*, & Damasi auctoritatem in libro de Romanis Pontificibus : potiùs verò citato Bellarmino adhæremus, asserimusque missum in Gallias Dionysium Areopagitam, cùm abdicato priore suo episcopatu Atheniensi Romam advenisset haud multò post passionem Apostolorum Petri & Pauli, quos ille (ut putabat) adhuc superstites, officii causâ visurus, eò se contulerat anno æræ vulgaris 65. vel 66. vigente nimirùm sanctâ illâ contentione inter Clementem, quem summum Pontificem Petrus dixerat, & Linum, in quem Clemens id oneris ac dignitatis rejiciebat.

Hanc verò piam contentionem satis diu viguisse, ac eâ stante Clementem summi Pontificis auctoritate usum, suadent gravissimorum & vetustissimorum, quæ protulimus, Scriptorum

38. *De S. Dionysii etate.*

testimonia, primum à Petro Clementem Petri cathedram obtinuisse asserentium. Dum enim Clemens supremam illam ac solitariam Christi in terris Vicarii dignitatem in Linum derivare conaretur, famâ interim vulgante, à Petro ipso morti proximo dictum esse Clementem illi successorrem, vix erat qui ex momento Petri in crucem sublato non eum unicum Christi in terris Vicarium agnosceret, quàmlibet ille id fastigii à se averteret, & in Linum transferre moliretur. Romam ergo sub id tempus perveniens Dionysius Clementem ut Papam salutavit, atque ab eo missionem in Gallias accepit. Instabis: Non debebat Clemens suâ voluntate abdicatus pro Papâ se gerere. Fateor: Sed Lino Papatum à se amoliente, & in Clementem retorquente, vel hoc ipso stabat Clemens in suo jure; ita ut quod ipse Petri suffragio sibi vindicare noller, Lini indulgentiâ & quasi-delegatione

præ se ferre cogeretur. Sic ergo Dionysium in Gallias emisit, sive ut Papa constitutus à Petro, necdum planè abdicatus, sive ut à Lino post suam abdicationem delegatus, & quasi pro Papâ se gerere jussus. Frustrâ igitur quis objecerit haud legitimam fuisse Dionysii missionem illam, cum sic & Clementis & Lini ipsius auctoritate niteretur.

Deinde si Polycarpo Smyrnenſi Irenæum in Gallias, Christi fidem propagaturum, emittere licuit, cur non potuerit Clemens tanquam Christi vel Apostolorum discipulus, Dionysium in Gallias prædicandi causâ Evangelii destinare? Nunc tandem quod ad ecclesiasticorum dogmatum fidem gravius momenti est, suos Dionysio libros vindicare aggrediamur. Hi sunt vulgati, & in omnium manibus.

40 *De S. Dionysii aetate.*

De cœlesti Hierarchiâ.

De ecclesiasticâ Hierarchiâ

De divinis Nominibus.

De mysticâ Theologiâ.

Libri singuli  
Timotheo  
inscripti  
omnes.

Epistolæ decem.

Ad Caium Monachum quatuor.

Ad Dorotheum Ministrum una.

Ad Sosipatrum Sacerdotem una.

Ad Polycarpum Antistitem una.

Ad Demophilum Monachum una.

Ad Titum Episcopum una.

Ad Joannem Apostolum & Evangelistam una.

Bipartitus est illorum cuneus, qui Dionysio Areopagitæ vulgò adscripta Opera ipsi abjudicarunt. Primi fuerunt hæretici, qui cum cernerent præcipua catholicæ fidei dogmata, à quibus illi aberrarunt, his Areopagitæ libris sic stabiliri, ut à veterum Patrum nemine alio firmius aut evidentius; eò maxime spectarunt ut populis persuaderent, illos esse recentioris cujuscumque viri creduli commentarios, ad concipi-

# OPUSCULUM I. 41

standam eis fidem, falsò Areopagitæ titulo prænotatos, Tenebriones hos abundè confutarunt inter alios Martinus Debrio in Vindiciis Areopagiticis, Petrus Lantseolus in Disputatione Apologeticâ de S. Dionysio ejusque scriptis, & Petrus Halloix de vitâ & Operibus S. Dionysii, quæstione secundâ. Sic autem illorum insultus retuderunt, ut supervacaneum putem actum agere.

Classis altera est orthodoxorum, inter quos famam tulit Joannes Morinus, qui citatis Areopagiticis superstes fuit, & quasi post acceptam cladem reparatis copiis pugnam redintegravit. Hic parte secundâ de sacris ordinationibus, primis sex capitibus; *Certissimum est, inquit, istius viri, quicumque ille sit, Opera per hæreticos orbi Christiano primùm innotuisse: hæreticos his usos, ut hæresim suam defenderent. Ideò, ut illis certior & augustior accederet auctoritas, auctori nomen Arcopagita*

42 De S. Dionysii etate.

primos indidisse. Catholicos autem eorum  
 Operum antea insolentes & ignaros ea  
 tum repudiassse, causatos personam factum-  
 que supposita esse. Tum numero xi. sub-  
 dit: *Paulatim tamen Catholici librorum*  
*istorum lectioni diligentius incumbentes,*  
*eorum soliditatem in fide, sensumque*  
*absolute catholicum admirati, tandem*  
*eos amplexi sunt, & leti, Areopagita*  
*nomen auctori continuarunt.* Et post pau-  
 cos versus: *Hunc è manibus heretico-*  
*rum excussum sibi vindicant, & ex*  
*iis varia testimonia in fidei catholice con-*  
*firmationem, velut ex armamentario in-*  
*structissimo deprompserunt, ut saepe fecit*  
*Martinus I. Papa, & ante eum Sophro-*  
*nus Patriarcha Hierosolymitanus, ut*  
*ipse ibidem testatur, & post eum sepius*  
*Concilium sextum generale. Primus Dia-*  
*nysium cum elogio citasse legitur S. Gre-*  
*gorius Papa homiliâ xxxiv. in Evange-*  
*lia: Fertur verò Dionysius Areopagita,*  
*antiquus videlicet & venerabilis Pater,*  
*&c. In hac certè homiliâ quæ refert*

S. Gregorius de novem ordinibus Angelorum, deque illorum officiis ad Ecclesiæ totius administrationem, non omnia hausisse potuit ex Pauli Apostoli Epistolis, aliisve alterutrius Testamenti locis: nec dubium quin ea ex Dionysii cælesti Hierarchiâ deprompserit; qui nimirum Pauli magistri sui, in tertium cælum & in paradisum rapti, secretorum conscius, ( ut observat Michaël Syngelus ) angelica ista vel ex ejus ore exceperit, vel etiam ipse Deo revelante cognoverit, quæ apud scholasticos æquè ac mysticos tantâ in veneratione sunt.

Age igitur, arcem ipsam difficultatis invadamus. Vulgatorum Dionysii Arcopagitæ nomine scriptorum quicumque est auctor, is epistolâ septimâ quæ est ad Polycarpum, asserit, se dum esset juxta Heliopolim, observasse cum Apollophane mirabile illud Solis deliquium, quod præter naturæ leges Christo de cruce pendente evenit:

#### 44 *De S. Dionysii aetate.*

Se Pauli Apostoli & Hierothei discipulum profiteretur, non uno loco, præsertim verò cap. 2. & 3. de divinis Nominibus. Eodem capite 3. Timotheo narrat se beatissimæ Dei parentis Virginis exequiis interfuisse cum Jacobo fratre Domini, & Petro Theologorum antiquissimâ summitate, & eximio præceptore suo Hierotheo, qui cæteris omnibus sacris laudatoribus antecellebat, totus excedens, totus se deferens, rerumque quas laudabat, consortium patiens, & ab omnibus à quibus audiebatur ac videbatur, tam notis quàm ignotis, divino numine afflatus, divinusque planè laudator censebatur. Epistolâ x. ad Joannem Apostolum, monet se Deo revelante agnovisse, brevè illum è Pathmos insulæ ergastulo solvendum, & in Asiam rediturum, ubi mutuis adhuc frui possent alloquiis.

De Hierotheo tamen sic agit Morinus ut de homine fabuloso; unde



& in ejus laudatorem Dionysium ita insultat: *Quis præterea est iste apud eum solum, tam famosus Hierotheus ipsius preceptor, cujus longè sepius meminit, & multò evidentius, quàm sancti Pauli? Qui tam multos & admirabiles Theologie libros composuit; quos sanctus Thimotheus non capiebat, ipse Dionysius vix caperet: de quo tamen, & ejus libris apud Auctores ecclesiasticos nulla mentio, nulla umbra, nulla suspicio. Dionysii Opera post annos à nato Christo quingentos. publicantibus hereticis Eutychianis orbi Christiano primùm innotuerunt. At præclara ista Hierothei Opera hætenus in tenebris delitefcunt: nomen ipsum hætenus incognitum, solâ Dionysii narratione notum. Nulli Catholici, nulli heretici illius unquam meminerunt. Stylus tamen magistri, stylo discipuli simillimus, ut ex pauculis, quæ ab eo refert Dionysius, evidenter colligitur: ovum ovo, lac lacti vix similis; ita ut videantur in eodem ludo instituti. His dictis Morinus velut*

46 De S. Dionysii ætate.

arma abjiciens sic concludit : *Quum igitur tanta tamque perplexa sint difficultates in asserendâ huic Auctori summâ antiquitate christianâ, rem in medio relinquamus. Unusquisque per nos de hac quaestione, ut libuerit, opinetur.* At ego sic hominem aggredior : Fateris, Morine, istum, quicumque est, qui magistri sui Hierothei meminit, qui in morte Christi Salvatoris, Solis eclipsim prodigiosam à se observatam affirmat, virum fuisse solidæ fidei, & sensûs absolutè catholici ; Martino I. Papæ, Sophronio Patriarchæ Hierosolymitano, Concilio sexto generali, & Gregorio Magno Papæ in primis probatum. Addo ego : Si non ipse est Arcopagita, mendax est, impostor est, superbus est, hypocrita est, & sacrilegæ simulationis reus, adeoque probis omnibus execrandus. *Quis talem ac tantum virum* (ait vir doctissimus Leonardus Lessius datâ ad Lansselium epistolâ) *credat tam putidè voluisse men-*

*iri , & tam absurdâ hypocrisi , falsæ quadam specie antiquitatis , & apostolica consuetudinis mundo imposturam facere ? Non cadunt ista in virum probum , & sanæ mentis ; multò minùs in sapientissimum & sanctissimum.*

Mirum est autem, fictitium hominem putari à Morino Hierotheum , quem memorant colúntque Græci, Romani, Hispani ad quartam diem Octobris. Vitam ejus scripsit Petrus Halloix in primi sæculi Patribus ; multa de eo Martyrologium Hispanicum Tamayi Salazar , & Bivarius in Chronicon Dextri : apud quos plurima reperies de ejus natali solo , episcopatu Segobicensi, rebus gestis, & sacris reliquiis. Quod tamen ibi leges , fuisse illum Episcopum Athenis ante Dionysium Areopagitam , qui eo magistro gloriatur, sic intellige ; fuisse illum Athenis creatum Episcopum , non titulo , sed charactere ; qua ratione complures Presbyteros primis Ecclesiæ sæculis

48 *De S. Dionysii aetate.*

fuisse ordine & caractere , non titulo Episcopos , ex Hieronymo & ex Paulo ipso Apostolo alibi docuimus. Ut sit fides beato Michaëli Syngelo Hierosolymitano , qui in elogio S. Dionysii , illum asserit à Paulo Apostolo primum Atheniensibus fuisse Episcopum consecratum. Quæ porro Hierothei scripta , nec Timotheum , nec se ipsum satis capere affirmat Dionysius , ne dubita quin ea fuerint de mysticæ Theologiæ arcanis , quæ Hierotheus *patiens divina* , ex propriâ experientiâ contexuerit. Quæ quàm sublimia fuerint , & supra multorum etiam Theologorum captum , intelliges ex hujus argumenti tractatibus à Blosio , à Joanne de Cruce , & à sanctâ Virgine Teresa conscriptis ; ut de cæteris taceam.

Sufficere posset ad vindicandos Areopagitæ libros suos unum hoc argumentum , cujus vim nemo adversariorum unquam eludet : alterum haud impru-

imprudenter attigit Petrus Halloix in suo Dionysio, quæstione 2. argumento quinto. *Non est*, inquit, *divini moris*, *nec æternæ illius providentiæ*, *opera vana & fictis mendaciis plena*, *veris ornare & cohonestare miraculis*. *Areopagite opera*, *cum variis infirmitatibus in tanti viri honorem applicarentur*, *multis divinitus honestata sunt miraculis*, *ut capite xxx. Vita attigi*. Quare, *signum est satis evidens & luculentum*, *ejus esse illa opera*, *cujus in honorem ea patrata sunt*. Scio reponi posse, *mirabiles ejusmodi eventus*; *fidei potius precantium tribui solere quàm factorum pignorum veritati*. Aliam admoveo machinam, *magnorum virorum auctoritatem*, *qui Dionysii*, *de quibus agimus libros*, *quin legitimi essent Areopagitæ partus*, *minimè dubitarunt*.

Ex hoc testium innumerabili cœtu duos omnium instar in rem nostram voco, Thomam Aquinatem, & Franciscum Suarezium. Ille verè Angeli-

D

cus Doctor Summam suam Theologicam, aliâque opera sua scholastica magnam partem ex Dionysii libris contextuit, ut uno ferè oculi motu intueberis in serie locorum quæ ex iis S. Thomas citavit, quam proponit Balthazar Corderius in Prolegomenis tomi prioris ejus operum, observatione generali duodecimâ, quam sic orditur: *Juvabit etiam non parùm ad pleniorẽ S. Dionysii intelligentiam, scire loca quæ D. Thomas ex ipso citat, ut sicut Doctor Angelicus ex illo sole magnum Sapientiæ lumen accepit, ita vicissim luminis ejusdem radios ad captum nostrum aptè distributos, hierarchico ritu ad nos transfundat.* Sic verò concludit, post accuratam non tantùm librorum, sed etiam capitum singulorum recensitionem, ex quibus hausit magnus Doctor: *Ex his, aliisque locis quæ me effugerunt, facile patet, Angelicum Doctorem totam ferè doctrinam Theologicam ex purissimis Dionysii fontibus hausisse; cum vix ulla*

## OPUSCULUM I. 51

*fit periodus, è quâ non ipse tanquam  
apis argumentosa Theologicum succum  
extraxerit, & in Summam, veluti  
quoddam alveare, pluribus quæstionibus  
articulisque seu cellulis, Theologico melle  
servando distinctum redegerit.*

Porro Suarez, de quo dubitatum  
doctiorne esset, an sanctior; de quo  
sæpè quæsitum an ævi nostri dicendus  
habendusque esset Thomas Aquinas,  
an verò Augustinus: ille in præfatio-  
ne tomi sui de Angelis, cavendos ad-  
monet qui Dionysio Areopagitæ libros  
suos abrogare contendunt. Hic ego  
quæsierim ex Hypercriticis nostris,  
satisne prudenter in his summis viris  
discernendæ librorum ætatis pruden-  
tiam desiderent, atque an modestè sa-  
tis eos imperitiæ notare audeant. Nunc  
Morini quædam objecta diluamus.

I. *Certissimum est, inquit, istius viri,  
quicumque ille sit, Opera per hæreticos or-  
bi Christiano primùm innotuisse. Hoc  
verò nos falsissimum esse contendi-*

D ij

52 *De S. Dionysii ætate.*

mus : nota enim fuerunt nonnullis ab ipso Dionysii auctoris ævo ; quamvis primis Ecclesiæ sæculis in vulgi usus emissâ non fuerint, ipsius videlicet auctoris cautione , quam aperuit cap. i. de Ecclesiasticâ Hierarchiâ , capite i. de divinis nominibus , & capite i. de mysticâ Theologiâ. Hujus consilii ratio fuit , quia cùm priscis illis temporibus laborandum esset in propagandâ fide , ac stabiliendis mysteriis ad salutem necessariis ; putâ de Dei unitate in essentiâ , & Trinitate in personis , de Christi Incarnatione , Passione , Resurrectione , & Ascensione , de præceptis caritatis erga Deum & proximum , de petendis in oratione Dominicâ , ( ex quibus ferè constat illud quod puëris & rudibus tradi solet doctrinæ christianæ compendium ) non erant oneranda neophytorum ingenia tot illis arcanis , quæ libris Dionysianis continentur. Et hoc ipsum videntur spectasse Origenes , Eusebius , Hie-



## O P U S C U L U M I. 53

ronymus , aliique primorum quatuor Ecclesiæ sæculorum Patres , ut consultò ab iis memorandis abstinerent quæ ad vulgi usum nollent traduci. Hinc raritas exemplarium : quam etiam auxisse creditur externorum Philosophorum , Platonis , Philonis , aliorumque mundi sapientum invidiâ , qui Dionysianis sententiis velut propriis passim usi , fontes ipsos unde hauserant , oblimare atque extinguere studuerunt. Alioqui dubium non est , quin Dionysii opera norit Chrysostomus , qui cum *περὶ τῶν τῶν ὁρατῶν* , hoc est , volucrum cæli appellavit , teste Anastasio in Epistolâ ad Carolum Calvum : & plurimæ exstant sententiæ Gregorii Nazianzeni , Clementis Alexandrini , aliorumque Patrum , qui primis quatuor à Christo sæculis floruerunt , quas ad gustum Dionysii Areopagitæ descriptas esse prudentissimus quisque agnoscit. Has collegere plurimas Martinus Delrio in Areopagiticis , & Petrus

D iij

Halloix in suo Dionysio : quibus addas per me licet Joannem Pearson Presbyterum Anglum in Vindiciis Epistolarum S. Ignatii , adversus Joannem Dallæum, parte 1. cap. 10. ubi vulgatorum Dionysii Operum auctorem, quarto post Christum sæculo , & postremis Eusebii Cæsariensis temporibus scripsisse contendit , alioqui probrosâ pseudo-Dionysii appellatione abusus.

2. Sed instat Morinus capite illo primo , numero v r i. Antiquissimum, ait , monumentum ecclesiasticum in quo Dionysii Areopagitæ , & Operum ejus diserta fit mentio , habetur tomo 2. Conciliorum, in collatione Constantinopoli in Justiniani Imperatoris palatio facta anno 532. inter catholicos & hæreticos Severianos, sive Acephalos. Utrosque Constantinopolim accersiverat Imperator , ut collatione habitâ experiretur, an mutua concordia inter eos conciliari posset. Episcopi quinque catholici aderant cum

# OPUSCULUM I. 55

Presbyteris septem : Acephali verò  
Episcopi sex, quos nonnulli Presby-  
teri & Monachi comitabantur. In  
collatione secundæ diei sic Catholici  
objicientibus hæreticis respondent :  
*Quod autem prius dici debuit, hoc in  
ultimo dicimus. Illa enim testimonia  
quæ vos Dionysii Areopagitæ dicitis,  
unde potestis ostendere vera esse sicut suspi-  
camini ? Si enim ejus erant, non potuif-  
sent latere beatum Cyrillum. Quid au-  
tem de beato Cyrillo dico ? quando &  
beatus Athanasius, si pro certo scisset ejus  
fuisse, ante omnia in Nicæno Concilio,  
de consubstantiali Trinitate eadem testi-  
monia protulisset adversus Arrii diversæ  
substantiæ blasphemias. Si autem nullus  
ex antiquis eorum meminit, unde nunc  
potestis ostendere quia illius sint, nescio.*  
Ad hæc refero ; quid mirum si ignoti  
fuerunt libri Dionysii Areopagitæ  
quinque illis Episcopis & septem Pre-  
sbyteris in Justiniani palatium evocatis  
anno 532. cum illi ob causas quas di-

D iiii

ximus, vix ullis in Bibliothecis expositi essent? Athanasio autem & Cyrillo satis fuit, Arrianos aliosque sui temporis hæreticos ex Scripturis sacris confutare; præsertim cum illo adhuc tempore Opera Dionysii nondum publico satis probata essent.

3. Urget Morinus: Citat passim Dionysius omnes Joannis Evangelistæ libros, adeoque Apocalypsim, quam constat receptam non fuisse inter Scripturas canonicas ante Concilium Laodicenum, nec ante Gregorium Nazianzenum, nec ante Amphilochem, aut ab aliis Græcis, ut testatur Hieronymus in epistolâ 129. ad Dardanum. Esto: quid mirum si Dionysio Joannis Apostoli æqualis sui, & amicitia sibi conjunctissimi Opera nota fuere, & probata, quæ deinde pedetentim vulgo innotuere?

4. Pergit Morinus: Antè Concilium Nicænum οὐσία ab hypostasi non distinxere Patres. Respondco: His ocu-

latior Dionysius distinguendam cognovit tertio ante Nicænam Synodum sæculo.

5. Millenariorum sententiam improbat Dionysius Hierarchiæ Ecclesiasticæ capite 7. hujus auctorem perstringens Papiam Episcopum Hierapolitanum. (ut censet hunc locum exponens Maximus) Testatur autem Papias apud Eusebium lib. 3. Ecclesiasticæ historiæ, capite ultimo, neminem Apostolorum se unquam vidisse. Fortasse autem vidit Papias Dionysium Areopagitam qui omnibus Apostolis superstes fuit. Utut sit, Papiæ non meminit Dionysius, sed tantum erroris Millenariorum, cujus origo non à Papiâ, sed ab ipso Apocalypsis capite vigesimo malè intellecto, & secundum litteræ corticem; non, ut oportuit, secundum verum & mysticum sensum accepto repetenda est.

6. Capite ultimo libri de Hierarchiâ Ecclesiasticâ, dicit auctor se tenere de

baptismo infantium *quod divini, inquit, nostri Pontifices ab antiquâ traditione mysticè edocti ad nos usque produxerunt.* Non conveniunt hæc verba ( ut putat Morinus ) Apostolicorum temporum viro. Conveniunt porrò , ut opinor, maximè , & præsertim Dionysio macrobio ; qui , ut ostendimus, septuaginta annos in laboribus Apostolicis exegit. Quis verò nescit, longum & breve, antiquum & recens, novum & vetus comparatè dici ; idémque esse uni vetus, quod alteri novum ? Antiquus erat Dionysius comparatè ad sequentium sæculorum viros ; Dionysio tamen antiqua erat traditio quæ ab Apostolis manaverat, aut ab aliis Christi discipulis qui Christo convixerant, & qui plerique, ac fortasse omnes, tum cum hæc ille scriberet, è vivis erepti ad superos evolarant.

7. Quæ de Monachis scripsit Dionysius, frustrà contendit Morinus primo Ecclesiæ sæculo non convenire,

ut intelliges ex Balthazare Corderio,  
& ex auctoribus ab eo citatis annota-  
tione in caput sextum de Hierarchiâ  
Ecclesiasticâ.

8. Restat difficultas, quam sic pro-  
ponit Morinus parte illâ secundâ de  
ordinationibus, cap. 5. num. 1. *Refere*  
*Dionysius capite 4. de divinis nomini-*  
*bus, testimonium ex epistolâ S. Ignatii*  
*ad Romanos, cum ad martyrium ducere-*  
*tur, scribentis. At librum de divinis no-*  
*minibus dedicat Dionysius S. Timotheo*  
*Ephesiorum Episcopo. Vivebat igitur Ti-*  
*motheus post Ignatii epistolam ad Roma-*  
*nos missam. Verum ex eodem Ignatio*  
*scribente ad Philadelphios constat Timo-*  
*theum, cum Ignatius ad Romanos scri-*  
*beret, defunctum fuisse. Constat prater-*  
*ea ex epistolâ ejusdem Ignatii ad Ephe-*  
*sios, Onesimum Timotheo successisse. Ita-*  
*que scribit Dionysius Timotheo, longo*  
*tempore post Timothei mortem.*

Ad hanc objectionem respondet S.  
Maximus, hoc testimonium à Diony.

sio non esse allegatum ; sed cùm ab aliquo minùs perito ad marginem adnotatum fuisset , postea in textum à margine irrepsisse. Id ipsum affirmat Petrus Halloix quæstione 2. & 3. de Operibus S. Dionysii. Ubi etiam multis refellit & Dextrum , & Bivarium , qui Timotheum , ad quem scribit Dionysius , Marcellum interpretati sunt. Censuit Cardinalis Baronius Timotheum illum non esse Ephesiorum notissimum Episcopum , sed alium quempiam ejusdem nominis. Urget autem Morinus , Timotheum illum , quamvis Episcopum , sæpe à Dionysio *filium* nuncupari : *quod certè , inquit , absurdum est , & ab usu ecclesiastico , & à rectâ ratione maximè alienum.*

Quicquid autem sit de illo Ignatii loco , *amor meus crucifixus est* , sive sit Dionysii ipsius , sive à glossatore in ejus textum insertus , aliam in eo viam , quâ his difficultatibus me expediam , quam & sequitur & multis probat



Petrus Halloix. Experimur nos qui scribendis libris incumbimus, subinde illos à nobis retractari, & iis interpolari adjectionibus quæ illi tempori non conveniunt quo primùm eos scribere aggressi sumus. Quod cum etiam junioribus certum sit contingere, quanto magis in Dionysio admittendum est, quem ex Michaële Syngelo supra ostendimus, annos admodum septuaginta quæ scribendis ad bonum publicum libris, quæ excursionibus in diversas provincias, aliisque Apostolicis laboribus exegisse. Fuisse autem Timotheum timidioris ingenii, & ætate juniorem Dionysio, còque κατὰ τὸ πρότερον *filium*, ab eò subinde appellatum, scitè admonet Petrus Halloix, præsertim quæstione illâ tertiâ de vitâ & Operibus S. Dionysii, s. *Secundum argumentum*, ubi hæc habet: *Iam autem Timotheus respectu Dionysii erat admodum juvenis, quippe qui Neronis tempore vocetur adolescens, & ad quem*

62      *De S. Dionysii ætate.*

*scribens Paulus dicat : Nemo adolescentiam tuam contemnat. tum autem Dionysius duplam circiter illius ætatem exegerat. Valet porrò hæc observatio, etiam ad id quod opponit Morinus citare Dionysium nonnulla ex Apocalypsi, & ex Evangelio joannis, & alia quædam proferre, vivente adhuc Timotheo nondum scripta, aut nondum promulgata. Hæc nimirum post mortem Timothei scriptis suis illigavit Dionysius, multis annis ei superstes, cum Opera sua subinde recognosceret.*



D E  
UNA S. SYRA,  
five SYRIA,

VIRGINE RILLIACENSI  
pariter & Eboriacensi, sancti Fiacrii sorore, alterâ ferè à Trecis leucâ horariâ, in pago sui nominis ad Sequanam, miraculis celebri.

OPUSCULUM II.

1. The first part of the document is a letter from the President of the United States to the Congress, dated January 1, 1861. It is a formal address, and it is the first of its kind since the signing of the Constitution. The President, James Buchanan, is addressing the Congress, and he is doing so in a very formal and dignified manner. He is discussing the state of the Union, and he is discussing the issues that are facing the country at that time. He is also discussing the role of the President, and he is discussing the responsibilities of the Congress. The letter is a very important document, and it is a very interesting one to read. It gives us a glimpse into the mind of a President, and it gives us a glimpse into the state of the country at that time. It is a document that is worth reading, and it is a document that is worth studying.

100-10000



D E

UNA S. SYRA,

·five SYRIA,

VIRGINE RILLIACENSI

pariter & Eboriacensi, sancti Fiacrii sorore, alterâ ferè à Trecis leucâ horariâ, in pago sui nominis ad Sequanam, miraculis celebri.

OPUSCULUM II.



ERMAGNI referre existimo ad Sanctorum cultum, ut de illis non nisi benè comperta assermentur. Nam si de illorum genere aut rebus gestis incredibilia quædam circ-

E

cumferantur, proximum est ut de eorum quoque sanctitate vacillet populi fides, & obganniant insultentque hæretici, qui Sanctorum venerationem pro superstitione habent.

Protulit recentior ætas Scriptores nonnullos, qui sanctam SYRIAM prioribus sæculis per Galliarum Ecclesias præcipuâ in veneratione habitam, in duas diffudere: unde hæsitatio in vulgo, num Rilliaci verum in illâ numen, an larvam numinis colat. Facem his prætulit Arturus du Monstier, in sacro Gynecæo, & illo copiosior Carolus Cointius in Annalibus Ecclesiasticis Francorum, tomo tertio, ad annum Christi 652. numero LV. *Erat, inquit, beato Fiacrio soror, nomine Syra. Hæc relictâ patriâ fratrem in eremo Meldensi jam degentem adiit, ab eoque, necnon a Farone Meldensi Pontifice confirmata est in sancto proposito: deinde concessit in disciplinam Fare piissima Abbatisse, quæ soror erat Faronis Episcopi.*

## OPUSCULUM II. 67

*præeratque Brigenſi pællarum Monafterio. Illic omni obſervantiâ caſtimoniæ, abſtinentiæ, pietatis, obedientiæ, humilitatis, caritatis, adeò cæteris Monialibus prælu-  
xit, ut evocata fuerit Catalaunum: ibi Monafterio exſtructo, cui etiam poſtea præfuit, inſignem ſui reliquit memoriam, multis in vitâ poſtque mortem clara mi-  
raculis. Tum poſt paucos verſus: Cata-  
launenſes Syram virginem confundunt cum Syriâ matronâ, cujus feſtivitas ſexto Idus Iunias in pago Trecenſi cele-  
bratur, ut illo die Molanus in Additioni-  
bus ad Uſuardum docet his verbis: In territorio Trecanſinenſi, B. Syriæ, ma-  
tronæ. Eundem errorem commiſerunt Menardus libro ſecundo Obſervationum ad diem octavam Iunii, & Deſguerroiſius in Vitâ ſanctæ Syriæ, ſub Leuſo ſeu Lupo Epifcopo. Vox (matrona) quâ Uſuardus utitur, non parum torquet Deſguerroiſium, qui virgines nobiles à ve-  
teribus Grammaticis matronas olim dictas affirmat, nec ullum aſſertionis ſuæ teſtem.*

E ij

## 68. De una S. Syra.

producit. Quo tempore Syria vixerit, haud scitur. Hujus mentio fit in solis Actis sancti Saviniani, ad cujus tumulum insigni miraculo visum recepit. Beatus Savinianus in agro Trecensi martyrium subiit sub Aureliano Imperatore: sed ab ejus passione usque ad aetatem Syria quantum temporis intervallum effluerit, manet incompertum. Duplicem sancti Saviniani Vitam edidit Bollandus: priorem ac vetustiore ex duobus codicibus, Trevirensi & Rotomagensi; alteram ex Promptuario Tricassino Nicolai Camuzati aliquantò prolixiorē, & ex priore elegantius expolitam. In utriusque sine narratio initur de Syria muliere ceca, quae cū multa de sancti Saviniani martyrio & miraculis audiisset, locum in quo sepultus quiescebat, expetiit, visumque recuperavit, quem ab annis quadraginta, ut Petrus de Natalibus & Bollandus scribunt, aut ab annis septuaginta, ut Trevirensis codex habet, amiserat. Subjicit loca integra ex duab;

29. Ianua-  
vii.



## OPUSCULUM II. 69

Vitis S. Saviniani, & sic denique concludit : *Plura de sanctâ Syriâ in antiquis monumentis non inveniuntur. Sanctus Savinianus (ut Camuzatus in notis ad præcitatam ejusdem Martyris historiam observat) capite truncatus est prope Sequanam, in oppidulo quatuor leucis ab urbe Tricassinâ remoto, quod olim dicebatur Rilliacum, deinde à sancto Saviniano nomen accepit, nunc autem sanctæ Syriæ vocabulo nuncupatur. Ibî sancta Syria sepulta fuit in adiculâ quam ipsa construxerat, ubi hodieque custodiuntur ejus reliquie, arêâ capsâ affabrè factâ conclusa : ad quas frequentissimus habetur peregrinorum concursus, præsertim eorum qui calculo laborant : & in illis curandis egregia quotidie miracula divinitus eduntur. Fuit igitur sancta Syria mulier Tricassina, qua nec Meldas unquam, nec Catalaunum adiit : distinguique debet à beatâ Syriâ sancti Fiacrii sorore, qua monasticam vitam in Cænobio Brigenfi Meldensis diœceseos duxit, &*

E iij

*Monasterium puellarum prope Catalaunum postea construxit, gubernavitque. In suburbano Catalaunensi, ad illum locum ubi Parochus sancti Sulpitii suas ades habet, haud pridem visebantur adhuc rudera veteris claustrum, cui nomen erat sancta Syria, ut ex quorundam seniorum relatione scribit Desguerroisius loco supra citato.*

Vult igitur Cointius distingui Syram à Syriâ. Syram asserit sancti Fiacrii sororem, Virginem, ac primùm Monialem in pago Brigenfi sub sanctæ Faræ disciplinâ, tum deinde in Catalaunensi Parthenone, piarum Virginum Præfectam, septimo post Christum sæculo sanctitate & miraculis celebrem. Syriam porrò fuisse ait matronam, hoc est, aut viduam, aut conjugatam, patriâ Tricassinam, quæ post quadraginta aut plurium annorum cæcitatem, ad sancti Saviniani Martyris reliquias deducta, ejus apud Deum interventu visum receperit; incertum

## O P U S C U L U M II. 71

quo tempore , quóve post Christum  
 sæculo : illam deinde iis præsertim qui  
 ex calculo laborent , miris modis opi-  
 tulari solitam. Addit & argumentum  
 à diebus festis : nam Syriam Rillia-  
 censem coli dicit à Trecensibus & à  
 Catalaunensibus sexto Idus Junii, Sy-  
 ram porro à Meldensibus decimo Ka-  
 lendas Octobris.

Syriæ genus regium , & patriam  
 Scotiam Cointius silentio prætermi-  
 tit. Illam Hiberni æquè ut Scoto-  
 britanni sibi vendicant : Hiberni ex  
 principio posito , quòd omnes penè  
 Sancti , & quoquo modo illustres , qui  
 supra quingentos abhinc annos Scoti  
 leguntur , ad majorem Scotiam sive  
 Hiberniam pertinere putandi sint. At  
 hoc principium haud ita firmum vide-  
 tur , quin multis in exemplis vacillet.  
 Hector Boëthius , & Joannes Lestæus  
 Rosensis Episcopus , probi certè &  
 disertis scriptores , Fiacrio & Syriæ  
 patriam asserunt Scotiam minorem

E iiij

sive Albionensem, quæ est insulæ Britanniae pars borealis : patrem utrique fuisse aiunt Eugenium Regem ejus nominis quartum ; fratres Ferquhardum & Donevaldum ; educatorem Connanum Sodorenses Episcopum, magnæ sanctitatis virum : utriusque migrationem in Gallias ex suæ gentis monumentis affirmant. Nihil profecerunt Hiberni quod harum testimoniorum fidem elevet.

Jam quid habet Cointius, quo contra Gallorum antiquam traditionem Syram à Syriâ discernat ? quæ Gallorum vulgo *Sainte Syre*, Latinis usu communi nunc Syra, nunc Syria vocitata est. Omnes consule qui de illâ, Scotos, Hibernos, Gallos, antiquos, recentiores, cufos, manuscriptos, quotquot unicam novêre ; ab his illam promiscuè nunc Syram, nunc Syriam appellatam reperies.

Cointius eandem facit Syram Brigensem & Catalaunensem : ab hac Rit-

## O P U S C U L U M II. 73

liacensem distinguit, quam Syriam nuncupat. Brigensem porro asserit *multis in vitâ postque mortem claruisse miraculis*. Proferat vel unum certo affirmatum testimonio quod ad Syriam Rilliacensem non pertineat. doceat nos ubinam Brigenfium vel Catalaunensium exstent sanctæ Syræ reliquiæ, extra Rilliacensem ejus lipsanothecam omnibus notam. Dicat cur post omnem memoriam, æquè à Rilliacensibus, seu Trecensibus, & à Catalaunensibus Syra seu Syria colatur ad diem Junii octavam, si non eadem utrorumque patrona est.

Urget tamen Cointius, *mulierem* nuncupari in Actis sancti Saviniani Syriam Rilliacensem, cum Syra Brigenfis seu Catalaunensis, sancti Fiacrii soror, fuerit virgo. Cur ergo Christus scientiarum Dominus matrem Virginem compellans, ait: *Mulier, ecce filius tuus*? Scribit Caius, mulieris nomine etiam virginem viri potentem conti-

neri. Plautus non uno loco mulierem dixit de virgine; sed de adultâ: puellam enim infantem, aut adolescentulam & viro nondum maturam nemo mulierem dixerit. Est ergo mulier & sexûs nomen & ætatis. Sed instat Cointius; *Vox (matrona) quâ Usuardus utitur, non parum torquet unius Syræ seu Syriæ assertores. Nusquam sic locutus est Usuardus; sed Molanus in Additionibus ad Usuardum v 1. Idus Junii, & ante Molanum quinquaginta ferè annis Cartusiani Colonienſes Syria matrone meminere. Quid tum? Matrona dicitur (inquit Gellius lib. 8. cap. 6.) qua in matrimonium cum viro convenit, etiamsi liberi adhuc non sint suscepti.* His addiderim ego aut generis aut dignitatis prærogativam: quis enim matronam appellet, plebeiam & de facie populi mulierculam? Meretrici opponitur matrona apud Plautum non uno loco. Hæc vis vocis hujus prisco Latîo, eoque gentili. At Christianis sæ-

culis, quis nescit, domnam seu matronam vulgò cenferi Virginem Deo dicatam; præsertim si nobilis, si provectæ ætatis, si aliis præposita.

Notum est omnibus Moniales in Gallia vulgò Domnas seu Dominas nuncupari; præsertim in Ordinibus Benedictino & Cisterciensi. Exempla sunt non unius aut plurium, sed omnium quæ illæ inhabitant Monasteriorum; unde dicuntur Divione, Dolæ, Remis, *les Dames du Tard, d'Onnens, de S. Pierre, de S. Estienne, &c.* Immò ex illis nonnullæ absque adjuncto *Aux Dames, le Pré aux Dames, &c.* Cùm autem de Monialibus agitur, promiscuè Domnæ seu Dominæ, & matronæ vocabula usurpantur. Sozomenus lib. 7. Hist. Eccles. cap. 21. *Cùmque Baptista reliquias inde auferre vellet, sola, ut aiunt, ei restitit Matriona, quæ sacrata quidem Virgo erat, &c.* Capite eodem ter prætereà meminit ejusdem matronæ, quam ad extremum *sacrarum Virginum Magistram*

fuisse dicit. In Græco textu *μαρτώναν* leges, voce Latinæ originis ævo illo in Græcorum usus receptâ. Quid ergo mirum si à Molano, aliisque Ufuardi Glossatoribus matrona nuncupata est sancta Syria, quam & Monialem & genere clarissimam, & grandem ætate, & sacræ suæ familiæ Præfectam fuisse, Gallis æquè, apud quos vitam exegit, & Scotis ex quibus prodiit, indubitatum est.

Stemus igitur in majorum nostrorum traditione, & omissis recentiorum istis argutiis, unicam agnoscamus Syram seu Syriam, regio Scotobritannorum genere ortam, sancti Fiacrii sororem, Virginem, in sanctæ Pharæ Scholâ Monialem, Catalauni Monialibus præfectam, ad Martyris Saviniani reliquias cæcitate absolutam, Riliaci olim lapideo sepulcro, nunc operoso mausolæo conditam, miraculis latè celebrem.

Sed labor est in hac rerum gesta-



rum disponendâ serie. Dubitare vix cuiquam licet, quin sanctæ Syriæ, quam & regium genus, & vitæ sanctitudo, & plurima edita miracula commendarent, res gestæ jam olim conscriptæ in majorum nostrorum manibus fuerint: sed quæ Sarracenorum, Nortmannorum, atque Hungarorum barbaræ irruptiones, Galliarum plerisque Ecclesiis, sacrisque eorum monumentis vastitatem attulere, eisdem & sanctæ Syriæ Vitam conscriptam periisse par est existimare. Crebrescentibus interim ejus miraculis studium etiam repullulavit, genus nosse & res præclare gestas Patronæ suæ ac Liberatricis. Tunc verò emerfit fabula de genitore ejus Davide Scotorum Rege, cui Margarita conjux cùm Fiacrium quoque genuisset, Edmundo postmodum secundis nuptiis sibi conjuncto, quinque alios liberos, Levicum, Florentium, Furseum, Mansuetum, & Triduanam ex eo suscepit. Hæc in ryth-

in micis versiculis Gallico sermone con-  
cinnatis typis mandata adhuc super-  
sunt : sed & ducentis ferè abhinc an-  
nis in Breviarium Autisiodorense in-  
culcata fuerant , referunturque à Be-  
nedicto Gonono in Vitis Patrum Oc-  
cidentis : ac ( nisi me conjectura fallit )  
illa ipsa sunt quæ novem digesta. Le-  
ctionibus in Ecclesiâ Trecenti recitari  
solita erant festivo sanctæ Syriæ die,  
ex institutione Henrici de Noâ , De-  
cani Cathedralis Ecclesiæ S. Petri Tre-  
centis , ut legere est in ejus Epitaphio  
anno Domini millesimo trecentesimo,  
feriâ sextâ post festum sancti Barnabæ  
vitâ functi.

Verùm cùm ad annum à Christo  
millesimum David eo nomine primus  
Scotorum Rex , ex rerum Scoticarum  
Scriptoribus pertinere intelligeretur , &  
Fiacrium Syriæ fratrem quadringentis  
ferè antè annis , per Faronis Melden-  
sis Episcopi tempora floruisse consta-  
ret , compertum est Boëthii maximè ,

## O P U S C U L U M II. 79

& Leflæi testimonio, Fiacrio & Syriæ patrem fuisse Eugenium inter Scotorum Reges ejus nominis quartum. Hoc igitur supra centum abhinc annis, in æde sanctæ Syriæ sacrâ, vitreo fenestræ claustro & impressum coloribus & litteris inscriptum est, & in ejus Vitâ recensitum: necdum tamen de totâ ejus historiâ inter omnes convenit. Etenim Desguerroisius qui unicam agnoscit Syriam & sancti Fiacrii sororem & virginem, tamen illam negat Monialem fuisse in Eboriacensi seu Brigenfi Monasterio sub Farâ Abbatissâ: negat & Catalaunensibus Monialibus præfuisse verè ac propriè Abbatissam, sed tantùm affectu Matrem atque hortatricem ad omne virtutis genus. Cæcitatem verò multis precibus à Deo impetrasse dicit, adhuc in patriâ suâ, ut procos à se averteret, à quibus ad nuptias importuniùs poscebatur. Id porrò suspectum nobis est, cùm à Scotis Scriptoribus nec potuisse

ignorari, (utpote apud ipsos gestum) nec prætermitti debuisse videatur.

Longè prudentiùs ac verisimiliùs Gabriel Bucelinus in Menologio Benedictino, quo ad sanctæ Syriæ historiam Scotis æquè & Gallis fidem suam farram tectam esse voluit. sic enim ille ad sextum Idus Junias : *In territorio Trecenti, sancta Syriæ Virginis, sororis sancti Fiacrii. Syria Eugenii IV. Scotia Regis filia, contemptis mundi illecebris & fastu regio, cucullum purpuræ præferens, perfectioris vitæ absolutissimam magistram sanctam Burgundophoram abbatissam habuit. Oculorum autem vitio cùm laboraret, & apud Riliacum pagum cæmeterium ingressa, in preces attentius incumberet, sancti Saviani Martyris diu latens sepulcrum divinâ revelatione cognovit, atque oculorum usum recipere meruit. Conditâ autem super tumulo Martyris cellulâ, vitæ deinceps reliquum inibi transigens, vigiliarum, jejuniorum, orationumque*  
*conti-*

## OPUSCULUM II. 81

*continuatione , solo ferè spiritu vixit. Claruit plurimis à morte prodigiis , insigni peregrinorum concursu celebrata ; eorum maximè qui acutissimis calculi doloribus exagitantur.*

Rectè hæc quidem Bucelinus de cæcitate , quæ Syriæ non in patrio solo , sed in Galliis obvenerit : quia tamen de Catalaunensi ejus domicilio nullam mentionem fecit , existimare visus est cæcam illam factam in ipso Eboriacensi sanctæ Faræ Monasterio ; indeque divino impulsu in Rilliacum pagum deductam & de Saviniani Martyris loco sepulturæ divinitus fuisse admonitam , & ejus productis reliquiis visum recepisse. At quomodò non potius credatur , migrasse Syriam è Meldensi territorio Catalaunum , ubi integris adhuc sensibus novæ familiæ præesset ? ibique oculorum amisso usu annos aliquot perstitisse , donec Rilliacum exinde concederet , & Saviniano gloriam , & sibi lumen adlatura ?

F.

Servatâ igitur hinc Scotis Scriptoribus, inde Gallicanarum Ecclesiarum traditionibus suâ fide, sic totam sanctæ Syriæ historiam in pauca contractam percommode digesseris.

Nata est Syria patre Eugenio hujus nominis quarto, Scotiæ minoris in Britannia Rege, haud procul initiis septimi post Christum sæculi. Fratres habuit, Ferquhardum, Fiacrium, & Donevaldum; qui omnes cum Syriâ sorore à pio parente in Connani Sordorensis Episcopi viri sanctissimi disciplinam traditi haud eosdem tulere fructus. Etenim Ferqualdus improbissimis moribus, ob immania scelera à suis regno est privatus. Fiacrius abdicatâ sæculi vanitate, clam suis in Gallias elapsus, ad Faronem Episcopum se contulit, à quo donatus agello, ubi nunc etiam colitur, in eo, solitarium vitæ genus amplexus est: nec ullis suorum precibus adduci potuit, ut relictâ suâ eremo ad regnum capes-

## OPUSCULUM II. 85

sendum in patriam rediret. Quare Donevaldo juniori regia dignitas delata est à Scotis, qui variâ usus fortunâ, cùm paucis annis regnasset, cæsus in bello est.

Fiacrii sanctitatis ac miraculorum famâ excitâ ejus soror Syria, cum ejusdem propositi piarum puellarum cœtu ad eum in Gallias venit : ubi de ejus consilio, annuente beato Farone Meldensi Episcopo, illæ in hujus sororis sanctæ Faræ Monasterium Eboriacense concesserunt : cùmque ibi per aliquod tempus vitæ totius regularis institutis excultæ fuissent ; emissæ sunt Catalaunos versùs, coloniam apud eos deducturæ cui præposita est Syria. Exstabant adhuc patrum memoriâ hujus Parthenonis rudera, quod de sanctæ Syriæ nomine appellabatur. Sed accidit mirabili Dei providentiâ, oculorum usu destitui Syriam, ut ( sicut de cæco nato in Evangelio legitur ) manifestarentur opera Dei in illâ. Post-

F ij

# 84 *De una S. Syria.*

quàm enim longam cæcitatem ad seniles usque annos summâ animi æquitate perpeffa est, divinis cœpit illustrationibus clarescere.

Notum erat omnibus, Savinianum quemdam jam à priscis sæculis Rilliacensem pagi Trecensis villam egregio nobilitasse martyrio; sed post persecutionum procellas ignotus vulgo erat ejus sepulturæ locus. Divinitus illum edocta est Syria, promissione à Deo acceptâ, ad sacri ejus monumenti apertionem visum se momento recepturam. Divino oraculo fidem fecit eventus: deducta est ad locum, fossores adhibiti, ad thesaurum altè reconditum perventum est: productis Martyris reliquiis Syria visu potita est. Ibi ergo sedem sibi delegit, ibi sub sancti Saviniani nomine dicatam Deo ædiculam exstrui curavit, ibi morum sanctitate ac miraculis inclyta quod vitæ reliquum fuit, exegit. Quare eodem loco sanctissimè moriens, in eâdem



## O P U S C U L U M II. 85

ædiculâ primò saxeum tumulum, pòst etiam mausolæum habuit. Inde pronis auribus piorum supplicum preces excipere solita; illorum maximè solatio, qui calculi sævissimis doloribus discruciantur.

Ad regiam Syriæ originem plurimum lucis affudit Beda ei suppar; immò spectare illam visus est, cùm ait libro 3. capite 8. Historiæ gentis Anglorum: *Cujus filia* (nempe Earconbereti Cantuariorum Regis) *Earcongota, ut condigna parenti soboles, magnarum fuit virgo virtutum, serviens Deo in Monasterio, quod in regione Francorum constructum est ab Abbatisâ nobilissimâ, vocabulo Farâ, in loco qui dicitur Brige.* Nam eo tempore necdum multis in regione Anglorum Monasteriis constructis, multi de Brittaniâ monasticæ conversationis gratiâ, Francorum vel Galliarum Monasteria adire solebant: sed & filias suas eisdem erudiendas, ac sponso caelesti copulandas mittebant; maximè

F iij

*in Brige, & in Cale, & in Andilegum Monasterio.* Neque opponas Georgii Buchanani excucullati apostatae malignum silentium, cui non tantum Fiacrii & Syriæ, & genus & sanctitudo, immò & aliorum Scotiæ Sanctorum pietas ludibrium fuit; sed ipsa etiam Augustini Anglorum Apostoli de Paschatis ritu adversus Quartadecimanos religiosa contentio, quam homo impudentissimus velut inutilem & falsis adumbratam miraculis sacrilego suo stylo perstringere ausus est. Sanctior est nobis Lestæi Rossensis Episcopi fides: potior Hectoris Boëthii auctoritas, qui ut Scotorum Historiam conderet, Regis ac regionum ministrorum potestate usus, omnia excussit rerum Scoticarum monumenta, & quidquid in totius Scotorum regni bibliothecis bellici tumultus reliquum fecerant, suamque exinde historiam contexuit, ut profitetur ipse in sui operis præfatione ad Jacobum quintum ejus

nominis Scotiæ Regem.

Andilegum, in notis ad hunc locum Bedæ, ostendi ex Bruschio, & ex aliis, Monasterium esse Alfatix superioris, haud procul sanctâ Othiliâ, quod Richardis Imperatrix à Carolo Crasso separata ædificiis opibûsque auxit; cùm ducentis amplius antè annis à sancta Salabergâ fuisset fundatum de S. Walberti Luxoviensis Abbatis consilio, quadraginta ferè à Luxovio miliaris.

In sanctæ Syriæ adnotandis miraculis, Trecensium ac Rilliacensium & diligentiam requiro & delectum. Multa negliguntur, quæ si ab idoneis excepta testibus, & scriptis mandata essent, plurimùm Dei & Sanctorum augerent gloriam, & piis mentibus plurimùm conferrent utilitatis. Multa vulgi ore circumferuntur, & infusantur fabellis, quæ apud prudentes fidem non faciunt. Admonet Desgueroisius lectores suos, minimè ausum

F iiij

se esse de nomine appellare, famosum & è primâ nobilitate Calvinianæ hæreseos sectatorem, qui invocatâ olim sanctâ Syriâ, immanibus à calculo tormentis exemptus est. Immò propter hanc ipsam causam (si res ita se haberet) debuisset ille omnibus innotescere, ut intelligeretur prolem esse Syriam illius patris qui Solem suum oriri facit super bonos & malos, & pluit super justos & injustos. Sed rem incredibilem narravit Desguerroisius, & æquivoco delusus est. Nam Gaspar Coliniacus à beatâ Syriâ persanatus, benè Catholicus fuit, & cognominis atque in tertio gradu consanguineus illius qui Admirallius, hoc est, regię Classis Præfectus, catholicâ religione abjuratâ foedissimam nomini ac familiæ suæ notam inussit. Utriusque consanguinitatem agnosce ex hoc schemate.

# OPUSCULUM II. 89

*Guillelmus Colignaeus Jacobi filius con-  
dit testamentum anno 1457.*

- |   |   |
|---|---|
| 1. <i>Joannes.</i>  | 1. <i>Antonius.</i>   |
| 2. <i>Gaspar Marescallus<br/>Francia.</i>   | 2. <i>Philibertus.</i>  |
| 3. <i>Gaspar Admirallius,<br/>Odeli frater, quem ille<br/>pravis suis vel consiliis,<br/>vel exemplis, ingenti<br/>orbis totius scandalo, à<br/>Purpuratorum Patrum<br/>sacro Collegio ad No-<br/>vatorum lupanaria tra-<br/>duxit.</i> | 3. <i>Gaspar à sanctâ Syria<br/>mirabiliter sanatus.</i>  |
|   | 4. <i>Philibertus II.</i>   |
|   | 5. <i>Cleriadus.</i>  |
|   | 6. <i>Joachimus Marchio in-<br/>signiter pius, mortuus<br/>à non multis annis<br/>absque prole masculâ.</i> |

Hanc seriem familiæ Coliniacensis  
justo volumine explicuit vir clarissimus  
Dominus du Bouchet : qui & se-  
quens monumentum Gasparis de Co-  
liniaco, sanctæ Syriæ ope à calculis  
liberati, ex schedis autographis Ni-  
colai Camusat antiquæ probitatis viri  
ad me transmisit.

*Ceci est écrit sur un Tableau suspendu en  
la Chapelle de Sainte Syre, Diocese de  
Troyes, maintenant fort usé, & qui étoit  
fort lisible en l'année 1604.*

Gaspar de Coligny , Seigneur & Baron de Bovain & de Beaufort, Escuyer trenchant de Messieurs le Dauphin & le Duc d'Orleans , natif de la Franche Comté de Bourgongne , a esté ce jourd'huy XIII. jour d'Avril M. DXXXIX. délivré de sept pierres , lesquelles il a fait par la bouche : & soy voyant en peril de mort , soy voüant à Madame sainte Syre , fut délivré desdites pierres , & est en bonne santé. Dont ledit Seigneur veult & entend estre pensionnaire de l'Eglise Madame sainte Syre.

## OPUSCULUM II. 91

Quæ in externorum gratiam sic Latine reddo.

Hoc scriptum est in tabulâ appensâ in Sacello Sanctæ Syriæ, Diœcesis Trecentis, nunc vetustate consumptâ, quæ adhuc legi poterat anno 1604.

Gaspar de Coliniaco, Dominus & Baro de Bovain & de Beaufort, Sæctor Mensarius Dominorum Delphini & Ducis Aurelianensis, libero Burgundiæ Comitatu oriundus, hodie XIII. Aprilis, M. DXXXIX. septem calculis, quos ore evomuit, liberatus est: qui se de vitâ periclitari sentiens, cùm se Domine sanctæ Syriæ devovisset, prædictis calculis

ejectis nunc prosperâ utitur  
valetudine. Unde se idem  
Dominus profitetur Eccle-  
siæ Dominæ sanctæ Syræ  
vectigalem.

Erant hi duo regii juvenes Fran-  
cisci I. Francorum Régis filii, quo-  
rum Gaspar de Coliniaco erat anno  
1539. Sector mensarius, HENRICUS  
Delphinus, qui natus anno 1518. an-  
num tum agebat ætatis XXI. & frater  
ejus CAROLUS Dux Aurelianensis,  
qui postmodum vitâ cessit ante pa-  
trem anno 1545. Nec verò incredi-  
bile videatur, renum calculos à Gas-  
pare fuisse ore dejectos, non modò  
quia divinæ virtuti nihil est impossi-  
bile; sed etiam quia passim videmus,  
obstructis ureteribus, urinam in re-  
nibus excoctam vomitu ejici: unde  
constat, sicut urinæ, sic & calculis per-  
vium esse transitum à renibus ad sto-



machum, & inde ad guttur, si quando omnipotenti Deo naturalem ejectionum ordinem immutare placuerit.

Supereſt ut de ſanctæ Syriæ imagine paucis admoneam. Non placent qui haud multis abhinc annis illam repræſentarunt in veſte ornatâ & variegatâ, qualis ſolet eſſe nobilium laïcarum; cùm eam ſuperioris ætatis & Scoti & Galli Sanctimonialem fuiſſe uno conſenſu affirmant. Illam hic expreſſimus ſolidæ molis ejus effigiem, piam ſanè & religioſam, quæ ad juſtam penè ſtaturam proſtat Divione in baſilicâ Carmelitanorum; in quâ jampridem inſtituta eſt Sodalitas urbanorum ſub ſanctæ Syriæ nomine, haud exiguo populi Divionenſis ſolatio ac fructu. Veſtis illi oblonga, caput velatum, linteo orario modeſtè obducti ſinus: apertum librum dextrâ ſuſtentat, in quem intentos habet oculos: veſtis interna ſparſa liliis, opi-

94      *De una S. Syra.*

nor, ad regium ejus genus designandum : sinistrâ & palmam gestat virginitatis symbolum; & baculum, vel fulcrum senilis ætatis, vel peregrinæ sustentaculum, sive à Scotiâ in Galliam, sive Catalauno Rilliacum ad Saviniani Martyris gloriam promulgandam progredientis. Habe hîc religiosæ hujus statuæ qualecunque exemplar.





ORIGO  
COMITUM  
VALENTINORUM,

Qui

EX PICTAVENSIBUS  
propagati, in clarissimam Burgun-  
diæ Bisontinæ Baronum Pictaven-  
sium familiam effloruêre.

OPUSCULUM III.

G





ILLUSTRISSIMO VIRO D. D.  
JACOBO NICOLAO  
**COLBERT,**  
ABBATI BECCENSI,  
PRIORI ET DOMINO CHARITATIS,  
ET AMBERTÆ,  
SACRÆ FACULTATIS DOCTORI,  
& Socio Sorbonico,  
PETRUS FRANCISCUS CHIFFLETIUS  
Salutem.



*EGIÆ stirpis, ejus-  
que affinitatum & con-  
sanguinitatum splen-  
dori studere, magno  
tuo parenti proprium,  
tibi hereditarium est, ABBA ILLUS-*  
G ij

## E P I S T O L A.

TRISSIME. *Hinc spes animo meo infedit, vobis haud ingratum fore, si Regum nostrorum arboris gentilitiæ ramum spectabilem, prioribus haud satîs cõpertum, vobis exhiberem. Ex Aquitaniæ Regibus, adeoque ex Carolo Magno Comites antiquos Pictavenses propagatos esse constat: ex Comitibus Pictavensibus Comites Valentinos quinque amplius abhinc seculis: denique ex Comitibus Valentinis Barones Pictavenses, quorum familia nunc in Sequanis, sive in Burgundiæ, quem vocant, Comitatu sedes habet. Prisco ævo Valentia Cavarum Regnum Germaniæ, adeoque Imperium spectabat: ab annis circiter quadringentis ad fontem suum, hoc est, ad Regum Francorum ditionem, unde prodierat, reversa est. Nuper*



## E P I S T O L A.

*Burgundia B fontina, quæ contingentis prope annis Imperatorum juris fuerat, magno vel suo, vel regni Francorum commodo, Ludovico Magno Regi cessit. Nunc igitur exultabunt Barones Pictavenses Burgundo-Sequani, quibus olim, quamvis à Ludovico XIII. Christianissimo Rege perhumaniter haberentur, tamen regnicolas ( ut loquuntur ) non esse, detrimento fuit: Et regnicola nunc effecti, in Valentinorum Pictavensium Comitum, decessorum suorum hereditaria prædia postliminio recipi, pronum erit ut postulent. Qui causâ vicerit, beneficium hoc erit pacis, orbi Christiano universo, Magni nostri Ludovici Regis fortitudine & sapientiâ, terrâ marique partæ.*

*Addo & munusculum aliud, Ex-*

G iiij

## E P I S T O L A.

*cerpta singularia de vitâ & rebus gestis S. Bernardi Abbatis Claravallensis, auctore Gaufrido quondam illi ab Epistolis, ac deinde Igniaci, Claravallis, Fossæ-novæ, & Altæ-cumbæ Monasteriorum Abbate. In his leges cum voluptate Adelhaidem Lotharii Saxonis Imperatoris sororem, Simonis Lotharingæ Ducis conjugem, & sequentium Ducum parentem, quæ se beati Bernardi Magdalenam profitebatur, quippe ex quâ ille septem dæmonia ejecisset: Guidonis ejus fratris primogeniti quondam uxorem, illustrem Matronam, ac tum cum Gaufridus scribebat, in Monasterio Lareyoprope Divionem, mulierem virtutis, & multarum in Christo Virginum Matrem. Reperies etiam Guidonem eundem Pontiniaci*

# EPISTOLA.

*mortuum , & ipsa nocte quâ San-  
ctorum omnium festivitas age-  
batur , felici eorum consortio  
aggregatum ; non autem undecimo  
Maii, ut notatur à Chrysostomo Hen-  
riquez in Menologio Cisterciensi.  
Quæ , & alia non pauca , cum atten-  
tè perlegeris , intelliges benè illis con-  
venire verba Christi Salvatoris se-  
cundùm evangelicam cœnam prola-  
ta , cum in ea quinque hominum mil-  
lia ex quinque panibus & duobus  
piscibus ad satietatem refecisset : Col-  
ligite quæ superaverunt fra-  
gmenta , ne pereant.*

*Ioan. 6. 12.*





# ORIGO COMITUM VALENTINORUM,

Qui

EX PICTAVENSIBUS  
propagati, in clarissimam Burgun-  
diæ Bisfontinæ Baronum Pictaven-  
sium familiam effloruere.

## OPUSCULUM III.



VALENTIAM Segalaunorum pro comper-  
to habetur, jam ex  
decimo post Christum  
sæculo proprios habuif-  
se Comites, hac serie.

1. *Contardus* ex anno 930. cujus uxor  
*Ermengardis*. Horum filius.

## 106 *Origo Comitum Valent.*

2. *Lambertus*, cui conjux *Falectrudis*; filii *Aymarus* sive *Ademarus*, & *Lambertus*. Is anno 985. Monasterio S. Marcelli nonnulla sui Comitatus prædia elargitus est, pro animabus patris sui Gontardi, & matris Ermengardis, annuentibus *Falectrude* uxore, cum *Aymaro* & *Lamberto* filiis: quæ dona *Conradus Rex* rata habuit anno regni sui XLVI. qui fuit Christi 986.
3. *Aymarus* hujus nominis primus, anno 1037. dedit Cluniacensibus locum nomine *Saulçay* in Episcopatu & Comitatu Valentino, sub honore sancti Marcelli dedicatum, *Rorilde* conjuge, & utriusque liberis consentientibus, pro animâ *Lamberti* Comitis.
4. *Hugo* *Aymari* filius, adhuc vivebat anno 1050. frater *Pontii* *Valentinensis* Episcopi, cujus mentio ad annos 1037. & 1044. in consecratione Ecclesiæ S. Pauli *Bisonticensis*.

# OPUSCULUM III. 107

5. *Guillelmus* 1073. & 1083. cujus frater Gontardus patruo Pontio successit in Episcopatum Valentinum.
6. *Aymarus*, sive *Ademarus* II. 1110. 1120.
7. *Guillelmus* II. dictus *Pictaviensis*, 1158. Abbatiam Liuncelli in suam tutelam recipit, 1180. Uxor illi *Marchisia* nomine, de quâ pluribus Vita Margaritæ matris ejus, filiæ *Stephani* Burgundiæ Comitis, sororis autem *Raynaldi*, cujus filiam *Beatricem* *Fridericus* I. Imperator uxorem habuit. Ab hoc *Guillelmo Aymarus* III. *Guillelmus* III. & sequentes Valentini Comites, *Pictavenses*, appellati sunt: ex quibus ortu legitimo propagata est illustris familia Baronum de Pictaviâ, Dominorum de Firmitate in Burgundiæ Comitatu, de Vadans, de Souvans, &c. Et quidem de coloniâ deductâ Valentiniensium Dynastarum è Segalaunis in Sequanos ma-

gnus est Genealogorum consensus: sed in quo, & quâ ratione Valentinus Comitatus, ad familiam Pictaviensem transierit, nondum facîs perspicuè ( quod sciam ) à quoquam demonstratum est.

Qui de Comitibus Pictavensibus, ac de Aquitaniæ Ducibus accuratè scripsit Joannes Bessy, visus est Joscelinum quemdam spectare, qui sexcentis ferè abhinc annis, magni Antonii sacrum corpus primus in Gallias, & in Viennensem Comitatum invexit. Hunc dicit fuisse Pictavensem, & parentem Valentinorum Comitum qui ex Pictavensibus prodire: filium verò Guillelmi, cognomento *Caput-stupæ*. Assertorem verò suæ sententiæ profert Aymarum Falconem, æqualem ipsi Joscelino, adeoque testem omni exceptione majorem. Quæ ego vehementer miratus sum viro aliquin erudito excidisse. Ille etenim Aymarus Falco Historiam suam Antonianam ad an-



### OPUSCULUM III. 109

num usque 1530. perduxit, quam & Antonio Langiaco, qui tunc vivebat, Antonianorum Ordinis Præposito Generali dedicavit. Quomodo ergo Joscelino æqualis fuisse dicitur? Deinde Falco ille, quicumque est, de Joscelino refert planè contraria. Non enim familiâ aut patriâ Pictavensem facit, sed Viennensis agri nobilem indigenam, patre natum Guillelmo Cornuto, Motæ sancti Desiderii ( in quam S. Antonii à Joscelino corpus illatum est ) & Castri Albenciani Dominum. Joscelinum porro obiisse improlem, & quemdam Guigonem, cognomento Desiderii, propinquitatis jure heredem reliquisse, ut oppidò mirum sit, alia omnia Falconi attribui.

Circumfertur in quibusdam commentariis, ante centum ferè & viginti annos manu exaratis, fabula, de Hermentrudio quodam fratre Alienordis Reginae, ab ipso ortu membris capto, qui postea viribus receptis, cum à Re-

## 110 *Origo Comitum Valent.*

ge Ludovico juniore, Alienordis marito, suum Aquitaniæ Ducatum cum Pictavensi Comitatu repeteret, repulsam passus, & in Viennensem agrum profugus, Comitissæ Valentinenſi adversus rebelles subditos operam suam in bello navasset, ab eâ filiam in uxorem cum dote Valentini Comitatus acceperit. Ab hoc ortam Comitum Valentinorum Pictavensem posteritatem. Hanc, ut dixi, fabulam meritò explodunt Beslius, Duchesnius; & recentiores omnes, velut improbabilem, & nullo antiquitatis testimonio fultam, sed & Alienordi Reginae, & Regi Ludovico VII. injuriosam.

Propiùs ad verum accessit Christophorus Justellus in Historiâ Domûs Arvernæ, libro 2. cap. x i. felici conjecturâ delatus in Guillelmum de Pictaviâ Valentinenſem & Dionsensem Comitem, Marchisiæ Guigone Albonensi Comite & Margaritâ Burgundâ parentibus natæ maritum, quem memo-

### OPUSCULUM III. III

rari ait ad annum 1178. per tempora Friderici Barbarossæ Imperatoris, post Joannem Columbi in Episcopis Valentinensibus. Sed vacillat in ejus origine, dubitanter eam referens ad Joscelinum, & Bessii de Aymari Falconis ævo hallucinationem non deprehendens. In hoc tamen præferendus Duchesnio, quòd hic Valentinorum Comitum Pictavensium primum censeat Ademarium, qui & Diensis Comes effectus est ex anno 1189. cujus patrem Guillelmum non agnoscit.

Hunc ego Guillelmum Marchisiæ maritum affirmo, primum fuisse ex Comitibus Valentinis gente & familiâ Pictavum: nam & à filio Ademaro, signatè nuncupatur *Willelmus de Pictavis*, eo diplomate quo ejus beneficia in Montismairani Ecclesiam collata confirmat: & ab Odone Episcopo Valentino in ejusdem argumenti tabulis, ad annum 1181. nuncupatur *Willelmus Pictaviensis*, Comes Valen-

## 112 *Origo Comitum Valent.*

*titus* : nec ante illum Comes quiscquam Valentinus, Pictaviensis est appellatus. Opinor autem fuisse Willhelmum hunc, filium Raymundi Pictaviensis, qui Alienordis Reginae patruus erat, adeoque ejusdem Alienordis in secundo gradu cognatum, his argumentis, quorum fundamenta paulò altius repetenda sunt.

Robertus de Monte in Appendice ad Sigeberti Chronicon, ad annum Christi 1149. *Raymundus*, inquit, *Princeps Antiochie, vir cunctis Christiani nominis inimicis terribilis, Calendis Augusti contra Turcos egressus; multis suorum captis & occisis, in insidiis eorum & ipse miserabiliter est interfectus. Turci caput ejus circumferentes, omnia ferè castra vel civitates quæ sui juris erant, in deditionem recipiunt, præter Antiochiam.* Willermus Tyrius lib. 17. cap. 9. Raymundum occisum ait anno 1148. & festo die Apostolorum Petri & Pauli, anno sui principatûs tertio-

### OPUSCULUM III. 113

tertio-decimo. Annum præfero Dionysianum 1149. velut aliorum omnium calculis congruentiorem. Relicta est in reipublicæ administratione uxor Principis Constantia *cum filiis duobus, & filiabus totidem, adhuc impuberibus.* (ait Tyrius cap. 10.) Ex filiabus Philippa ætate provectior, primum data est conjux Andronico Constantinopolitani Imperatoris consanguineo; postmodum Henfreno de Torono, Balduini III. Amalrici, & Balduini IV. Regum Hierosolymitanorum Constabulario ac militiæ Principi, secundis nuptiis copulata; à quo deinde repudiata est, ut Theodoram neptem suam, Regisque Balduini tertii viduam impudenter nimis & impudicè uxorem duceret: quod utrique infaustum fuit. *Tyrius lib. 17. cap. 14. lib. 21. cap. 13.* Maria porro junior Manueli C P. Imperatori desponsata est. *Tyrius lib. 18. cap. 31. & lib. 19. cap. 11.* De filiis prior Boamundus

H

## 114 *Origo Comitum Valent.*

Antiochiæ Princeps fuit eo nomine tertius, ex anno ferè 1160. quo Raynaldus ejus vitricus in bello captus, Halapiamque ad longam custodiam captivus abductus fuerat. Hic enim Raynaldus de Castellione, matri ejus Constantiæ maritus accesserat, ut Antiochenum principatum procuraret. *Tyrius lib. 17. cap. 26. lib. 18. cap. 28. lib. 19. cap. 20.*

Alterum & juniorem Raymundi Principis filium, quem neque Tyrius, neque Scriptorum alius quisquam (quod sciam) de nomine appellat, propendo ut existinem Guillelmum, qui Valentinorum & Dionsium Comitum ex Pictavensibus Comitibus oriundorum parens fuit, idemque Marchisiæ Guigone IX. Albonensi Comite, & Margaritâ Burgundâ genitæ maritus. Conjectura est, fateor; sed vide quàm non levibus fundata argumentis.

1. Cùm certis tabulis probatum ha-

# OPUSCULUM III. 115

beamus, Guillelmum Marchisiæ conjugem, fuisse ex Pictavensibus Comitibus, non alius occurrit opportunior, illo Raymundi Antiocheni Principis filio è duobus juniore, qui Alienordis Reginae fuit in secundo gradu consanguineus, ut apparet ex hoc schemate.

*Guillelmus IX. Comes Pictaviensis, & Dux Aquitania.*

1. *Guillelmus X. Dux.*

*Raymundus Princeps Antiochia per uxorem Constantiam Boamundi II. filiam.*

2. *Alienordis Francorum & Anglorum Regina.*

*Guillelmus ab avo paterno sic dictus.*

2. Nihil verisimilius, aut illorum sæculorum consuetudini congruentius, quàm ut, sicut Boamundus III. Raymundi Principis Antiocheni major natu filius, ab avo materno Boamundo II. nomen tulit; sic & junior ejus filius ab avo paterno Guillelmo VIII. Aquitanix Duce appellaretur.

H ij

116 *Origo Comitum Valent.*

3. Favet quòd Comes ille Valentinus, cui Marchisia data est uxor, à Guilhelmo Ecclesiæ Gratianopolitanae Canonico, ejusdem ævi Scriptore, in Vita Margaritæ Burgundæ, asseritur *claris ortus natalibus*. Quod abundè probatur, si & avo natus est Aquitaniæ Duce, & patre Principe Antiocheno: sed & matre Constantiâ, quæ Aalydis Balduini II. Jerosolymorum Regis filia filia, Constantiæ porrò Regis Francorum Philippi I. filia neptis fuit.

4. Mirè congruunt rationes temporum diligentius expensæ. Raymundus Pictavenfis principatum Antiochiæ acceperat anno 1136. quasi dotem Constantiæ conjugis, Boamundi filia. Occisus deinde est anno 1149. sui principatus tertio-decimo Erant illi duæ filia, & filii totidem, quorum junior (quem nos Guillelmum dicimus) vix natus esse potuerat ante annum 1141. Sic octennis fuerit, quando patre or-



### OPUSCULUM III. 117

batus est anno 1149. Quare anno 1161. erat annorum viginti. Nunc Marchiſiæ ætatem investigemus. Obierat pater ejus Guigo ex vulnere ad Montemmelianum accepto, anno 1140. ut refert Duchefnii ex Thomaffini Commentariis de Delphinatu. Si Marchiſia nata ſupponatur anno 1139. certè anno 1161. annorum fuerit duorum ſupra viginti, quæ eſt matrimonio idonea ætas. Nunc videndum reſtat, quâ occasione Guillelmus ille Piſtavenſis, Raimundi Antiocheni Principis filius tranſire in Gallias potuerit, quo actore ſive paranymphe, Marchiſia illi conjux obtigerit: quâ ratione Valentinus & Dienſis Comitatus illi obvenerint: & denique quâ ex cauſâ in ejus familiæ, Guillelmi & Ademari ferè alternata appareant nomina; planè ſicut Hugonis & Odonis in ſerie veterum Burgundiæ Ducum. Ad ſingula reſpondeo.

Transitus in Gallias regio adoleſcen-

H iij


## 118 *Origo Comitum Valent.*

tulo, & Aquitano patre nato, multiplex potuit offerri. Nihil occurrit verisimilius, quàm ut à parentibus concessus fuerit Reginae Alienordi ejus patrueli, quam constat propensissimam fuisse in Raymundum Antiochiæ Principem, patrum suum, & ægerrimè tulisse, quòd ille à Ludovico Rege passus fuisset repulsam, unde divortii ejus à Ludovico Rege præcipua origo, ex Tyrio, aliisque Scriptoribus.

Alienordis si carissimum suum patruelem adolescentulum secum in Gallias deduxit, illum haud dubiè apud se retinuit, nec eum deseruit, quando ex formulâ res suas sibi habere jussâ est, atque à priore conjugè soluta ad Henrici Andegavensis nuptias convolvavit. Hinc sensim ad annos nubiles provecto, quæri debuit uxor ætate matura, conditione non impar, & extra Regnum Ludovici recenti divortio exacerbati. Hæc fuit Marchisia, in Provinciâ Viennensi nata, quæ tum erat Germanici Imperii.

## O P U S C U L U M III. 119

Juvit etiam consanguinitas atque affinitas multiplex cum Friderico Ahenobarbo Imperatore, qui & ex anno 1156. Beatricem Burgundam uxorem duxerat, Marchisiæ in secundo gradu cognatam: nam erat illis avus communis, hac serie.



Et jam priùs Fridericus Imperator Beatricem de Monteferrato, suam in quarto gradu consanguineam, Guigoni Marchisiæ fratri, militari cingulo à se donato, matrimonio junxerat. Unde & Imperatori stimulus, ut Guillelmum Pictavensem Valentino & Dienfi Comitatibus suo tunc Imperio obnoxiiis investiret. En Beatricis de Monteferrato cum Friderico Imperatore consanguinitas.

## 120 Origo Comitum Valent.

*Agnes Aquitana, Agnetis Burgunda filia, uxor ex anno 1043. Henrici Burgundia & Germania Regis, posteaque Imperatoris.*

*Henricus IV. Imper. Burgundia & Germania Rex.*

*Agnes desponsata Friderico I. Suevia Duci.*

*Fridericus II. Dux Suevia,  
qui obiit 1139.*

*Jadith Sueva, uxor Guillelmi Marchionis Montisferrati.*

*Fridericus Barbarossa Imperator.*

*Beatrice de Monteferrato  
Guigonis X. Albonensis  
uxor.*

De Guillelmis ac de Ademaris non est sollicitius requirendum, cum illi Guillelmum Pictavinum Marchisiam conjugem præcesserint, sitque utrumque nomen pluribus illustribus familiis commune. Subjicimus probationum instar, Vitam Margaretæ Burgundæ, Comitissæ Albonensis, à Guillelmo Gratianopolitanæ Ecclesiæ Canonico ejus æquali conscriptam: & duas tabulas, quarum altera Willelmum, primum ex Pictavis Valentinum Comitem, altera filium ejus Ademarum re-

### OPUSCULUM III. 121

præsentat. In sigillo Ademari, eques cataphractus, in scuto, sub vertice fasciolis in longum dissecto præfert byzantios sex, ternos uno ductu in summo, binos in medio, unum in cuspidē. In parte averſa stellam radiorum sedecim, quod est stemma gentilitium Sibyllæ ejus conjugis, è Bauciorum illustri familia, quæ à Balthazare, è tribus Magis seu Regibus Christi adoratoribus uno, suam originem repetere dicitur.

Si conjecturam nostram non probas, profer aliquid certius aut verisimilius. Si negas Guillelmi nomen fuisse filio, qui Raymundo Antiocheno Principi secundo loco natus est, doce nos quo alio nomine appellatus sit. Si eundem Marchisiæ Albonensi maritum fuisse negas, indica nobis quis alius Guillelmus de Piëtavis illi maritus obtigerit: & ego non pedibus tantùm ibo in tuam sententiam, sed velis remisque, ut aiunt, in eam convolabo.

V I T A  
M A R G A R E T Æ

COMITISSÆ ALBONENSIS,  
ante quingentos abhinc annos pie-  
tate florentis.

*Auctore Guillelmo Gratianopolitana Ec-  
clesiæ Canonico.*

Hanc è scriniis Camerae Rationum Gra-  
tianopolitanæ erutam edi curavit Gratia-  
nopoly, typis Claudii Bureau, Dionysius  
Salvagnius Boessius, ejusdem Camerae Præ-  
ses primarius anno 1643.



VERERABILIBUS & am-  
plectendis in Christo Sancti-  
monialibus, apud *Ayas* Deo  
devotè famulantibus, GUIL-  
LELMUS Canonicorum Ecclesiæ Gra-  
tianopolitanæ inutillimus, Pro virgi-  
nitate purpuream, pro castitate niveam à  
Virginum Sponso promereri coronam.  
Non immeritò effrons & pudoris

### OPUSCULUM III. 123

ignarus potero judicari, necnon temerariæ præsumptionis atque præsumptuosæ temeritatis argui, qui neque invitatus, neque voce aut nutu aliquo provocatus, me ignotis auribus medium præcipitanter ingerere me non pertimesco. Popularis etiam auræ amator fortassis videbor, & sub hac occasione scribendi, magis vestram & auditorum amicitiam laudémque acquirere, quàm vobis aliquid commodi vel eruditionis afferre, in quo cujuscunque judicii aut obtrectationis oriatur disceptatio, nec fatis curandum æstimo, dum tamen ampliùs appetam vobis prodesse, quàm laudari; plus ad aliquod morum ornamentum vos incitare, quàm favorabili aurâ more arundinis agitari. Cum ergo præteritarum rerum exhibitio, instantium & subsequantium sit certitudo, & nihil humano pectori sic inhæreat, quod temporis processu non evanescat, vel morte universa rapiente morientium, & eorum quæ sciebant,

## 124 *Origo Comitum Valent.*

memoria pariter pereat : quam cautellam, quam certitudinem nobis poterunt exhibere præterita, nisi vitâ fruuentium atque succedentium memoriæ scribendo mandari curentur ? Quia igitur licet undecumque proficere ac doceri, & ex his quæ oculatâ fide agnoscuntur, exempla possunt percipi certiora, de vitâ & exitu laudabilis matris vestræ Domina Comitissæ, quæ Christo vos desponsavit, vobis ad quas potissimum istud spectat, aliqua scribere dignum duxi : quæ licet legi viri fuerit alligata, de ipsâ tamen referuntur quamplurima, quæ virginibus & universis ad summum pudicitiae culmen ascendere affectantibus imitatione probantur dignissima.

Hæc siquidem spectabili prosapiâ edita, utpote illustris & famosissimi viri STEPHANI Burgundiæ Comitissæ filia, soror etiam excellentium virorum RAINALDI, & GUILLELMI Comitum, neptisque piæ re-



### OPUSCULUM III. 125

cordationis Papæ CALIXTI, ad conjugalem egregii Comitis GUIGONIS DALPHINI copulam fuit transducta, à magnifico Principe GUIGONE Comite veteri, ejusdem *Guigonis* patre celebri donatione illustrata. Fuit autem maximo insignita decore vultus, scilicet eleganti formâ, & decenti ac totius corporis mirandâ compositione idonea: quam in primis infecundam & sterilem vir suus potiùs incuriâ, quàm aliâ ductus occasione, per annos aliquot minùs pleno dilexit amore. Unde factum est, quòd marito eam tenuiter diligente, & focero se minùs curiosum circa eandem exhibente, plerumque ferret necessariorum inopiam: quod ita patienter atque tacitè pertulit, quòd vix à quoquam vel rarò exinde conqueri audiretur. Inerat equidem illi, ac nunquam inesse destitit verecunda sobrietas, cujus pudore devicta, si quid angebat, suis etiam familiaribus fateri erubescibat. Cujus

## 126 *Origo Comitum Valent.*

freni obstaculo sese à pluribus cohibebat illicitis , & modum servare studebat. Tandem ipso eam visitante , annuâ fecunditate lætificata filios ac filias peperit : viri sui ita pleniter sortita gratiam , ut eam sicut Jacob Rachelem diligeret , & tam sui quàm Comitatus compotem ad plenum efficiens , discretis ipsius fultus consiliis , in quibus provida existeret , quamplura disponderet. Quem sæpius quod poterat , ab immoderatis illa compescebat excessibus , atque erga subditos , præsertim erga pauperes , cum esse clementem propensius exorabat. Porro non post multorum annorum curriculum , dum inter ipsum & *Savotiensẽm Comitem* guerra exerceretur asperrima , Comes Dalphinus in prælio vulneratus , dolore vulneris coarctante , vitæ terminum posuit , illaque cum geminis filiabus & parvulo desolata remansit. Quæ acerbiori mœroris stimulis agitata ita eum planxit , ut mortem videretur optare : ita

cum flevit, quòd ferè prope ipsum æsti-  
 maretur deficere. Ad cujus animam  
 multiplicibus beneficiis adjuvandam  
 pietatis fervore accensa, eo in Eccle-  
 siæ Gratianopolitanæ clauistro à Do-  
 mino bonæ memoriæ U G O N E Epi-  
 scopo, qui postea Viennensi Ecclesiæ  
 præfedit, venerabiliter sepulturæ man-  
 dato, eidem Ecclesiæ, ac religiosis cir-  
 cumstantibus Ecclesiis larga impen-  
 dens beneficia, multa pauperum millia  
 eleemosynarum recreavit largitione.  
 Probata est insuper eandem fidem ser-  
 vasse defuncto, quam integerrimè ser-  
 vaverat & viventi, cùm indeficienter  
 ipsius piè memor existeret, in ejusque  
 anniversario ad Ecclesiam Gratianopo-  
 litanam vicinos convocans Sacerdotes  
 & Clericos, ut acceptabile Deo sacri-  
 ficiu pro illius offerrent requie, eis-  
 dem devotè supplicaret. Copiosâ quo-  
 que egenis undique congregatis elec-  
 mosynâ distributâ, Canonicos ejusdem  
 Ecclesiæ, & Clericos aliundè venien-

## 128 *Origo Comitum Valent.*

tes Monasteriorum circumadja-centium habitatores faciebat optimè procurari.

Cùm ergo Comite jam defuncto ei laboriosior cura, graviorque laboris sarcina ad regimen Comitatus incumbere-ret, eum cum tantæ discretionis consilio & tranquillitatis quiete administravit, ut non feminei, sed animi per cuncta videretur virilis. Proceres etiam sui Comitatus ac Nobiles quadam animi circumspectione peritâ ita sibi ex debitâ fidelitate noverat amicabiliter obligare, ut universi ad custodiendum Comitatum incolumem, ejus gratiâ & sollicitudine fidei intenderent. Si quando autem aliqui circumstantium Principum, occasione aliquâ emergente, adversus eam arma sumere se dixissent, potiùs divino quàm humano confidens præsidio, Sacerdotum atque Religiosorum implorabat suffragia, & ut sibi à Domino pacem impetrarent exorans, terrores comminantium, eorum intercessionibus tanquam

quam forti clypeo repellebat.

Sed quando morum ejus insignia vel ad modicum potero prælibare ? Congesserat enim Dei gratia in eam tot prædicandos virtutum titulos, ut nullum ei deesset ad præsentis vitæ felicitatem augendam morum instrumentum, haberet etiam ad cælestis patriæ beatitudinem adipiscendam, evidentem notitiam ac documentum. Erat quippe in justitiâ districta, in prudentiâ circumspecta, in temperantiâ moderata, in laboribus fortis, in consilio sagax, in sermone verax, affabilitate insignis, clemens in subditis, continentiam nitida, & universâ morum honestate conspicua : erga Deum amore fervens, erga proximum non negligens, afflictis & injuriam patientibus compatiens, erga egentes caritatis visceribus affluens, in cunctis misericors, in actibus quantumcunque poterat infons : quódque omni admiratione dignum est, & à sæculis inauditum,

### 130 *Origo Comitum Valent.*

multoque vehementius in potenti & generosa feminâ stupefendum, nunquam injuriâ vel tædio affecta, sive minus decentibus verbis laceffita, cuiquam familiari aut alieno ingessisse maledictum, protulisse convitium, vel ad contumeliosa objecta quidpiam opprobrii respondisse potuit deprehendi. Turpiloquium quoque cautiùs evitabat, æstimans exinde os suum in dicendo, aures in audiendo pollui. Nunquam siquidem verbum inhonestum; aut quidquam lasciviæ redolens audiebatur proferre. Et quia illud Apostoli

1. Cor. 15. 33. noverat: *Corrumpunt bonos mores colloquia mala; confabulationibus pessimis linguisque detrahentibus aures, quantum sibi licuit, subducebat. Nulla ei cura existit polire faciem, ora depingere, alienis capillis turritum verticem struere, fuliginata supercilia gerere: quod & in cæteris mulieribus vehementer detestabatur, quæ alienos vultus sibi mentientes, genas peregrino*

### OPUSCULUM III. 131

rubore, ora & collum adulterato depingunt candore. Audiant hæc quæ nubere Christo voluerint. Si quando in loco stetisset, ad spectacula non processit, nec à suis est egressa thalamis, nisi aut Ecclesiam adiisset, aut eam ad alium equitare locum domestica cura vocasset: cùmque sciret, famam pudicitiae in feminis rem esse teneram, & quasi florem pulcherrimum ad levem auram citò marcescere, levique flatu posse corrumpi, corpus & cor suum omni custodiâ servabat, & corpore ac mente se castam exhibere curabar. Quapropter eos qui levitati expositi, adulterinâ linguâ, impudicis alloquiis, illius claustra pudicitiae infringere attentabant, non mordacibus dictis, non iracundis responsis, sed rationabiliter & peritè à se repellens, eadem vel similia quæ quidam Poëta in personâ viduæ continentis protulit, respondebat.

132 *Origo Comitum Valent.*

*Æn. id. IV.*  
29.

*Ille meos, solus qui me sibi junxit,  
amores*

*Abstulit: ille habeat secum, servet-  
que sepulchro.*

Verùm quia fieri nequit, ut absque  
morsu hominum, vitæ hujus curricula  
quis pertranseat, si rumores sinistri de  
ipsâ fuerunt aliquando ventilati; con-  
stat eos ( ut sequentia declarabunt )  
solo livore ab illis fuisse confictos at-  
que disseminatos, quorum solatium est  
bonis detrahere, dum culpam æstimant  
multitudine minui peccatorum. O ad-  
mirandi & constantis animi feminam,  
quæ duplici infirmitati, carni scilicet  
atque sexui muliebri obnoxia, inter fa-  
mulantium multitudinem, inter cir-  
cumstrepentem adventantium gregem,  
in pulchritudine servavit castitatem,  
atque in medio ignis posita flamine,  
ardorem illæsa evasit! Est enim summæ  
vigilantiæ ac laboriosæ sollicitudinis,  
pene ultra naturam, corpoream supe-  
rare libidinem, carnisque fæces atque



# OPUSCULUM III. 133

concupiscentiæ flammæ extinguere, animique virtute inclusum hostem jugiter expugnare, & contra legem nascendi, in carne non carnaliter vivere. Unde & ipsa nunquam absque honesto & pudico exstitit Capellano, contra cujus pudicitiam nec etiam maledica lingua, aliqua lacerationis famæ poterat invenire figmenta; à quo divinum horarum diei audiens officium, ut sui studii & moris fuerat, singulis diebus celebrationi Missæ intererat, Sacerdoti, immò Deo per Sacerdotem, quotidianam offerens oblationem. Noverat verò Psalmos legere, & orationes nonnullas quas scriptas habens, dum orationis studio insisteret, quotidie aut in Ecclesiâ aut in camerâ suâ tam interioribus quàm exterioribus oculis relegabat: quam ob rem Psalterium pretiosum litteris aureis decoratum, ab Imperatrice \* nepte suâ sibi transmissum secum faciebat indefinenter deferri.

\* *Beatrice  
Friderici  
conjugis.*

Sanè tantorum conventus bonorum

I iij

134 *Origo Comitum Valent.*

in feminâ, gratiæ munus exstitit, non naturæ. Deferebat equidem feminæ, dum sibi formosa provideret pudicè; Comitissam reprimebat, dum servaret in potestate clementiam, quâ sicut nihil est humanitati affinius, ita nihil in præsidente gloriosius. Sciebat nimirum esse culpam, totam persequi culpam, & quæcumque licent explere. Necessitate urgente, non voluntatis impetu instigante ad vindictam pertrahebatur: neminem puniebat absque dolore. Porro Ecclesias sub ejus potestate statutas, Ecclesiam Gratianopolitanam præ cæteris, ab infestantium incursione pro viribus defensabat, & earum quieti piâ curiositate intendens, religiosa loca construendis benignâ subveniebat liberalitate. Consueverat autem suam deducens curiam, in solemnibus festis, & præcipuè in beatæ Mariæ celebratibus Gratianopolim venire, tum propter sanctuarii reverentiam, tum quia divinum ibidem plenius audiebat offi-

cium : ubi quamdiu morabatur, nulum cuiquam in expensis inferebat gravamen; sed si quidpiam ab aliquo mutasset, persolvi tempestivè & ex integro faciebat. Eos verò quos clericalis militiæ dignitas exornabat, humiliter & patienter audivit: quos autem religiosos agnoscebat, gratanti animo ac benigno affectu honoravit & coluit. Exhibebat insuper omnibus communem corde ac verbis dilectionis affectum, & in quantum ingenuitatis sublimitas & potentiæ magnitudo permittebat, se jocundam & mitem quibusque alloquentibus offerebat.

Cum ergo, ut præscriptum est, tantis morum polleret insignibus, & virili industriâ ferè in omnibus femineam supergrederetur mollitiem, omnia inutilia reputans, se infructuosè credidit laborem infumere, & quasi otiosam Dei donum inutiliter possidere, nisi aliquid quod nulla posset delere vetustas, efficeret, per quod recentia dia-

136 *Origo Comitum Valent.*

bolo quotidie infligens vulnera, regnis tartareis innumerabilia inferret gravamina, regnisque cælestibus lucra conferens cumulata, creditori suo multiplices reportaret usuras. Propterea concepit gaudium, & peperit jucunditatem, concepit bonum, & inenarrabilem boni peperit ubertatem. Cogitans utique cogitavit esse bonum atque jucundum habitare sorores in unum. Propter quod, Monasterium illud in quo vos, venerabiles Dei ancillæ, suavi jugo Christi colla supposuistis, fundare ac stabilire curavit, ut unanimes habitaretis in domo unâ, & esset vobis anima una & cor unum in Deo: ut unum scilicet haberetis habitum & unum cibum, ad unum etiam ac summum inhiaretis bonum, quatenus unum & idem consequeremini præmium. Qui enim adhærent Deo, unum corpus & unus spiritus in eis esse probatur. Ut autem cum Psalmistâ posset dicere:

*Psal. 83. 5. Beati qui habitant in domo tuâ, Domine,*

*in secula seculorum laudabunt te* ; vestrarumque orationum suffragiis , excessuum suorum plenam à Domino indulgentiam impetrare , mirabilis structuræ Monasterium fabricavit , miræ pulchritudinis Ecclesiam , claustrum idoneum , officinas admodum competentes , vosque ibidem manu propriâ congregavit Prætereà ne quid vobis deesset quò minùs expeditiùs curreretis ad bravium , vos amplissimis prædiis , largisque ditavit subsidiis , & ubèribus amplificavit redditibus. Hæc utique fuit vitis illius vineæ quæ extendit palmites suos usque ad mare ; quæ quod non habuit in radice , manifestè ostenditur produxisse in palmite : hæc planè arbor quæ ex fructibus suis bona esse cognoscitur , de quâ multiplices rami pullulantes , virgines , viduæ , continentes , flores producunt , & fructum afferunt in patientiâ.

Verùm ut ad commendationem prudentiæ ac peritiæ stylus iteratò ver-

### 138 *Origo Comitum Valent.*

tatur, cùm ejus filiæ ad nubilem devenissent ætatem, non absque sumptibus copiosis, alteram inclyto & potenti viro Arvernensium Comiti, Regis Franciæ consanguineo; alteram Valentinensium Comiti, viro claris natalibus orto, lege matrimonii copulavit. Proinde verò cum filius ejus jam adultus, militari cingulo ab Imperatore suscepto, consanguineam ipsius sibi conjugali vinculo alligasset, atque inde regrediens, honorabiliter & cum sollemni processione, cum uxore suâ in Gratiopolitanâ fuisset receptus Ecclesiâ, ipso cum matre & uxore suâ, universisque Principibus, ac plebe, Episcopales domos introgressis, nonnulli ibidem assistentium, auditâ piâ ac rationabili exhortatione matris ad filium, obstupescentes admirabantur, unde illi tanta venustas eloquii & sapientia. Curam nempe atque regimen Comitatus in manu illius refundens, monuit cum, Deum super omnia diligere, Ec-

clesiarum perturbatores propulsare , Ecclesiasticos viros atque religiosas personas honorare ac protegere , in omnibus modum tenere , subjectos clementer regere , diligere justitiam , & iniquitatem odire. Pro eo incessanter sollicita , quotidianâ & singulari prece Dominum exorabat , ut gressus actûsque ipsius in voluntatis suæ beneplacito dirigeret , quatenus ad Dei reverentiam & subjectorum voluptatem Comitatus præsidere valeret. Instantibus sibi guerris faciebat Deo salutares & gratissimas hostias immolari , ne vel in bello caderet , vel obitu repentino decederet , quem nec esse iracundum , neque ad minas præcipitem , neque furrionibus aures facilè inclinare , materno exhortabatur affectu : quem etiam si quid nequiter , si quid immoderatè contigisset patrare , lenes amaris , amaros lenibus sermones interserens , eum frequentius increpabat.

Evoluto denique non plurium an-

## 140 *Origo Comitum Valent.*

norum curriculo, ille de quo universa  
 spes matris suæ post Deum pende-  
 bat, investigabili Dei judicio, gravi ægri-  
 tudinis incommodo apud castellum  
*Visilie* arreptus, jamque in extremis  
 constitutus est. Qui licet parvulam ex  
 conjugē filiam suscepisset, in matris  
 manum, quam ad misericordiæ opera  
 dapilem noverat & proclivem, Co-  
 mitatum liberè resignavit; fiducialiter  
 credens, eam sibi defuncto non dete-  
 riorem impendere partem. Qui post  
 peractam confessionem, & salutiferam  
 Viatici susceptionem, incessanter Deum  
 invocando, generale conditionis hu-  
 manæ debitum exsolvit: raptus ne mu-  
 taret malitia intellectum, quapropter  
 Deus properavit eum educere de me-  
 diâ iniquitate, ne longo vitæ itinere  
 deviis oberraret anfractibus. Cujus so-  
 latio mater destituta, quanto potuerit  
 mœrore affici, quantâ carnis ac spiritus  
 angustia coarctari, facile est animis ad-  
 vertere, sed difficillimum explicare.



### OPUSCULUM III. 141

Flebat enim irremediabilibus lacrymis, & tanquam fletibus satiari nequiret, effecta exanimis se infortunatam vociferabatur, se numerosâ annorum multitudine superstitem exstitisse, mortem sui oblitam fuisse querebatur. Cæterum brevi morâ interpositâ, rationis solamine mitigans quod fore noverat tolerandum, ad se rediit; & exequiis filii propensiori curâ intendens, fecit eum in Gratianopolitanâ Ecclesiâ in patris sui sepulchro cum omni honorificentâ tumulari. Ob cujus animæ requiem à Domino promerendam, multiplicium beneficiorum medicamen conficiens, pauperibus, cæcis, debilibus plura distribuens, Ecclesiam Gratianopolitanam, ac reliquas religiosas Ecclesias, alias prædiis & possessionibus, alias muneribus augmentavit. Cæteræ matres tumulos filiorum faciunt dealbari, & aliquâ coloris pulchritudine exteriùs decorari, atque dolorem pectoris his consolantur officiis; hæc au-

## 142 *Origo Comitum Valent.*

tem cineres filii quiescentes eleemosynarum balsamo irrigabat, & pigmentis atque odoribus misericordiæ confovebat, sciens esse scriptum : *Sicut aqua exstinguit ignem, ita eleemosyna exstinguit peccatum.*

*Eccli. 3. 33.*

Quòd si quis calumnietur, & dicat : Cur in laudibus ejus ita sedulò immoraris, quæ viduata viro, orбата filio, sericas noluit vestes deponere, delicias respuere, cùm inter Christi ancillas assumptis servilibus indumentis, Domino posset expeditius militare ? perfacilis ad ista responsio. Plus est animum deposuisse, quàm cultum. Difficilius quis arrogantiam, quàm auro caret & gemmis. His enim abjectis, interdum gloriosis tumet sordibus, & paupertatem adeptam vendit popula-

*Act. 10. 34.*

ribus auris. Ait autem Apostolus : *In veritate comperi quia non est acceptor personarum Deus ; sed in omni proposito, qui timet Deum, & operatur justitiam, acceptus est illi.* Dicit enim Hierony-

mus, quòd nunquam est fera conversio. Nam licèt majoribus meritis majus debeatur præmium, denarium tamen quem à primâ diei horâ in vineâ Domini laborantes accipere meruerunt, circa undecimam venientes affecuti fuere : quia nec quantitas diuturni vel brevis temporis ibi attenditur, ubi sincera cordis devotio remuneratur. Præterea urgebat ipsam administratio Comitatus, cujus cura regiminis sibi jure contigerat : quem si absque rectore dimitteret, suæ potiùs animæ acquireret detrimentum, quàm aliquid commodi lucraretur. Arduum insuper erat, ex quo ingressa fuisset Monasterium, eas quas Christo educabat, posse absque penuria sustentare, illisque abundanter necessaria subministrare, quibus, & nonnullis aliis in sæculari habitu magis profuit, quàm in Monasterio potuisset prodesse.

Sed ( ò amplectendæ in Christo milites ) vos forsân suspensas detineo,

#### 144 *Origo Comitum Valent.*

dum in laudibus ejus occupatus, vitamque ipsius cupiens facere longiorem, ad extrema pervenire formido. Sanatum vulnus, & in cicatricem obductum, quod & tempus & ratio jam in vobis ( ut credo ) curaverat, commemoratione exulcero, plagamque doloris instauro. Quæ enim aures tam duræ, quæ de silice excisa præcordia, hujus lilii florem marcescere, hanc virentem smaragdi gemmam conteri, hoc pretiosissimum margaritum frangi, & ( ut expressius loquar ) hujuscemodi non mulierem, sed viraginem morientem siccis oculis queant audire? Nondum annus post filii decessum effluerat, post multos pro ejusdem filii obitu toleratos dolores, post multiformia laboris ac sollicitudinis pondera, quæ in Comitatu regendo pertulerat, confirmatis ab eâ sponsalibus inter filiam filii sui & Comitem sancti Ægidii, cum in villâ quæ *Mura* dicitur, moraretur, in gravissimam incidit invaletudinem.

### OPUSCULUM III. 145

dinem. Quo audito, filia ejus MAR-  
 CHISTIA Domina, scilicet in his quæ  
 mundi sunt, admodum strenua, in de-  
 centi ac speciosâ corporis habitudine,  
 verborumque elegantia vehementer  
 idonea, ad eam festinato pervenit:  
 quam plus solito obdormisse, atque  
 adhuc dormitantem inveniens, ( sicut  
 est sagax & provida ) metuens ne le-  
 thargiæ incommodo laboraret, jussu  
 suo egressis omnibus ibidem assisten-  
 tibus eam familiariter excitavit. Hanc  
 utique mater præ omnibus liberis gra-  
 tam semper habuerat, ipsaque matri  
 ferventiori jugiter dilectione adhæse-  
 rat: unde & in matris ægritudine, fi-  
 liæ pietas erga eam ab omnibus com-  
 probata magis innotuit. Assidebat e-  
 quidem lectulo, sustentabat caput,  
 quocunque se verteret supponebat pul-  
 villum. Si opertorium aliquò labere-  
 tur, eam protinus operiens desuper  
 imponebat: pedes interdum manu con-  
 fovens, strata mollia sæpe componens:

K

146 *Origo Comitum Valent.*

quicquid comestura erat, præparabat, ei que apponens, famulantium præveniebat officia : si alia quidquam fecisset, sibi fore dedecus & injuriam æstimabat.

Sed quid ulteriùs differendo, dolorem vestrum facio longiorem ? Cùm morbi molestiâ se aggravari sensisset, accessito ad se Sacerdote, vetustatis suæ saccum ( si quis erat ) in conspectu Domini coram eo confecit, & quicquid tabis, quicquid vulneris latebat interiùs, plenariâ oris confessione, cordis contriti & humiliati devotione diluit funditus & absterxit. Cùmque sanæ mentis & integri sensus adhuc existeret, præmeditata disposuit quid Ecclesiis, quid egentibus ad subventionem animæ suæ erogaretur. Id autem in potenti & inclytâ muliere, atque tanto tempore in sæculo commoranti, admiratione dignum existit, quòd ante corpus Christi sibi allatum, per viginti & unum annos à tempore

### OPUSCULUM III. 147

obitus viri sui se nullum virilem expertam fuisse amplexum testando perhibuit. Cur ergo non arescebant mendaces garrientium linguæ? cur non præ ariditate faucibus adhærebant; quæ illam suos colere amassos alstruere præsumebant? donativa militancibus debita eis impendere confingebant? eam gravidam vel promptam ad partum garrere solebant? O venenosas & præcidendas linguas, & per frustra etiam laocerandas! O detestabile falsiloquorum genus! Cur non urbibus pellitur? cur non lapidibus obruitur? cur non præcipitatur in fluctibus? Verùm cum in præsentis vitæ cursu lacerantium morsus nullus evadere queat, non miretur quispiam, si de hac sinistra opinio falsò crebruerit: quippe cum & Dominus Jesus-Christus, filius fabri, vni-que potator, in derisum & opprobrium dictus fuerit, & à pluribus pluries ei sit exprobratum.

Postquàm verò, uti mos est, exple-

K ij

148 *Origo Comitum Valent.*

tâ confessione à Sacerdote absolutio-  
nem accepit, salutaris hostiæ pane re-  
fecta non mediocriter exultavit. Ad-  
venerunt interim ad amplificandam  
ejus coronam (ô amabiles Dei famu-  
læ) quædam de vestro collegio, ad quas  
& ipsa miserat accersendas, quæ ve-  
teri homine illam exuentes, novóque  
illam cum regulari habitu induentes,  
veli diademate insignierunt: quod mul-  
tâ interioris hominis alacritate susci-  
piens, spiritu ac mente Deo gratiarum  
actiones exsolvit.

Noluit ergo extunc nisi sicut San-  
ctimonialem & religiosi habitus mulie-  
rem decebat, in plumarum jacere mol-  
litie: unde mollia faciens lintheamina  
removeri, sibi dura strui præcepit &  
vilia. Huc accedit quòd cùm ejus lau-  
dabilis filia paulò superiùs memorata,  
gallinæ coctæ pulmentum sibi ad ves-  
cendum intulisset, se nunquam carnes  
esuram respondit, quia nec monastici  
ordinis mulieribus, carneis vesci ali-



### OPUSCULUM III. 149

mentis regulâ prohibente licitum erat. Aiebat enim: Affligendum est corpus quod multis vacavit deliciis. Quæ sæculo placui, ut Christo placeam, vel eminente morte dare operam debeo. Brevi post hæc spatio temporis superveniente, cùm terminum vitæ non multùm remotum sibi præsensisset instare, valesaciens filiæ, orationes & divina omnia quæ habebat scripta, sibi jussit afferri, quibus ex corde perlectis, cùm liberam loquendi possibilitatem haberet, prout illi qui aderant, testati sunt, cum nemine postea voluit verba conferre. Sed jam exacto unius horæ spatio, erectâ manu, in fronte & labiis signum Crucis impingens, anno ab Incarnatione Domini millesimo centesimo sexagesimotertio, sexto Idus Februarii, vitalem spiritum exhalavit. 1163.

Cùm igitur abjectâ carnis farcinâ anima, veluti dignum est, confestim ad suum rediisset auctorem, nihil pallor mutarat in facie: sed ita dignitas

K iij

150 *Origo Comitum Valent.*

quædam & splendor vultum illustraverant, ut eam non mortuam, sed dormientem putares. Quódque omnibus his mirabilius est, atque ipsius meritis adscribendum, cùm de loco prænominato ad Monasterium tumultuanda deportaretur, cerei accensi feretro inhærentes, licèt vis ventorum toto die horribiliter flaret, nunquam tamen lucere desierunt, nec ventorum spiraculis potuerunt exstingui. Delatam ergo ad vos, reverendæ in Christo filiæ, matrem vestram, licèt lamentantes, & præ angustia spiritus gementes, celeberrimâ processione, & quâ potuistis secundùm Deum exultatione suscepistis, honorabiliterque gestantes in Ecclesiam induxistis. Adfuerunt & tunc Sacerdotes nonnulli pro ejus æternâ requie Missarum sollemnia celebrantes, & quamplurimi gradus inferioris Clerici, vobiscum per ordinem Psalmos undique personantes. Inter hæc egregia ipsius filia Sacerdotes per singulos

### OPUSCULUM III. 151

oblationem faciebat: quæ vix à matre abstrahi valens, non desinebat deosculari oculos, hæreret vultui, totum corpus amplexari, cum matre desiderans sepeliri. Flebant inopes, matrem & nutricem se amisisse clamantes. Lugeretis & vos ipsius alumnae, ac voces plangendo extolleretis, nisi vos vociferari dedecuiisset, vel si vestro sub ordine militantibus, in sæcularium similitudinem flere mortuos licuisset: crebris tamen singultibus, frequentibus agitabamini suspiriis, lacrymas tacite fundebatis; non quòd lugenda esset quæ occubuerat, sed quia impatientius ferendum erat quòd talem desistis videre. Ad reverendas ejus exequias accurrentibus istius terræ Nobilibus, accurrit accepto nuncio Dominus JOANNES Gratianopolitanus Episcopus, qui sollemne Deo sacrificium pro eâ offerens, peractâ celebriter & honorificè pompâ non funeris, sed triumphi, primo sui pontificatus anno,

K iiij

in medio vestri Capituli ejus corpus venerabile tumulavit. Adhuc tamen ejus pia filia quasi quibusdam facibus mœroris accensa, circa sepulcrum volutabatur, & quasi sparsis crinibus ac veste conscissâ, ora lacrymarum imbribus compluebat. Ad cujus lugubres voces Christum æstimo talia dedisse responsa : Quid exclamitas ? quid ploras ? Non est mortua mater tua, sed dormit : de tenebris enim ad lucem, de labore migravit ad requiem. Videtur etiam mihi, filia lamentanti matrem taliter respondisse : Si me unquam amasti, filia ; si mea suxisti ubera, si meis es monitis erudita ; ne invidas mihi, neque de voluntate Domini indigneris, & rebellibus lamentis invidiam facias possidenti. Nam diutiùs peregrinata, ad patriæ amœnitatem remeavi, & mundanâ solitudine pererratâ, ad terram lacte & melle manantem, Dei misericordiâ præeunte perveni. Quiesce igitur, filia mea, nec

me hujusmodi luctibus ulterius inquietes. Cùm autem planctus & gemitus ejulantis filiæ subsedissent paulisper, pro curiositatis studio largitionibus egenos lætificans, Sacerdotes & Clericos opulento refecit convivio: & nunquam maternæ affectionis oblita, illum dormitionis matris suæ diem, patrísque sui anniversarium honore annuo recolens, sacrificiorum mysterio, oblationum frequentia, eleemosynarum instantia deducit celebrem ac sollemnem. Materna quoque vestigia sequens, sinceræ affectionis fervorem, quo erga vos tanquam adoptivas vel spirituales filias suas fervebat, nullatenus in se frigere vel tepere permittit.

Amor enim ipsius, & gratia \*\*\* erga \* In hac lacuna reponendum videtur, quæ illam vos clementem exhibuerat, & vos fovens ac protegens frequentibus beneficiis recreat.

Vos igitur, per omnia venerandæ Agni immaculati sponsæ, quæ bonum certamen certatis, vel præteritæ vitæ

154 *Origo Comitum Valent.*

nævos abluitis, vel meritorum cumulos vobis augere contenditis, pretiosam matris vestræ animam, beneficiorum acceptorum non immemores, quotidianis precibus Domino commendate: & si qua de terrenis contagiis ei adhæsit macula, orationum vestrarum lavacro eam abluere studiosiùs laborate. Insuper conversationis suæ modum, & Vitam sæpius relegentes, quicquid imitatione dignum inveneritis, eligite & colligite, vestrisque profectibus coaptantes, verbis & actibus retinete. Probabile quidem est, & rationi congruum, hanc quæ cum Christo vivere creditur, in ore hominum *ludentem* memoriam obtinere. In cujus laudibus si quid minus, si quid incompolitè visus fuero protulisse, tam ignorantem quàm simplici scriptori, prout æquum est, indulgeat. Requiescat ergo per immensam omnipotentis Dei clementiam in pace perpetuâ, fidelis, devota, & accepta Deo anima, & fructu.

Lege *vigentem*

OPUSCULUM III. 155

bonorum operum suorum perenniter  
cum supernis civibus potiatur. Amen.

*Epitaphium quod apud Ayas fugientibus  
litteris hodieque legitur.*

Anno ab Incarnatione Domini  
M. C. LXIII. VI. Idus Februarii  
MARGARETA Comitissa spiritum  
exhalavit. Item anno ab Incarnatione  
Domini M. CLXXXVI. XII. Kal.  
Aug. Pon. MARCHISIA Christo  
spiritum reddidit.

*Bernardo Priori Montis Mairani, deci-  
mas à Wilhelmo Pictaviensi Comite  
Valentino collatas, confirmat Odo Va-  
lentinus Episcopus, anno Christi 1181.*

*Ex autographo.*

CUM omnium Ecclesiarum quæ  
solicitudinis nostræ regimini sub-  
jiciuntur, utilitatibus & augmentis ex  
officio nostro intendere debeamus,  
eas potissimum dilatare atque fovere

156 *Origo Comitum Valent.*

nos oportet, quæ viris deputatæ sunt  
religiosis, & in quibus honestas & re-  
ligio specialem locum obtinere viden-  
tur. Eapropter ego ODO Valenti-  
nus Episcopustibi, BERNARDE, Prior  
Monasterii *Montis Mairani*, & succes-  
soribus tuis ejus Monasterii Prioribus,  
in perpetuum donamus, laudamus, &  
confirmamus quascunque decimas in-  
fra terminos parochiæ tuæ, vel extra,  
WILLELMUS PICTAVIENSIS,  
Comes Valentinus, seu alii quilibet,  
pro salute animarum suarum, Ecclesiæ  
tuæ concessisse, seu potius reddidisse  
videntur. Concedimus & eidem Eccle-  
siæ tuæ, specialiùs decimas infra ter-  
minos *Montis Largerii*, quas per ma-  
num Domini R. *Viennensis Archiepi-*  
*scopi*, & nostram, te, & *Willelmo de*  
*Monte Veneris*, Priore Bellimontis, co-  
ram me super his querelam habenti-  
bus, transigendo retinuisti. Hæ sunt  
eorum omnium decimæ, quæ Comitibus  
EUSTACHII propria fuerunt, & eo-



### OPUSCULUM III. 157

rum quæ de feudo *Balaſtenſi* eſſe dicuntur. Quorundam etiam prædiorum quæ ſunt de dominio *Arberti*, & *Hugonis Dai*. Ne igitur Monasterium ruum ſuper hiſ de cætero valeat inquietari, vel ſuper hoc dubietas poſſit oriri, hanc noſtram conſeſſionem, ſive conſirmationem, in ſcriptis redigi, & ſigillo noſtro muniri præcipimus. Addentes etiam, quòd ſi quis eam impedire vel retractare præſumpſerit, indignationem Dei & noſtram incurrat, & nomen ejus de libro vitæ deleatur. Teſtes ſunt Hugo de Stella, Petrus de Torno Capellanus meus, Bermundus Bajulus, Symon Monachus, Lambertus de ſancto Nazario, Willelmus de Stellâ. Facta ſunt hæc anno ab Incarnatione Domini M. C. LXXXI.

In ſigillo ovali ſtans in pedes Epiſcopus nudo capite, dextrâ benedictis ritu compoſitâ, ſiniſtrâ pedum paſtorale præfert, ad oras ſcriptum † ODO VALENTINENSIS EPISCOPUS.

*Ademarus Comes Valentinus confirmat omnia bona quæ Willelmus de Piëtavis pater ejus donaverat quondam Ecclesie sancti Genesii de Montemairano.*

*Ex autographo.*

**N**OVERINT universi præsentēs litteras inspecturi, quòd nos **ADEMARUS** Comes Valentinus laudamus & confirmamus ea omnia quæ Dominus **WILLELMUS DE PICTAVIS** pater meus donaverat quondam Deo & Ecclesiæ sancti Genesii de Montemairano. Scilicet decimam per *Araz*, & totum hoc quod Dominus **WILLELMUS** prædictus tenet, & alii tenent de ipso, sicut ducit molendinum *Gontairens*, & via molendinaria quæ venit desuper condaminam Guidonis de Montemairano, quæ ferit ad nemus Villelmi *Liautands*, & vadit directè ad blacham Petri de *Airâ*: & ferit ad viam quæ venit de castro

### OPUSCULUM III. 159

*Vipiani*: & vadit versùs castrum *Stella*, inter *Sanctum Christofolum*, & *Foliosam*: & revertitur per costam *Dargensonana*: & rivariam totam de *Gelata* ex utraque parte, usque ad locum qui dicitur *Logellos*: & revertitur per rivariam de *Luiâ*, & per *Encisas*, & est terra *Galdrici de Bellomonte*: & est ibi totum *Foissanez*, & feudum *Balastenez*, & feudus dictus *Pilaz*, & vadit directè viam quæ ducit versùs *Malumper-tuz*: & vadit directè per locum qui dicitur *Verchape*: & ferit ad aquam ad introitum de *Charoias*: & revertitur ad terram *Jarentonis Vache*, de *Traseis*: præter mansum de *Colombeir*, & terras dictas *Chanabas*: & de aliis Militibus de castro *Montilii Largerii*. Et infra istos terminos supradictos aliæ Ecclesiæ non possint aliquid acquirere per mandamentum castrorum. Sic pro hac confirmatione quam fecimus supradictæ Ecclesiæ de *Montemairano*, habuimus à Priore prædictæ Ecclesiæ xx.

160 *Origo Comitum Valent.*

solidos Viennensium, quos numeravimus, & exceptioni non numeratæ pecuniæ renunciavimus: & promittimus quòd in omnibus prædictis contrà nulloatenus veniemus, aliqua ratione legis, canonis, consuetudinis vel usûs. Actum est hoc apud *Castrum Vipiani*, sursum in Curia. Testes ad hoc vocati fuerunt Johannes *Nenevers*, Pe. *Durre*, *Willelmus Bajulus*, Johannes frater ejus, Pe. *Salvani*, & multi alii. Et ad majoris roboris firmitatem, præsentem chartam nos *ADEMARUS* prædictus Comes *Valentinus* sigilli nostri munimine jussimus roborari.

*Locus sigilli, quod  
propter pagina angustias in sequens folium rejecimus.*



162 *Origo Comitum Valent.*

Hæ tabulæ sunt Ademari, filii Wilhelmi Pictavenſis, & Marchiſiæ: & datæ videntur ab Ademaro, cùm à patre jam ſenio gravi, ſui juris effectus fuiſſet, atque in Comitatus poſſeſſionem & adminiſtrationem miſſus.

Huic Ademaro uxorem fuiſſe ex Bauciorum illuſtri familiâ, oſtendit ſigilli ejus pars averſa, ſtellam exhibens ſedecim radiorum, Bauciorum gentilitium ſtemma. Quare Philippam Ademari conjugem, quæ in ſtemmate ſuo aquilam habuit; opinor Ademaro I V. fuiſſe uxorem ex familiâ Vienneniſi, quia dicitur teſtamentum condidiſſe anno 1246.

Euſtachius Comes, cujus meminit Odo Episcopus Valentinus, fuit ( ni fallor ) Episcopus Valentinus 34. fortaſſe primus in quem concurrit regio munere dignitas Comitſ, quâ hodieque gaudent Episcopi Valentini. Sic enim jura regalia pleriſque Galliæ & Germaniæ Episcopis conceſſa ſunt à Regibus, Viennæ, Veſontione & alibi; ſalvis tamen laïcorum Comitum juribus.



EXCERPTA  
EX COLLECTANEIS  
DE VITA ET REBUS GESTIS  
SANCTI BERNARDI  
CLAREVALLENSIS ABBATIS,

Auctore GAUFRIDO quondam illi  
ab Epistolis, ac postmodum Igniaci,  
Clarævallis, Fossænovæ, & Altax-  
cumbæ Monasteriorum Abbate.

OPUSCULUM IV.







EXCERPTA  
EX COLLECTANEIS  
DE VITA ET REBUS GESTIS  
SANCTI BERNARDI  
CLAREVALLENSIS ABBATIS,

Auctore GAUFRIDO quondam illi  
ab Epistolis, ac postmodum Ignia-  
ci, Clarævallis, Fossanovæ, & Al-  
tæcumbæ Monasteriorum Abbate.

OPUSCULUM IV.

P R Æ F A T I O.



UM ab aliquot annis à me  
jam prodiisset opus illud,  
cui titulum indidi: *Sancti  
Bernardi Clarevallis  
Abbatis genus illustre asser-*  
*tum*; exhibuit mihi R. P. Jacobus Vi-

L. iij

166 *Excerpta de vita S. Bernardi.*

gnier, è nostrâ Societate vir eruditus, Vitam S. Bernardi, ab vulgatis omnibus (ut putabat) diversam. Hanc ego contulicume ditis, hoc est, cum libro primo quem scripsit Guillelmus Abbas sancti Theodorigi; cum secundo, cujus est auctor Bernardus Abbas Bonævallis; cum tertio, quarto, & quinto, quos prioribus duobus adtexuit Gaufridus S. Bernardi Notarius; cum sexto & septimo quos ex anno 1641. Editioni Colonienfi adjecit Jacobus Merlonus Horstius. Et de septimo quidem libro in his Collectaneis nihil reperi: de quinque prioribus totam penè historiam inveni, sed stylo nonnihil diverso: de sexto autem libro vidi penè de verbo reddi quidquid à capite sexto habetur usque ad finem libri, dempto capite ultimo & xviii. Re autem diligentius consideratâ, non dubitavi quin hæc essent Collectanea de Vitâ & rebus gestis S. Bernardi, ac velut materiem scribendæ ejus historiæ præpa-

ratam : cujus tamen primum & secundum librum cum elaborassent citati duo viri eruditi & graves , noluerit Gaufridus pios eorum labores opere suo obscurare ; sed intactis quæ illi tractaverant, reliquam S. Bernardi Vitam tribus libris prosecutus sit, ad priores duos adnectendis. Non enim plures daturum se profitetur Gaufridus, cum ait in suâ præfatione : *Opus istud libellis tribus partitum lector inveniet.* Postea tamen seorsim collegit S. Bernardi plurima miracula, præsertim in variis itineribus ab eo edita, quæ Horstius in sextum suum librum congescit, quinque duntaxat primis capitibus ex Philippo de Claravalle adsumptis : atque librum hunc *Odaporicon* inscripsit, quia singillatim sancti viri itinera spectabat. Hæc certè Collectanea Gaufrido nemo abjudicaverit, cum in iis legerit horum Excerptorum numero sexto de epistolâ ad Robertum nepotem in imbre sine imbre conscriptâ :

# 168 *Excerpta de vita S. Bernardi.*

*Extat adhuc epistola: & ego ipse primam eam constitui in corpore epistolarum, cum audissem tam grande miraculum, ab ipsius ore qui scripsit eam in pluviam sine pluviam. Cujus hæc sunt verba, nisi Gaufridi, qui ab anno Christi 1140. sancti viri Notarius fuit? Simul intelliget, è Scholâ Parisiensi Gaufridum in ejus disciplinam fuisse tractum, cum exclamantem viderit: Sit benedicta dies, quâ Sol justitiæ, immò misericordiæ, oriens visitavit ex alto miseram animam meam, adversum & perversum nimis hominem, in verbo uno, in momento, in ictu oculi, mutatione dexteræ Excelsi prorsus in alium hominem recreans, ut sim initium aliquod creature ejus. Decem quæ selegimus fragmentis, ex eo pretium est, quòd ea continent haud levis momenti, quæ apud alios rerum S. Bernardi Scriptores non reperiuntur.*

Numero  
IX.

I. Ortus & genus S. Bernardi.

**I**N territorio Lingonis civitatis situm  
est Castrum, nobile quondam & in-  
clitum valdè, cui Castellio nomen est,  
multos habens Proceres armis strenuos,  
sed multò magis legalitate præcipuos: in-  
ter quos excellerat Tecelinus quidam co-  
gnomento Sorus; quo nomine, vulgari  
linguâ subrufos & penè flavos appellare  
solemus. Erat autem vir iste genere no-  
bilis, possessionibus dives, suavis mori-  
bus, amator pauperum maximus, sum-  
mus pietatis cultor, & incredibilem ha-  
bens justitiæ zelum. Denique & mirari  
solebat, quòd multis onerosum esse videret  
servare justitiam, & maxime (adversus  
quos amplius movebatur) quòd aut ti-  
more aut cupiditate defererent justitiam  
Dei. Erat quidem Miles fortissimus, sed  
non minori studio laudes ipse fugie-  
bat, quàm ceteri captare videantur. Nun-  
quam armis usus est, nisi aut pro defen-  
sione terræ propriæ, aut cum domino suo,

170 *Excerpta de vita S. Bernardi.*

*Duce scilicet Burgundie, cui plurimum familiaris & intimus erat: nec aliquando fuit cum eo in bello, quin victoria ei proveniret. Erat quidem indigena Castellionis, sed Dominus minoris Castri, cui Fontana nomen est, quod famosissimo illi Castro Divionis supereminet, in excelsa rupe locatum. Huic sanè uxor erat, Elizabeth nomine, ex optimo genere Burgundionum, Bernardi de Montebarro filia, digna tanto genere & tanto viro, immò & gloria utriusque. Elizabeth filium hunc divino edocta oraculo, tenerius omnibus dilexit; unde & patris sui ei nomen imposuit, Bernardum eum vocans.*

ELIZABETH ubique huic Auctori scribitur S. Bernardi mater, quæ aliis modò Aleth, nunc Alays sive Alaysia; vocibus fortasse idem fonantibus, & dialecto tantum inter se diversis. Quemadmodum autem S. Bernardus ( ut hîc vides ) à Bernardo Montisbarri do-

# OPUSCULUM IV. 171

mino, avo suo materno, nuncupatus fuerat, ita & soror ejus Humberga, sive Humbelina, quæ post illum proximè nata est, ab Humbergâ Granceianâ, aviâ suâ maternâ, nomen tulit. Constans est traditio fuisse S. Bernardo vel affines vel consanguineos Dominos de Granceio; sed probatio hætenus difficilis. In Castro Granceiano superest antiquæ structuræ cubiculum, Sancti Bernardi vulgò dictum, quia in eo ipse excipiebatur, quoties ad cognatos suos Granceyanos Dynastas divertebat. In Chronico Granceiano à quingentis fere annis conscripto, sub titulo *De tertiâ filiâ de Granceyo*, affirmat Auctor, Adeleidem quæ Tecelino domino de Fontanis sanctum Bernardum genuit, fuisse filiam filia Domini de Granceyo. Hanc verò Humbergam fuisse appellatam, habemus ex Chronico S. Petri Vivi Senonensis ad annum Christi 1065. & Bernardo Montisbarri Domino fuisse matrimonio copulatam. Erat

172 *Excerpta de vita S. Bernardi.*  
igitur S. Bernardus Granceiani Dyna-  
stæ in tertio gradu consanguineus.

II. Visum divinum in nocte Nati-  
vitatæ Domini Bernardo puerulo  
oblatum.

**E**RAT autem in Castellione Eccle-  
sia, tunc quidem secularium Cano-  
nicorum, sed in maximâ disciplinâ vi-  
ventium, in quâ Bernardus est educatus  
à parvulo. Vigiliâ ergo dominicæ Nati-  
vitatis, dum adhuc puerulus dormiret in  
domo patris, videbatur sibi videre virgi-  
nem parientem, & Verbum infans nas-  
cens ex câ. Protinus autem pulsatum est  
ad Vigilias: & excitans eum mater, in-  
duit accuratè vestibus Canonicalibus, &  
secum pariter ad Ecclesiam duxit ut sole-  
bat. De quâ visione dicere ipse solebat  
quòd eam crederet dominicæ Nativitatis  
horam: & quòd sibi ostensum est, signum  
fuisse multorum quæ sibi de eadem postmo-  
dum Nativitate revelata sunt mysterio-  
rum.



III. De ejus patre, & fratribus.

**A**NDREAS Bernardo dixit: Ecce, date operam ne quis fratrum nostrorum in saeculo maneat: alioqui scinde me medium, quoniam nec à vobis, nec ab illis separari tolerabile est.

Quid virilem illius patris animum loquar? qui unâ die sex filios, & filios tales videns abire, non modò non doluit, sed & gavisus est valdè; illud tantùm monens ut in omnibus modestè agerent, quoniam ego (inquit) novi vos, quòd aut vix aut nunquam possit zelus vester cohiberi. Proficiscentibus itaque fratribus, unus tantùm, & ipse puerulus remanebat, qui cum parvulis aliis in plateâ jocabatur. Videns ergo eum senior frater Guido; Ecce (inquit) Nivarde, securre potestis ludere, quoniam terram multam habiturus estis. At ille subsannans; Cum maledictione, inquit, fiat hac distributio, ut vos calum habeatis, ego terram. Fugiebat ergo quotidie puer ad fra-

174 *Excerpta de vita S. Bernardi.*

*tres suos, volens conversionis eorum socius fieri. Sed quia parvulus erat, remittebant eum, & reddebant patri suo. Tandem non ferentes importunitatem ejus, tradunt eum Sacerdoti cuidam, ut disceret litteras: & ubi paululum crevit, factus est & ipse Novitius apud Cistercium, & suscepto post anni spatium habitu, reditus est Fratribus in Claravalle.*

IV. Guidonis primogeniti conjux, Abbatissa Elariaci prope Divionem, quando hæc scribebat Gaufridus.

**S**ENIOR frater ejus Guido cum de conversione loqueretur ei, excusare se cepit de uxoris vinculo quod solvere non liceat. Promisit tamen in fide, & dextram dedit, venturum sese cum fratre, si posset ab uxore licentiam obtinere. Ad quem illicò frater ait: Ut meliori sis animo, ego quoque in eadem tibi fide promitto, ante proximum Pascha, aut licentiâ, immò & petitione, aut certè morte ipsius, solvendum te à lege uxoris. Et

# OPUSCULUM IV. 175

*promisit in manu ipsius. Nec multò post factum est uti prædixit, & cæpit juvencula nobilis & decora, cum omni instantiâ lacrymarum, in cubiculo, stupenti viro pro conversionis licentiâ supplicare. Ipsa est quæ usque hodie in Monasterio Lairicus, quod prope Divionum situm est, perseverat mulier virtutis, & multarum in Christo Virginum Mater.*

Sub hujus Præfectæ Lariacensis curâ fuisse videtur Aremburgis, Hugonis II. Burgundiæ Ducis filia, de cujus dote sunt tabulæ sequentes ex autographo Benigniano descriptæ.

Hugo II. Dux Burgundiæ, Aremburgem filiam suam in Monasterio Lariacensi velandam Deo consecrans, dat eidem Monasterio omnem Justitiam, cum omnibus exactionibus & consuetudinibus quas apud Lariacum habebat: laudantibus Mathilde conjuge, & quatuor filiis, Odone, Roberto, Henrico, atque Hugone: adstantibus, Hugone S. Benigni, Stephano

## 176 *Excerpta de vita S. Bernardi.*

Cisterciensi, Bernardo Claravallensi, & Herberto S. Stephani Divionensis Abbatibus, aliisque Reverendis ac Nobilibus viris. Circa annum Christi 1127.

» **I**N NOMINE sanctæ & individuæ  
 » Trinitatis. Præsentibus cunctis &  
 » futuris notifico, quòd ego Hugo Dux  
 » Burgundiæ, quando filiam meam  
 » **AREMBURGEM** tradidi in Monaste-  
 » rio *Lariacensi* Deo servire, laude  
 » uxoris meæ *Mathildis* ac filiorum meo-  
 » rum *Odonis*, *Roberti*, *Henrici*, atque  
 » *Hugonis*, dederim Deo & Sancto Beni-  
 » gno Divionensi, ac Monialibus de  
 » *Lariaco*, omnem Justitiam, cum omni-  
 » bus exactionibus & consuetudinibus  
 » quas apud *Lariacum* habebam, vel me  
 » debere ibidem habere dicebam: & con-  
 » cesserim ut Monachi qui eidem loco  
 » præessent, jure quieto in perpetuum  
 » illas haberent. Huic autem donationi  
 » meæ interfuerunt plures tam sæculares  
 » nobilissimi viri, quàm religiosi, qui  
 etiam

# OPUSCULUM IV. 177

etiam inde testes existunt. HUGO Ab-  
 bas Divionensis, STEPHANUS Ab-  
 bas Cisterciensis, BERNARDUS Ab-  
 bas de Claravalle, *Girardus* frater ejus, "  
*Herbertus* Abbas sancti Stephani Di-  
 vionensis, *Walo* Abbas, *Raynerius* de "  
 Rupe, *Girardus* de Castellione, *Johan-* "  
*nes* de Belnâ, & *Raynardus* frater ejus, "  
*Widricus* Divionensis, & *Aymo* fra- "  
 ter ejus, *Carpinus*, *Hugo* de Besuâ, "  
*Petrus* frater ejus, *Hugo* de Ysio, *Oddo* "  
*Coccus*, *Uldierius*, *Robertus* Sacrista, "  
 & alii plures. "

M



Harum tabularum epocham demonstrant Herbertus S. Stephani, & Hugo S. Benigni Divionensis Abbates. Iniit enim Herbertus anno 1125. Abdicavit autem Hugo 1129. Medio igitur tempore, adeoque circa annum 1127. in Larcio velata est Aremburgis.

## OPUSCULUM IV. 179

Eodem porrò se receperat Guidonis primogeniti Bernardum fratrem in Monasterium Cisterciense comitati conjux, ex anno 1113. quæ si jam anno 1127. Lareienſi Parthenoni nondum præerat, poterat certè regiæ puellæ Aremburgis educationi à Monasterii Matre præfici. Quo factum videtur, ut adesset inter cæteros Bernardus ejus dotationi, sive ut illius cum cælesti Agno nuptias suâ præsentia cohonestaret, sive ut illam fratriæ suæ de meliore notâ commendaret.

Lariaci sive Elariaci dominium utile, Sancto Benigno jam olim contulerat Guntrannus Rex, confirmaverat Rex Chlotarius III. Wlfechramno Abbati, 1 x. Kalendas Novembris, anno regni sui octavo: addidit Hugo Dux II. dominium altum quasi pro dote filiæ suæ Aremburgis. Si quæris de origine Lariacensis Parthenonis, aio videri ad Jarentonis Abbatis tempora referendam. Ex Chronico Hugonis Floria-

M ij

180 *Excerpta de vita S. Bernardi.*

centis, Jarento apud Casam Dei habitum suscepit monasticum anno Christi 1074. Vasta erat eremus, utpote quæ ante annos viginti, habitationes hominum non noverat. Ibi mox compulsus est magister fieri ex discipulo, & Prioris suscepit officium jussu Duranni Abbatis, & totius Congregationis voto. Triennium eo munere est perfunctus, donec in Concilio Augustodunensi creatus est Abbas S. Benigni Divionensis, & à Rainardo, cognomento Hugone, Lingonensi Episcopo sollemni ritu consecratus xv. Kalendas Octobris anni 1077. Jarento jam Abbas, proximè sequenti anno 1078. xiii. Kalendas Julii privilegium obtinet à Gregorio Papa VII. in quo inter alia hæc ait Pontifex: *Ecclesiam quoque Beati Germani de Laré, ubi Sanctimonialia consistunt, vobis perpetuò confirmamus possidendam: & ut ipsa Sanctimonialia nunquam à subjectione Ecclesie Divionensis se removeant, sub ana-*



*themate prohibemus; sed semper per vestram providentiam gubernentur. Dederat ( ut jam monui ) Guntrannus Rex Sancto Benigno vicum qui est in prospectu hujus Monasterii ( inquit auctor Chronici Benigniani ) tunc magnæ amplitudinis, vocatum Elariacum, cum omnibus appendiciis suis, super Oscaram fluvium situm. Sed de Monialium ibi constitutâ familiâ nullum uspiam verbum ante Jarentonem. Junge nunc tempora, compara inter se eventus, & ad rerum gestarum adjuncta animum adverte.*

Hildeberti Marchiæ Comitis filia, anno Christi 1076. ad Casæ Dei vastam eremum fit Monialis. Cujus porro curæ committitur, nisi Jarentonis qui Prior erat Casæ Dei ex anno 1074. Cùm exinde aliò deductas fuisse constet Casæ Dei Moniales, numquid locum quasi digito monstrat Jarento, factus Abbas Divionensis autumnno anni 1077. Vicum nempe Elariacum ditioris S. Benigni, & in Benigniani Mo-

182 *Excerpta de vita S. Bernardi.*

nafterii prospectu positum? Et Sanctimonialium Congregationis in S. Benigni agro constitutæ regimen quid necesse erat rescripto Pontificio Benignianis vindicare, nisi ut ab eo arcerentur Casæ Dei Monachi, qui tanquam à se Deo consecratas, velle poterant ubique regere, ac sibi habere obnoxias.

Plura nos de hoc argumento in Sacrario nostro Jurenfi, hoc est, in Historiâ Monasterii S. Claudii, brevè (ut speramus) typis excudendâ: cum ageremus de sancto Simone ex Comite ad S. Eugendum Monacho. Hunc enim sibi generum ambierat Hildebertus Marchiæ Comes. Sed oblatam sibi conjugem Simon in Christi Sponsam convertit, quâ ad Casam Dei factâ Moniali, factus ipse est Jurensum Patrum sanctitatis æmulator.

Hæc de exordiis Lareyensis seu Lariacensis Monasterii, quo excepta est Aremburgis Hugonis II. Burgundiæ

## OPUSCULUM IV. 183

Ducis filia, de nomine ataviæ suæ sic appellata. Sed his principiis non respondit recentiorum temporum cursus. Laxatâ sæculis posterioribus & Monachorum Benignianorum, & Lariacensium Monialium disciplinâ, primum harum imminutus est numerus, & loci proventus inter Monachos & Moniales divisi, tandem Priori Monacho ad hanc diem cessere in solidum: nuper ( ut audio ) Ludovici Magni, Christianissimi Regis studio, sustinendis Societatis J E S U Orientalibus Missionibus destinati.

Lareyi antiquum statum ex Archivi Benigniani sequentibus aliquot tabulis cognosces.

184 *Excerpta de vita S. Bernardi.*

*Guntrannus Rex dat S. Benigno Vicum  
Elariacum, in prospectu Benigniani  
Monasterii situm, cum omnibus re-  
bus ad illum spectantibus, anno regni  
sui XXIII. æra vulgaris 583.*

*Ex Chronico S. Benigni, cap. XVIII.*

” **G**UNTRANNUS Rex Franco-  
” rum, cùm jam anno XXIII. Re-  
” gnum Burgundiæ feliciter regeret, vi-  
” dens sibi liberos non superesse, cœpit  
” thesauros suos in eleemosynis paupe-  
” rum distribuere, Monasteria & loca  
” sancta ex ipsis thesauris ditare: inter  
” quæ & ecclesiam hujus patroni nostri,  
” sancti scilicet Martyris Benigni, donis  
” optimis extulit. Ipse denique dom-  
” nus Guntrannus præcellentissimus Rex  
” dedit sancto Benigno vicum qui est in  
” prospectu hujus Monasterii, tunc ma-  
” gnæ amplitudinis, vocatum ELARIA-  
” cum, cum omnibus appendiciis suis,  
” super Oscaram fluvium situm. Et om-

# OPUSCULUM IV. 1.

nia quæ nunc usque ad possessionem “  
 pertinent hujus loci, à ponte Divionis “  
 usque Floriacum villam, contulit me- “  
 moratus Princeps sancto Martyri Be- “  
 nigno. In Biciso scilicet, in villa Co- “  
 lonicas dictâ, in Plomberias, in Sili- “  
 niaco, in Scontio, in Villari, in Cam- “  
 paniaco, in Lentennaco, in Girone, “  
 in Corcellas, in Flaviniaco, in Pruni- “  
 do, in Jussiaco, in Matriniaco, in Bar- “  
 biriaco. His & aliis locis mansa vesti- “  
 ta, & absa, cum mancipiis plurimis “  
 utriusque sexûs, terris cultis, & incul- “  
 tis, vineis, silvis, pratis, pascuis, aquis “  
 aquarumque decursibus, ingreditiis, “  
 exis & egressis, omnibus rebus exqui- “  
 sitis & inquirendis, totum ad integrum “  
 contulit memoriâ dignus Rex Gun- “  
 trannus Deo & Sancto Benigno, ad “  
 victum Monachorum Deo in hoc loco “  
 deservientium: ut pro se ac sequentium “  
 Regum salute & peccatorum remissio- “  
 ne, regni que totius statu Domini ex- “  
 rent clementiam Monachi in isto loco “  
 degentes.

*Ex eodem Chronico, capite xxxvii.*

„ **A** NNO igitur octavo regni sui  
„ Clotharius Rex, residens Mosol-  
„ laco Palatio suo cum Episcopis & Prin-  
„ cipibus regni sui, Wulfechramnus Ab-  
„ bas hujus loci adiit ejus præsentiam,  
„ conquerens super quorundam Militum  
„ ejus violentiâ. Guntrannus namque Rex  
„ dederat Sancto Benigno Martyri, pa-  
„ trono Divionensis loci, ELARIACUM  
„ villam, cum omnibus appendiciis suis.  
„ De cujus possessionis terris superscripti  
„ calumniatores molestias inferebant  
„ multas memorato Abbati, Monachis-  
„ que hujus loci. Rex ergo Clotharius  
„ annuens ejus precibus fecit præceptum  
„ Sancto Benigno de præscripto fundo,  
„ anuloque suo jussit insigniri, ut nullus  
„ supradictorum calumniatorum, aut eo-  
„ rum heredes vel successores, aut ullus  
„ aliquis alius cujuscunque honoris ac  
„ dignitatis, in denominato agro audeat  
„ aliquam vim inferre. Erat tunc Ma-

# OPUSCULUM IV. 187

jordomus Regis suprà nominatus Au- „  
bedo, quem in scripto ejusdem præce- „  
pti Audebellum vocat. „

*Clotharii III. anno octavo, Christi 667.*

*IX. Kalendas Novembris Benignianis  
Lareyum vindicat Wlfechramnus Ab-  
bas: cujus antecessor hîc appellatur Ri-  
chimar, equalis Bertoaldi Lingonen-  
sis Episcopi, subscripti in Concilio Ca-  
bilonensi circa annum Christi 650.*

*Ex antiquo apographo.*

**C**LOTARIUS Rex Francorum, „  
vir illuster. Quotienscumque al- „  
tercantum jurgia Palatii nostri, nostra, „  
nostrorumque fidelium aut Ecclesiarum „  
seu Sacerdotum, pro quarumcum- „  
que rerum negotiis noscuntur adve- „  
nire, oportet nobis in Dei nomi- „  
ne juxta legum severitatem inquirere, „  
ut deinceps nulla videatur quæstio re- „  
moveri. Ideoque cùm nos in Dei nomi- „  
ne, Masolago in Palatio nostro, unà „

188 *Excerpta de vita S. Bernardi.*

„ cum Apostolicis viris Patribus nostris  
 „ Episcopis , Optimatibus , cæterisque  
 „ Palatii nostri ministris; necnon & Au-  
 „ dobello Palatii nostri Comite, qui de  
 „ ipso ministerio ad præsens nobis defer-  
 „ vire videbatur, ad universorum causas  
 „ audiendas , justoque judicio terminan-  
 „ das resideremus; advenientes ibi acto-  
 „ res Basilicæ domni Benigni, quæ est  
 „ sub oppidum Divione constructa, ( ubi  
 „ ipse pretiosus Martyr in corpore re-  
 „ quiescit , & vir venerabilis Wlfe-  
 „ chramnus Abba præesse videtur ) vi-  
 „ debantur repetere à quibusdam ho-  
 „ minibus, dicentes quia anteacto tem-  
 „ pore bonæ recordationis parens noster  
 „ domnus Guntrannus quondam Rex,  
 „ per testamenti sui paginam ad ipsam  
 „ Basilicam Sancti Benigni, villam nun-  
 „ cupatam Elariacum , cum adjacentiis,  
 „ vel omni re ad se pertinente concef-  
 „ sisset; & ipsi homines infra ipsos ter-  
 „ minos commanentes, ex parte maximâ  
 „ plurima pervasissent, vel ad suam par-



tem contradicerent, & redditus terræ  
partibus ipsius Basilicæ reddere con-  
tempnerent, & silvas de ipso agro de-  
vastassent; & terram exinde aut prata  
per loca plurima invasissent, vel vineas  
plantassent, aut calmas rupissent.

Econtrà illi dicebant, quòd ipse  
Princeps domnus Gundrannus per præ-  
ceptionem quam in præsentì protule-  
runt relegendam, in antecessores pa-  
rentes eorum firmasset; ubi contine-  
batur quòd ab eo tempore quo ipsum  
agrum Elariacum jam dictus Princeps  
ad memoratam Basilicam Sancti Beni-  
gni contulerat, per munificentiam ip-  
sius Principis promeruerant, ut quid-  
quid ex successione parentum habe-  
bant, hoc in idipsis confirmatum esse  
deberet. Interrogatum est à nostris Pro-  
ceribus, si cessionem ipsius domni Gun-  
dranni, aut aliorum Principum, seu  
alia instrumenta de ipso agro habebant,  
an non, in præsentì edicere deberent.  
Sed ipsi professi sunt ad præsens, quòd

190 *Excerpta de vita S. Bernardi.*

„ aliud instrumentum nullum vel firma-  
 „ tionem magis exinde non haberent,  
 „ quàm quod præsentabant. Unde & ip-  
 „ sas confirmationes relectas & percur-  
 „ sas, inventum est à fidelibus nostris  
 „ quòd nullum detrimentum vel præju-  
 „ dicium ipsa Basilica domni Benigni de  
 „ ipso agro Elariacense exinde pate-  
 „ retur. Etiam & pactionem præsentà-  
 „ bant, qualiter antecessor supradicti  
 „ Wlfechramni Richimarus quondam  
 „ Abba, seu & Apostolicus vir domnus  
 „ Bertoaldus Episcopus, unà cum ipsis  
 „ vel parentes eorum, de parte maximâ  
 „ de infra termino ipso Elariacense con-  
 „ tentionem maximam habuissent, &  
 „ ipsas terminationes perambulassent, &  
 „ signa posuissent. Proinde nos taliter  
 „ unà cum nostris Proceribus, in quan-  
 „ tum illuster vir Audobaldus Comes  
 „ Palatii nostri testimoniavit, constitit  
 „ decrevisse, ut dum hæc causa inter  
 „ ipsos ( sicut superius continetur ) ta-  
 „ liter acta vel inquisita fuisset per or-

# OPUSCULUM IV. 191

dinem, jubemus ipso agro Elariacen-  
se, quantumcumque dominus Gun-  
drannus per testamenti sui paginam  
ibidem delegavit, postpositâ & calca-  
tâ ipsâ confirmatione, vel reliquas à  
successoribus Principibus factas descri-  
ptiones : ne deinceps per ipsas aliqua  
removeri videatur causatio; sed quod  
hactenus tenuisse videbuntur infra ipso  
pago Elariacense, vel ubicumque, tam  
terris, curtiferis, casis, vineis, pratis,  
silvis, pascuis, aquis, adjacentibúsq  
suis per alia loca, cum omni jure te-  
neant, possideant absque sollicitudine,  
absque alicujus repetitione : sitque in  
Dei nomine ad partem Sancti Benigni  
& provisorum loci, subjectorúmque eo-  
rum evindicatum omni tempore : & sit  
in posterum de hac re sopita causatio.

Abbelenus recognovit & datavit  
sub die nono Kalendarum Novem-  
bris, in anno octavo regnante domino  
nostro CHLOTARIO feliciter. Amen.  
Airardus Presbyter recognovi & sub-  
scripsi.

192 *Excerpta de vita S. Bernardi.*

*Gregorius Papa VII. Jarentoni Abbati, ejusque Monasterio, jus eligendi Abbatem, exemptionem ab interdicto Episcopi Lingonensis, jus recipiendi Monachos, & ministros pro Ecclesiis sibi subjectis Episcopo presentandi: libertatem claustrum: possessionem Ecclesie S. Germani de Laré, & in ejus Sanctimonialibus jurisdictionem: omnia denique bona & jura sua, Apostolicam auctoritate confirmat, anno Christi 1078. Pontificatus v.*

*Ex autographo.*

» **G**REGORIUS Episcopus servus  
 » servorum Dei venerabili filio  
 » GERENTONI Abbati Divionensis  
 » Monasterii, ejusque successoribus regulariter promovendis in perpetuum. Super  
 » pernae miserationis respectu ad hoc  
 » universalis Ecclesie curam suscepimus  
 » & Apostolici moderaminis sollicitudinem gerimus, ut justis precantium votis  
 » attentam

attentâ benignitate faveamus. Proinde, “  
 dilecte in Domino fili JARENTO Ab- “  
 ba, petitionibus tuis grato occurren- “  
 tes assensu, libertati ac quieti Mona- “  
 sterii vestri auctore Domino duximus “  
 providendum. Siquidem ipsum Cœno- “  
 bium sub Sedis Apostolicæ protectione “  
 suscepimus: & obeunte te nunc ejus- “  
 dem loci Abbate, vel tuorum quoli- “  
 bet successorum, nullus ibi qualibet “  
 subreptionis astutiâ seu violentiâ præ- “  
 ponatur, nisi quem Fratres communi “  
 consensu secundum timorem Dei, & “  
 Regulam Sancti Benedicti elegerint: “  
 maximè de eadem Congregatione, si “  
 idoneus inventus fuerit. Quòd si talis “  
 qui huic regimini congruat, inter eos “  
 inveniri non possit, aliunde sibi Patrem “  
 & Magistrum expetant, & à Lingo- “  
 nensi Episcopo consecrandum ordi- “  
 nandumque provideant: si tamen ipse “  
 Episcopus gratiam Apostolicæ Sedis “  
 habuerit, & canonicè facere ipsam or- “  
 dinationem voluerit. Quòd si aliquid “

N

194 *Excerpta de vita S. Bernardi.*

„ horum obstiterit , liceat Electo ejus-  
 „ dem Monasterii, aut ad Apostolicam Se-  
 „ dem recurrere, aut à quocumque volue-  
 „ rit religioso Episcopo consecrationem,  
 „ & Clericorum ordinationes, atque cæ-  
 „ tera quæ ad Episcopum pertinent, sus-  
 „ cipere. Statuimus etiam ne ab Epi-  
 „ scopo vel ministris Lingonensis Eccle-  
 „ siæ, divina vestro Monasterio interdi-  
 „ cantur officia : sed continuè celebren-  
 „ tur , nisi eisdem causis Fratres cessare  
 „ oporteat , quæ Sedis Apostolicæ Præ-  
 „ sulis *Benedicti* determinatione distinctæ  
 „ sunt Illam quoque in Monachis tuis  
 „ quietem ac libertatem , quam idem  
 „ Præsul decreto suo firmavit, nos Bea-  
 „ ti Petri & nostrâ auctoritate intemera-  
 „ tam perpetuò manere sancimus. Qui-  
 „ cumque verò Clericorum vel laïco-  
 „ rum sese in Monasterio vestro voluerit  
 „ conferre , vobis liceat eos sine aliquâ  
 „ contradictione recipere , dummodò  
 „ propriâ culpâ excommunicati non fue-  
 „ rint, vel nominatim interdicti. Confir-

# OPUSCULUM IV. 195

mamus etiam vobis Ecclesias vestras  
 quas cumque nunc possidetis, seu quas,  
 largiente Deo, in posterum canonicè  
 possidebitis, statuentes ut nullus Cle-  
 ricorum sine assensu vestro in eis au-  
 deat ministrare: sed quotiescumque in  
 aliquâ earum minister fuerit subrogan-  
 dus, vos idoneum ad hoc eligentes  
 Episcopo præsentate: qui Episcopus  
 curam ei animarum injungat, & sic vo-  
 bis de temporalibus, Episcopo verò  
 de spiritualibus debeat respondere. Si  
 quis autem contra hanc formam in eis-  
 dem Ecclesiis ministrare præsumpserit,  
 nos eum ab officii sui executione sus-  
 pendimus. Claustro etiam in quo Mo-  
 nasterium vestrum situm est, eam li-  
 bertatem & immunitatem concedimus,  
 quam illustris Rex ROBERTUS no-  
 scitur contulisse, ut ab omni invasione  
 & violentiâ Ducis & hominum suo-  
 rum sit in perpetuum liberum ac secu-  
 rum, ita ut nichil prorsus à Torrente  
 qui Castri, Sanctique causam dividit,

N ij

196 *Excerpta de vita S. Bernardi.*

„ aliquis vel auferre præsumat vel acci-  
 „ peré. Ecclesiam quoque Beati Germa-  
 „ ni *de Laré*, ubi Sanctimoniales confi-  
 „ stunt, vobis perpetuò confirmamus pos-  
 „ sidendam: & ut ipsæ Sanctimoniales  
 „ nunquam à subjectione Ecclesiæ Divio-  
 „ nensis se removeant, sub anathemate  
 „ prohibemus; sed semper per vestram  
 „ providentiam gubernentur. Decerni-  
 „ mus itaque ut nulli omninò hominum  
 „ liceat idem Monasterium temerè per-  
 „ turbare, aut ejus possessiones auferre,  
 „ vel ablatas retinere, minuere, vel te-  
 „ merariis vexationibus fatigare. Sed om-  
 „ ninò integra conserventur, eorum pro-  
 „ quorum sustentatione ac gubernatione  
 „ concessa sunt, usibus omnimodis pro-  
 „ futura. Si qua sanè ecclesiastica, sæ-  
 „ cularisve persona hanc nostræ consti-  
 „ tutionis paginam agnoscens, contra eam  
 „ temerè venire temptaverit, & ammo-  
 „ nita semel & secundò si non congruâ  
 „ satisfactione emendaverit, potestatis  
 „ honorisque sui dignitate careat, ream-



# OPUSCULUM IV. 197

que se divino iudicio existere de per-  
petratâ iniquitate cognoscat : & à sa-  
cratissimo Corpore & Sanguine Dei  
& Domini Redemptoris nostri JESU  
CHRISTIALIENA fiat, atque in extremo  
examine districtæ ultioni subjaceat.  
Cunctis autem eidem loco justa servan-  
tibus, sit pax Domini nostri JESU CHRI-  
STI, quatinus & hîc fructum bonæ  
actionis percipiant, & apud districtum  
judicem præmia æternæ pacis inve-  
niant. Amen, Amen, Amen.

Ego GREGORIUS sanctæ Ca-  
tholicæ Ecclesiæ Episcopus. Data La-  
terani per manum *Johannis* S. R. Ec-  
clesiæ Diaconi Cardinalis XIII. Kal. Ju-  
lii. Anno ab Incarnatione Domini  
M. LXXVIII. Indictione I. Pontificatus  
autem Domni *Gregorii* P. P. VII.  
quinto.

Bulla plumbea cum inscriptione

† GREGORII PAPÆ VII.

N iij

V. Ludovico Seniori Regi prædicit  
mortem Philippi filii ejus  
primogeniti.

**Q**UERELAM Episcoporum adver-  
sus Regem Francorum Ludovicum  
Seniorem, patrem ejus qui nunc est, Lu-  
dovici, manifestè explicant epistola beati  
viri ad Apostolicam Sedem pro hoc ipso  
directæ. Factum est autem, ut die qua-  
dam congregarentur ad Regem Episcopi,  
& vocatus ab eis Abbas Clarevallensis,  
qui licet adhuc juvenis, summa tamen  
totius Ecclesiæ columna jam tunc videba-  
tur. Proidentes autem Episcopi ad pedes  
Regis, humiliter supplicabant ei, ut qui sa-  
tis antè dilexisset & honorasset Ecclesiæ,  
parceret etiam in hac parte, ne forte du-  
rius quàm vellent, contra eum agere coge-  
rentur. At ille non satis eorum precibus  
acquievit. In crastinum autem durius  
arguebat eum venerabilis Abbas, mani-  
festè dominans quia offendisti terribilè,  
& ei qui aufert spiritum Principum, ter-

*ribilem apud Reges terre : & certus esto quoniam offensa hæc , primogeniti tui Philippi morte multabitur. Vidi enim nocte præteritâ , & ecce tu cum filio tuo Ludovico procidebas ad pedes Episcoporum : intellexi autem continuò moriente Philippo supplicaturum te eis , quòd non possis nisi per manus eorum substituere Ludovicum. Erat enim Philippus jam unctus in Regem , magnæ omnino spei adolescens , & patri ( quod ex abundanti est dicere ) omnino carissimus. Unde & audito sermone commota sunt viscera patris super filio suo. Et promisit satisfacturum se Episcopis : sed consiliis seductus iniquis à promissione resiliens , non post multum temporis , miserabilem satis obitum filii sui Philippi , ipse & tota cum eo Francia deplo-  
ravit.*

200 *Excerpta de vita S. Bernardi.*

VI. S. Bernardi epistolam ad Robertum nepotem, in pluviâ sine pluviâ scriptam, Gaufridus ejus Notarius primam inter ejus epistolas constituit.

**N**EPOS ejus Robertus quemadmodum seductus fuerit, cum adhuc puer esset, ipsius, de quâ loqui volumus, epistolæ verba declarant. Cum enim in alio Ordine jam per aliquot annos demoraretur, scripsit ad eum epistolam, erroneam ovem revocans. Exiit autem extra Monasterii septa, ut dictaret secretius: & Guillelmus (qui postea in Angliis Rievallensem adificavit Abbatiam) quæ dictabantur excipiens scribebat in chartâ. Subito autem inundante pluviâ timuit qui scribebat; erant enim sub divo. Cui venerabilis Abbas, Opus (inquit.) Dei est: fac quod facis. Res mira! Madebant vestes eorum, & scribebatur grandis epistola, & chartam omnino non tetigit imber. Extat adhuc epistola: & ego ipse primam eam constitui in corpore epistola-

# OPUSCULUM IV. 201

*rum, cū audissem tam grande miraculum, ab ipsius ore qui scripsit eam in pluvia sine pluvia.*

VII. Ducissæ Lotharingæ ad vitam meliorem conversio duplex.

**D**UCISSA Lotharingæ (quæ nunc in Monasterio Sanctimonialium feminarum quod Tartum vocatur, servit Deo in humilitate & paupertate multâ) cū adhuc corporis voluptatibus supra modum dedita esset, contigit venerabilem virum pro pace quadam rogare Ducem pariter, atque ipsam. Dūque loquens extenderet manum, casu factum est, ut Ducissæ chlamydem tangeret. Cui unus de adstantibus arridens, Super religiosam (inquit) mulierem extendisti manum, Pater. At ille, Nondum venit hora ejus. Audiens Ducissâ (siquidem literas noverat) compuncta est vehementer, & usque ad medullas animæ ejus sermo vivus & efficax penetravit. Eodem quoque tempore somnium vidit, quo ampliùs

202 *Excerpta de vita S. Bernardi.*

*animata est; Virum Dei ab ejus utero septem serpentes horribiles manu propriâ extrahentem. Cui non longè post commit-tens animam suam, seculo abrenuncia-vit: & usque hodie gloriatur se esse, de quâ Pater sanctus ejecit septem dæmonia.*

Duas attingit Gaufridus Ducissæ hujus conversiones: primam à regali pompâ, & ab aulæ deliciis, quibus innutrita erat, ( quippe Lotharii Imperatoris soror, & Simonis eo nomine primi, Lotharingæ Ducis Serenissimi conjux dilectissima ) ad eam modestiam quam ferebat liberior ejus conditio, marito adhuc superstite: alteram à sæculari licentiâ ad Tartensium instituti Cisterciensis Monialium severissimam disciplinam. Priorem conversionem refert Manrique ad annum Christi 1133. Posterior evenit anno, ut videtur, 1142. quo Matthæus ejus filius, Lotharingæ Dux, matris viduæ secessum in Tartense Monasterium certis in

# OPUSCULUM IV. 203

novam familiam beneficiis, ejus intuitu profecutus est. Simonem enim Ducem in reditu à Terrâ Sanctâ, Venetiis anno 1141. finem vivendi fecisse referunt Vasseburgius & Roserius rerum Lotharingicarum Scriptores: qui tamen audiendi non sunt, cùm hanc Ducissam Gertrudem nuncupant, quæ *Adelais* scribitur in tabulis Târtensibus: & ejus filiam Juditham appellant, Raynaldo Sequanicæ Burgundiæ Principi matrimonio junctam, quæ *Agatha* dicenda est, juxta autographas membranas, quas omni fide expressimus in Probationibus Epistolæ nostræ de Beatrice Cabilonensi Comitissâ, Divionensibus typis editæ jam ex anno Christi 1656.

His ipsas tabulas quibus Vasseburgius & Roserius redarguuntur, ut Lotharingicæ Historiæ studiosis ad manum sint, hîc quoque tibi repræsentamus.

204 *Excerpta de vita S. Bernardi.*

*Mattheus Dux Lotharingæ , intuita  
Atheleidis matris sue in Tarto Monialis  
effectæ , certam salis mensuram apud  
Vicum annis singulis percipiendam ,  
Tartensi Monasterio attribuit : Berthâ  
ejus conjugæ , fratre ejus Balduino , &  
Agathâ sorore laudantibus , anno Chri-  
sti 1142.*

*Ex autographo Tartensi.*

„ **I**N nomine sanctæ & individuæ Tri-  
„ nitatis, Patris, & Filii, & Spiritus  
„ sancti. Lex spiritualis & carnalis exigit,  
„ ut pro amicis honesta faciamus, præci-  
„ puè pro eis quos nexu consanguinita-  
„ tis & vinculo caritatis, artius post  
„ Deum diligere præcipimur & debe-  
„ mus. Apostoli sententia hæc est: Qui  
„ suorum, & maximè domesticorum cu-  
„ ram non habet, fidem negavit, & est  
„ infideli deterior. Ego igitur MAT-  
„ THÆUS, divinæ permissionis dono  
„ Lotharingorum Dux & Marchio, No-



# OPUSCULUM IV. 205

tum facio omnibus tam posteris quàm  
 præsentibus, quoniam inspirante gra-  
 tiâ Spiritus sancti, erga obsequium ve-  
 nerabilis *Ducissæ* ATHELEIDIS ma-  
 tris meæ, præcordialem affectum inti-  
 mæ dilectionis assumpsi; quæ muta-  
 tione dexteræ Excelsi, pauper rebus &  
 spiritu, sanctæ conversationis proposi-  
 tum & habitum susceperat in Ecclesiâ &  
 Congregatione Tartenſi. Invitante ita-  
 que gratiâ & compassione gratissimâ  
 dulcissimæ matris meæ; pro remedio  
 animæ meæ, prædecessorûmque & suc-  
 cessorum meorum salute; laude & con-  
 cessione uxoris meæ BERTHÆ; con-  
 sensu etiam, immò petitione *fratris*  
 mei BALDUINI, & AGATHÆ so-  
 roris meæ, v. sesses apud Vicum, ELI-  
 ZABETH Abbatisſæ, & Sororibus Tar-  
 tensis Ecclesiæ, in perpetuum regula-  
 riter promovendis, per manum vene-  
 rabilis Stephani Metensis Episcopi li-  
 berrimâ donatione concessi. Eo vide-  
 licet tenore, ut illas absque ullo respe-

206 *Excerpta de vita S. Bernardi.*

„ Etu, liberè & absolutè perpetuò possi-  
 „ deant : & pro hac eleemosynâ, tam  
 „ pro me, quàm pro animabus patris  
 „ mei & parentum meorum apud cle-  
 „ mentiam Dei devotiùs intercedant.  
 „ Hanc denique donationem, ad signum  
 „ & munitionem perpetui monimenti,  
 „ pontificali testamento, sigillo, & ana-  
 „ themate decrevimus canonicè & legi-  
 „ timè roborari; ut nullâ deinceps vio-  
 „ lentiâ, nullâ successorum nostrorum  
 „ calumpniâ valeat inmutari. Utriusque  
 „ etiam conditionis & ordinis, tam cle-  
 „ ricorum quàm laïcorum, idoneos ad-  
 „ hibuimus testes, sub assignatione si-  
 „ gilli nostri, tempore necessitatis reco-  
 „ gnoscendæ veritatis promptissimos de-  
 „ fensores. Testes autem hujus rei sunt,  
 „ Walterus Magister & Archidiaconus,  
 „ Embertus Sacerdos *de Vico*, Gisleber-  
 „ tus *de Espinal*, Jordanus Medicus, Al-  
 „ bertus *de Romunt*, Gualterus *de Gisle-*  
 „ *berviler*, Raimbardus frater ejus, Odo-  
 „ winus *de Maylan*, Guelpho *de Melisei*,

# OPUSCULUM IV. 207

Raynerus *de Nancei*, Arnulfus *de Gisle-* "  
*rencurt*, Urricus *de Arcu*, Drogo *de* "  
*Nancei*. De familiâ Sancti Stephani, "  
Gerardus *de Jussey*, Guidricus frater "  
ejus, Richardus *de Rinporth*, Alber- "  
tus *de Ventosâ*, Albertus *de Siey*, Gual- "  
terus *de ultra Mosellam*, Teobaldus "  
Pincerna, Bertrannus *de Castello*, Hay- "  
mericus *de Visinul*, Nicolaus *de Portu-* "  
*salie*, Johannes *Botes de Vico*. De fa- "  
miliâ Ducis, Symon *de Parreia*, Ge- "  
rardus Advocatus *de Brueris*, Guar- "  
nerus frater ejus, Guillelmus *de Ar-* "  
*chis*, Folmarus *de Muçuns*, Petrus *de* "  
*Aleiâ*, Bertaldus *de Bithis*, Gualterus "  
Præpositus *de Nancei*. Imperante feli- "  
citer *Conrado Rege*, *Innocentio* papan- "  
te, indictione V. Epactâ xxii. "

208 *Excerpta de vita S. Bernardi.*

*Fredericus Tullensium Comes, & uxor  
ejus Hawidis, ratum habent anno  
Christi 1142. donum salis apud Vicum  
percipiendi, quod Monasterio Tarten-  
si Mattheus Lotharingie Dux paulò  
antè concesserat.*

*Ex autographo Tartenfi.*

„ **I**N nomine sanctæ & individuæ Tri-  
„ nitatis. Ego FREDERICUS Dei  
„ annuente clementiâ Tullensium Co-  
„ mes indignus, & uxor mea HAWI-  
„ DIS, providentes salutis animarum no-  
„strarum, & expectantes remuneratio-  
„nem à Deo, Ecclesiæ Sanctæ Mariæ  
„ Tartenfi, & venerabili Abbatissæ ELI-  
„ ZABETH, & Sororibus ibi Deo fa-  
„mulantibus, liberâ traditione donavi-  
„mus v. fesses apud Vicum, per ma-  
„num Comitis R. Barrensis, & Odo-  
„nis *de Mollem*; priùs donatos eis à  
„ MATTHÆO Duce, & BALDUINO  
„ fratre ejus, & assensu sororis eorum  
AGATHÆ.

# OPUSCULUM IV. 209

AGATHÆ. Quia verò solent ple-  
rumque mundanarum possessionum  
traditiones, successorum calumpniâ  
transmutari; ut caveri possit, utile  
duximus, ad posterorum notitiam te-  
naciter commendari. Quapropter præ-  
dictam donationem, quia eam in por-  
tione nostræ hereditatis suscepimus,  
susceptam liberè donavimus, sigillo  
nostro confirmavimus; adhibentes te-  
stes idoneos, quorum auctoritate res  
firmata & stabilita perpetuò maneat.  
Nomina autem eorum hæc sunt. Ste-  
phanus majoris Ecclesiæ Decanus &  
Archidiaconus, Hugo *de Gundricur*,  
Archidiaconus, Albero, Bovo, RAI-  
NALDUS Comes Barrensis, *Henricus*  
frater Comitis Frederici, Odo *de Mo-*  
*lem*, Falco *de Mandalis*, Hynfridus,  
Ulricus *de Domno Martino*. De civi-  
tate, Henricus Advocatus, Henricus  
*de Cacenva*, Fulco *de Sancto Vellasto*.  
De familiâ Comitis, Walo *de Fonti-*  
*naco*, & Wiardus frater ejus. Hoc

O

210 *Excerpta de vita S. Bernardi.*

„ actum est anno ab Incarnatione Do-  
„ mini M. C. XLII. Indictione v. Epa-  
„ ctâ XXII.

*Hugo Dux Burgundiæ testatur anno Chri-  
sti 1142. quosdam homines datos esse  
Monasterio de Tart, præsentem cum aliis  
Aylyde inclytâ Lothoringorum Ducissâ.*

*Ex autographo Tartensi.*

„ **Q**UONIAM quæ memoriter tene-  
„ ri volunt, nisi scripto commen-  
„ dentur, facile oblivionis nubilo solent  
„ obfascari, eapropter ego HUGO Dux  
„ Burgundiæ Notum fieri volo tam præ-  
„ sentibus quàm futuris, quòd Stepha-  
„ nus dominus Faverniaci, & Wiardus  
„ atque Savericus fratres ejus, dederunt  
„ in perpetuum pro remedio animæ suæ  
„ atque suorum, Deo & Ecclesiæ Sanctæ  
„ Mariæ de Tardo, atque Sanctimoniali-  
„ bus ibidem Deo servantibus, Landri-  
„ cum de Faverniaco & filios ejus cum  
„ manso & appendiciis ejus, omni que te-

# OPUSCULUM IV. 211

nemento eorum. Affuerunt hujus rei  
 testes, *Joffridus Boschoz*, *Theodericus*  
 frater ejus, *Albericus Presbyter*, *Ste-*  
*phanus de Magneiaco*, *Aymo*, *Bailla*,  
*Vaslinus*, & multi alii: laude *Fulconis*  
*de Mallé*. Idem quoque *Stephanus* &  
*Wiardus* atque *Savericus*, dederunt in  
 perpetuum ipsis Sanctimonialibus *Gui-*  
*donem Grossumdenarium de Pluveio*,  
 cum omnibus heredibus ejus, & cum  
 manso, & omni tenemento ejus: assi-  
 stentibus testibus, *Humberto de Wu-*  
*cbeio*, *Guidone Eschot*, *Guidone de Ver-*  
*neto*, *Brutino de Pluviaco*, & pluribus  
 aliis. Dederunt etiam eidem fratres,  
 prædictæ Ecclesiæ *de Tardo* & sanctis  
 Monialibus, apud *Marcenniacum Mau-*  
*ricium Regem*, *Qdonem* & *Henricum*,  
 fratres ejus, cum mansis & appendi-  
 ciis, vineis & aliis terris, omni que te-  
 nemento eorum. Hæc autem omnia  
 dona supradicti fratres fecisse recogno-  
 verunt in præsentia meâ, pro remedio  
 animæ suæ, omniumque prædecesso-

212 *Excerpta de vita S. Bernardi.*

„ rum suorum, atque sigilli mei testimo-  
 „ nio confirmari postulaverunt : assisten-  
 „ tibus testibus, *HELISABETH* Abba-  
 „ tissâ, *MARIA* Priorissâ, *AYLIDE*  
 „ inclytâ Lothoringorum Ducissâ, *Ro-*  
 „ *dulfo* Capellano, *Stephano Capellano de*  
 „ *Genlé*, *†schot de Pluviaco*, *Aymone Ru-*  
 „ *fo* de Divione, *Willermo de Marrigneio*.  
 „ Actum est hoc, anno ab Incarnatione  
 „ Domini *M. C. XLII*. Indictione *v*. Epä-  
 „ ctâ *XXII*.

*Locus sigilli, de taniâ  
 pergamena suspens.*

*Agatha Lotharingia Ducis filia, Raynal-*  
*di Burgundie Comitis conjux, 1148.*  
*Indictione x. Epactâ XVII. Concur-*  
*rente 2.*

*Ex autographo Ecclesie Bisontina.*

„ **I**N nomine Sanctæ & individue  
 „ Trinitatis, *RAYNALDUS Burgun-*  
 „ *die Comes*. Mos & consuetudo Prin-



cipum, videlicet antecessorum nostro-  
rum, talis semper extitit, ut loca San-  
ctorum ob æternæ remunerationem,  
beatitudinis sublimarent, & donis mul-  
tiplicibus honorarent. Horum ergo  
morem sequentes, libuit nobis Bisun-  
tinam beati Protomartyris Stephani Ec-  
clesiam, ob amorem cælestis patriæ, &  
ejusdem Ecclesiæ venerabilis Decani  
Petri, nobis valdè dilecti, benè meritum  
famulatum, ex rebus nostræ propieta-  
tis æternaliter honorare, atque mune-  
rari. Comperiat igitur universitas fide-  
lium, quoniam ut nobis, & antecesso-  
ribus nostris ibidem quiescentibus, po-  
tissimum lucri præmium, à remunera-  
tore bonorum omnium Deo, in die  
tremendi examinis proferatur; quic-  
quid terrarum, vel possessionum, quæ  
à nobis tenentur, eadem beati Proto-  
martyris Ecclesia à feodariis nostris ha-  
ctenus adquisivit, vel in futurum qui-  
buslibet modis adquirere poterit; lau-  
de, & consensu fratris nostri GUIL-

214 *Excerpta de vita S. Bernardi.*

„ LERMI Comitis, & dulcissimæ collate-  
 „ ralis nostræ AGATHÆ, *Lotharingiæ*  
 „ *Ducis filia*, ei liberè concessimus. Præ-  
 „ terea verò huic paginæ operæ pretium  
 „ duximus inferere, quòd memoratus  
 „ Decanus magnâ precum instantiâ nos  
 „ rogaverit, ut usualementem illam hospitii  
 „ susceptionem, quam in villâ Sancti  
 „ Stephani, quæ dicitur *Tercennays*, ha-  
 „ bemus; & exactionem, quam à piscato-  
 „ ribus ejusdem Protomartyris, in villâ,  
 „ quæ *Parlisia* nuncupatur, litis, nos, &  
 „ ministri nostri facere solebamus, præ-  
 „ fata Ecclesiæ concedentes, in pace di-  
 „ mitteremus. Cujus petitionem non tan-  
 „ tùm honestam, quantùm nobis utilem  
 „ considerantes, nefas esse putavimus, si  
 „ ei pro voto suo non satisfecerimus.  
 „ Concessimus itaque per hanc nostræ  
 „ donationis paginam, præfatæ sancti  
 „ Protomartyris, patroni nostri, Eccle-  
 „ siæ, quam in jam dictâ villâ de *Tercen-*  
 „ *nay*, habere videbamus consuetudi-  
 „ nem: quæ à piscatoribus de *Parlisiâ*

# OPUSCULUM IV. 215

justè vel injustè , census , & piscium “  
exigi consueverat , exactionem. Roga “  
musque successores nostros , ut quod “  
pro remedio nostro fecimus , servant “  
illibatum ; quemadmodum quod pro “  
animabus suis fecerint liberandis , ma- “  
nere voluerint firmum. Ut autem hoc “  
nostræ donationis scriptum , firmitus in “  
posterum robur obtineat , sigilli nostri “  
impressionem illud insigniri iussimus , & “  
testes , qui adfuerunt , subscribi. *Gerar-* “  
*du* scilicet , & *Egidius* , Jerosolimita- “  
ni Templi Milites : *Wido* Abbas de “  
*Durnac* : & *Raynaldus* Comestabilis , & “  
multi alii. Actum anno dominicæ In- “  
carnationis M. C. XLVIII. Indictione x. “  
Epactâ XVII. Concurrente II. felici- “  
ter. Amen. “

*Sigillum chartæ perga-*  
*mentæ affixum , quod*  
*propter paginæ angustias*  
*in sequens folium re-*  
*jecimus.*

O iiij



Refert Chrysostomus Henriquez in Fasciculo Sanctorum Ordinis Cisterciensis, lib. 1. dist. 4. cap. 44. Ducissæ hujus quamdam Epistolam, datam ad S. Bernardum, quam ille accepit in ex-

tremis constitutus, biduo antè quàm animam efflaret. Cui nihil respondens, dixit nuncio, se illi responsurum in spiritu. Unde in ultimâ agoniâ illi apparuit, prædixitque brevi illam se secuturam. Illa verò post tres hebdomadas Magistrum suum secuta est. Hic exitus sancti Magistri, & sanctæ discipulæ. Fiant novissima nostra horum similia. Ducissæ Epistolam illam describit Henriquez ex Historiâ Lotharingæ Monstreleti, & ex Chronicis Bernardi Brittonis tom. 1. lib. 3. cap. 28.

VIII. Reginæ Alienordi S. Bernardus promittit obtinetque à Deo prolem.

**E**T præcipuus hujus incentor odii ( inter Regem Ludovicum Juniorem, & Campaniæ Comitem Theobaldum ) Comes Viromandensium fuit, Radulfus de Peroniâ, sororem Regina tenens, dimissâ quadam affini Comitis Theobaldi. Factum est in festivitate beati Dionysii, Regina Alienordis in Ecclesiâ ip-

## 220 *Excerpta de vita S. Bernardi.*

*pescere feci. Multi verò in illà capturâ dominicis retibus irretiti sunt pisces, multi & in itinere adjuncti nobis; ità ut transactò probationis anno, ex hoc Collegio Monachi facti simus viginti & unus. Eodem sanè tirocinii nostri tempore, absente aliquando Patre nostro, cæpi corpore infirmari, & affligi mente. Scio quia Satanas expetivit me, ut cribraret sicut triticum: sed non latuere Patrem quæ circa me agebantur: & perfectè omnia cognoscens per spiritum, quæ versabantur in corde meo, (sicut post reditum ejus camperi) oravit pro me ne deficeret fides mea. Ibi, ibi, supra quàm essem, impressisti me mirabiliter carui ejus, Domine Deus meus. Gralias tibi, Domine, gratias tibi. Unde enim tali animæ in tali pectore talis locus? Simile quiddam sibi Venerabilis Albericus, qui hodie Abbas est in loco, cui nomen est Benedictio Dei, de se, cum novitius esset, accidisse testatur.*

# OPUSCULUM IV. 221

X. Mors Guidonis, fratris ejus primogeniti, in Pontiniaco, nocte festi  
Omniū Sanctorum.

**S**ENIOR frater ejus Guido, dum  
cum eo à Bituricensi territorio redit  
( novam quippe illuc deduxerat Abbatiam ) febre acuta correptus, diebus paucis Pontiniaci infirmatus est: & ipsa nocte quā Sanctorum Omnium festivitas agebatur, felici eorum consortio meruit aggregari.

Manrique in Annalibus Cisterciensibus, ad annum 1136. Guidonem S. Bernardi fratrem primogenitum obisse dicit Pontiniaci: & eodem anno meminit deductæ Abbatiae Nigrilacus in territorio Bituricensi; de die obitus tacet. Herbertus Turfitanus Archiepiscopus à nobis editus, in S. Bernardi genere illustri, libro 2. de Miraculis, cap. xi. Cum, inquit, S. Bernardus audisset aliquando, quemdam de filiis

## 218 *Excerpta de vita S. Bernardi:*

*sius Martyris cum Patre nostro loquebatur, conquerens quòd conclusisset Dominus vulvam ejus, ne pareret : jam enim annis ferè novem vixerat cum Rege, & à primis quidem annis conceperat, sed fecerat abortivum, & exinde sterilis permanebat, jam de fecunditate desperans. Cui miserabiliter conquerenti Pater Venerabilis ait : Sollicitè quare quæ ad pacem sunt, & ego tibi, confisus de divinâ miseratione, partum promitto. Hoc & ipse Rex per Regina verbum cognoscens, ubi perfectâ est reconciliatio, secretiùs alloquens beatum virum, quod Regina promiserat, exigebat, &c. Ipso denique anno Regina concepit, & peperit.*

### IX. *Conversio Gaufridi ipsius, & aliorum de Scholâ Parisiensi.*

**C**ONTIGIT aliquando Virum Dei pro quibusdam negotiis ad partes Gallie proficisci: cùmque in itinere & in reditu Scholaribus Parisiensibus (ut solebat) fecisset de conversione sermonem,



vespere cœpit contristari & mœstus esse, dicens Deo in orationibus suis, quia timéo omnino ne fortè oblitus sis mei, cum præter morem, infructuosum penitus factum sit iter meum, & neque de his propter quæ veneram, aliquid obtinuerim, nec apud Clericos istos in verbo tuo apertum sit mihi ostium ullum. In ipsâ enim horâ ita consolatus est eum Deus, ut manifestè præscierit, & prædixerit, quia nequaquam vacuus hinc abibo. Sit benedicta dies illa à Domino, quâ sedenti in tenebris & in umbrâ mortis lux orta est mihi. Sit benedicta dies quâ Sol justitiæ, immò misericordiæ, oriens visitavit ex alto miseram animam meam: adversum & perversum nimis hominem, in verbo uno, in momento, in ictu oculi, inestimabili mutatione dexterae Excelsi, prorsus in alium hominem recreans, ut sim initium aliquod creature ejus. In æternum non obliviscar miserationis hujus, quâ tam copiosè præventus, tam subito mutatus, multorum super me animos obstu-

## 218 *Excerpta de vita S. Bernardi:*

*sius Martyris cum Patre nostro loquebatur, conquerens quòd conclusisset Dominus vulvam ejus, ne pareret : jam enim annis ferè novem vixerat cum Rege, & à primis quidem annis conceperat, sed fecerat abortivum, & exinde sterilis permanebat, jam de fecunditate desperans. Cui miserabiliter conquerenti Pater Venerabilis ait : Sollicitè quare quæ ad pacem sunt, & ego tibi, confisus de divinâ miseratione, partum promitto. Hoc & ipse Rex per Regina verbum cognoscens, ubi perfectæ est reconciliatio, secretiùs alloquens beatum virum, quod Regina promiserat, exigebat, &c. Ipso denique anno Regina concepit, & peperit.*

### IX. *Conversio Gaufridi ipsius, & aliorum de Scholâ Parisiensi.*

**C**ONTIGIT aliquando Virum Dei pro quibusdam negotiis ad partes Gallie proficisci : cùmque in itinere & in reditu Scholaribus Parisiensibus (ut solebat) fecisset de conversione sermonem,

# OPUSCULUM IV. 219

vespere cœpit contristari & mœstus esse, dicens Deo in orationibus suis, quia timo omnino ne fortè oblitus sis mei, cum præter morem, infructuosum penitus factum sit iter meum, & neque de his propter quæ veneram, aliquid obtinuerim, nec apud Clericos istos in verbo tuo apertum sit mihi ostium ullum. In ipsâ enim horâ ita consolatus est eum Deus, ut manifestè præscierit, & prædixerit, quia nequaquam vacuus hinc abibo. Sit benedicta dies illa à Domino, quâ sedenti in tenebris & in umbrâ mortis lux orta est mihi. Sit benedicta dies quâ Sol justitiæ, immò misericordiæ, oriens visitavit ex alto miseram animam meam: adversum & perversum nimis hominem, in verbo uno, in momento, in ictu oculi, inestimabili mutatione dextera Excelsi, prorsus in alium hominem recreans, ut sim initium aliquod creature ejus. In æternum non obliviscar miserationis hujus, quâ tam copiosè præventus, tam subito mutatus, multorum super me animos obstu-

## 218 *Excerpta de vita S. Bernardi.*

*sius Martyris cum Patre nostro loquebatur, conquerens quòd conclusisset Dominus vulvam ejus, ne pareret : jam enim annis ferè novem vixerat cum Rege, & à primis quidem annis conceperat, sed fecerat abortivum, & exinde sterilis permanebat, jam de fecunditate desperans. Cui miserabiliter conquerenti Pater Venerabilis ait : Sollicitè quare quæ ad pacem sunt, & ego tibi, confisus de divinâ miseratione, partum promitto. Hoc & ipse Rex per Regina verbum cognoscens, ubi perfectâ est reconciliatio, secretiùs alloquens beatum virum, quod Regina promiserat, exigebat, &c. Ipso denique anno Regina concepit, & peperit.*

### I X. *Conversio Gaufridi ipsius, & aliorum de Scholâ Parisiensi.*

**C**ONTIGIT aliquando Virum Dei pro quibusdam negotiis ad partes Gallie proficisci: cùmque in itinere & in reditu Scholaribus Parisiensibus (ut solebat) fecisset de conversione sermonem,

# OPUSCULUM IV. 219

vespere cœpit contristari & mœstus esse, dicens Deo in orationibus suis, quia timéo omnino ne fortè oblitus sis mei, cùm præter morem, infructuosum penitus factum sit iter meum, & neque de his propter quæ veneram, aliquid obtinuerim, nec apud Clericos istos in verbo tuo apertum sit mihi ostium ullum. In ipsâ enim horâ ita consolatus est eum Deus, ut manifestè præscierit, & prædixerit, quia nequaquam vacuus hinc abibo. Sit benedicta dies illa à Domino, quâ sedenti in tenebris & in umbrâ mortis lux orta est mihi. Sit benedicta dies quâ Sol justitiæ, immò misericordiæ, oriens visitavit ex alto miseram animam meam: adversum & perversum nimis hominem, in verbo uno, in momento, in ictu oculi, inestimabili mutatione dexterae Excelsi, prorsus in alium hominem recreans, ut sim initium aliquod creature ejus. In æternum non obliviscar miserationis hujus, quâ tam copiosè præventus, tam subito mutatus, multorum super me animos obstu-

## 220 *Excerpta de vita S. Bernardi.*

*pescere feci. Multi verò in illà capturâ dominicis retibus irretiti sunt pisces, multi & in itinere adjuncti nobis; ità ut transactò probationis anno, ex hoc Collegio Monachi facti simus viginti & unus. Eodem sanè tirocinii nostri tempore, absente aliquando Patre nostro, cæpi corpore infirmari, & affligi mente. Scio quia Satanas expetivit me, ut cribraret sicut triticum: sed non latuere Patrem quia circa me agebantur: & perfectè omnia cognoscens per spiritum, quæ versabantur in corde meo, (sicut post reditum ejus camperi) oravit pro me ne deficeret fides mea. Ibi, ibi, suprà quàm essem, impressisti me mirabiliter corâ ejus, Domine Deus meus. Grâcias tibi, Domine, gratias tibi. Unde enim tali animâ in tali pectore talis locus? Simile quiddam sibi Venerabilis Albericus, qui hodie Abbas est in loco, cui nomen est Benedictio Dei, de se, cùm novitius esset, accidisse testatur.*

## OPUSCULUM IV. 221

X. Mors Guidonis, fratris ejus primogeniti, in Pontiniaco, nocte festi  
Omniium Sanctorum.

**S**ENIOR frater ejus Guido, dum cum eo à Bituricensi territorio redit (novam quippe illuc deduxerat Abbatiam) febre acuta correptus, diebus paucis Pontiniaci infirmatus est: & ipsa nocte quâ Sanctorum Omnium festivitas agebatur, felici eorum consortio meruit aggregari.

Manrique in Annalibus Cisterciensibus, ad annum 1136. Guidonem S. Bernardi fratrem primogenitum obiisse dicit Pontiniaci: & eodem anno meminit deductæ Abbatiae Nigrilacus in territorio Bituricensi; de die obitus tacet. Herbertus Turritanus Archiepiscopus à nobis editus, in S. Bernardi genere illustri, libro 2. de Miraculis, cap. xi. Cum, inquit, S. Bernardus audisset aliquando, quemdam de filiis

## 222 *Excerpta de vita S. Bernardi.*

„ suis spiritualibus, virum bonum & re-  
 „ ligiosum, missum ab eo in Norman-  
 „ niam, desperatâ ibi ægitudine laboran-  
 „ tem, decrevit mittere, & reducere  
 „ eum ad se, ut devotus frater in nidulo  
 „ suo moreretur, & desideratâ sibi sepul-  
 „ turâ non privaretur. Verumtamen qui-  
 „ dam de fratribus ejus carnalibus, no-  
 „ mine GUIDO, nitebatur huic obviare  
 „ consilio; quia cùm esset unus de pro-  
 „ visoribus Clarævallis, intendebat ( ut  
 „ credo ) parcere sumptui & labori. Qui  
 „ cùm pertinaciter hujusmodi dissuasioni  
 „ insisteret, dixit ad eum beatus Bernar-  
 „ dus: Numquid major est tibi cura de  
 „ pecuniâ vel jumentis, quàm de fratri-  
 „ bus tuis? Quia ergo non vis ut fratres  
 „ nostri nobiscum requiescant in valle  
 „ istâ, nec tu ipse requiesces in eâ. Et  
 „ factum est ita: nam isdem Guido, quan-  
 „ quam alias vir bonus & religiosus fo-  
 „ ret; tamen ut sermo Sancti impleretur,  
 „ non est consummatus in Claravalle;  
 „ sed apud Pontiniacum præventus ægri-



tudine lecto decubuit, ibique dispo-  
nente Deo & terminum vitæ, & se-  
pulturæ locum accepit. *Hactenus*  
*Herbertus.*


Chrysostomus Henriquez in Me-  
nologio Cisterciensi Guidonem ait  
morte præventum Pontiniaci quinto  
Idus Maii. Dignior fide Gaufridus,  
qui Kalendis Novembris, nempe in  
festo Omnium Sanctorum, Guidonem  
disertè asserit, illorum fuisse consortio  
aggregatum. Sed typographi crasso er-  
rore, in eodem Menologio ad nonam  
diem Decembris hæc habentur: *Nam*  
*de Guidone in ipsa Divi Patris historiâ*  
*legitur, illum in Firmitate vitam fini-*  
*vissè, & ibidem secundùm Bernardi pro-*  
*phetiam locum sepultura accepisse. Lege,*  
*infirmis detentum Pontiniaci vitam*  
*finivissè, &c.* Ipse Henriquez ad x i.  
diem Maii; *Cùm Pontiniaci ultimum*  
*ageret spiritum idem Guido, & tunc in*  
*Claravalle existeret sanctus Bernardus,*  
*convocatis Monachis suis, Guidonis obi-*

## 224 *Excerpta de vita S. Bernardi.*

*tum jam instare indicavit: & post paululum sereno vultu & placido ore dixit: Fratres, rogate Guidonem ut oret pro nobis; jam enim id potest, & eo loco est ut possit. Et post mortem non semel visus est in magna gloria.*



## APPENDIX.



# A P P E N D I X

## De Concilio Niumagenſi anni DCCCXXI.



L USTRIS est mentio BER-  
NUINI ad annum Christi  
821. in Concilio & in Con-  
ventu Niumagenſi; & eò no-  
tabilior, quòd Conventum & Conci-  
lium nobis aperit, hætenus apud om-  
nes ſeu Capitulorum, ſeu Synodorum  
collectores deſideratum. Locus hujus  
Conventus fuit *Niumaga* ſeu *Novio-  
magum*, nunc Geldriæ urbs primaria,  
in Bataviâ veteri, ad Vahalim fluvium,  
haud procul Moſâ & Rheno. Novio-  
magum enim quadruplex diſtinguit  
Hadrianus Valeſius vir doctus, in ſuâ  
Notitiâ Galliarum. Primum Noviomag-  
um Trevirenſe, haud procul Trevi-

## 226 De Concilio Nivmagensi.

ris, in Aufonii Mosellâ memoratum :  
*Nivomagum divi castra inclyta Constantin.* 2. Noviomagum Veromanduo-  
rum, *Noyon-en Picardie.* 3. Noviomagum Nemetum, vulgò *Spira.* 4. de  
quo agimus, Noviomagum in insulâ  
Batavorum strictè sumptâ: quo in op-  
pido sancita est pax inter Principes  
Christianos, anno quo hæc scribimus  
1679. & Caroli II. Hispaniarum Re-  
gis cum Ludovisiâ Mariâ, Ludovi-  
ci XIV. Francorum verè Magni Re-  
gis, fratris filiâ, sollemnibus nuptiis con-  
firmata.

Hujus Conventus meminere Egin-  
hardi Annales, & iisdem verbis An-  
nales Bertiniani ad annum Christi 821.

- „ Iterumque Conventus mense Maio
- „ Noviomagi habendus condictus est,
- „ Comitèsque qui illuc venirent, depu-
- „ tati. Eo anno domnus Imperator post
- „ festi Paschalis expletionem per Mosam
- „ navigavit: ibique constitutam annis
- „ superioribus, atque conscriptam inter

filios suos regni partitionem recensuit, “  
 ac juramentis optimatum qui tunc adese poterant, confirmavit. Susceptisque “  
 ibidem Paschalis Romani Pontificis “  
 Legatis, Petro videlicet Centumcel- “  
 lenti Episcopo, & Leone Nomenclatore, “  
 eisdemque celeriter absolutis, “  
 Comitibus etiam qui aderant, ad expeditionem Pannonicam destinatis, ipse “  
 paululum ibi remoratus, Aquisgrani “  
 reversus est. Et post paucos dies per “  
 Arduennam iter faciens, Treveros ac “  
 Metis venit: indeque Rumerici castellum petens, reliquum æstivi caloris, “  
 & autumnii dimidium exercitatione venatoriâ in Vogesi saltu atque secretis “  
 exegit. “

Objicere aliquis possit: Dicit Eginhardus indictum fuisse Conventum Noviomagi Batavorum ad mensem Maium anni 821. sed non dicit fuisse ibidem celebratum. Respondeo: Non aperte id dicit, sed intelligendum significat. Clare autem id affirmant Annales Ful-

## 228 *De Concilio Niumagenſi.*

denſes, in quibus leges anno illo 821. *H Ludovicus Imperator Noviomagi di-  
viſionem regni fecit.* Ne autem dubites  
quin tunc quoque ibidem congregati  
fuerint *ſanctarum Eccleſiarum Rectores,*  
*Epifcopi videlicet atque Abbates,* accipe  
ex Eccleſiæ Biſontinæ antiquis mo-  
numentis, diploma Ludovici Pii Im-  
peratoris ſuper miniſtrorum Eccleſiæ  
honeſtate procurandâ, datum ex Niu-  
maga, anno Imperii ſui VII. Indi-  
ctione. XIV. ( anno ſcilicet Chriſti  
821. ) ad *Bernwinum Criſopolitanæ Ec-  
cleſiæ Archiepiſcopum.*

Præceſſerat in veteri codice, Eccle-  
ſiæ Veſontionenſis libellus ſupplex,  
Ludovico Regi atque Imperatori offe-  
rendus, pro libertate obtinendâ cujuſ-  
dam ſervi apud ſe enutriti, ac per om-  
nes miniſterii ſui gradus probati. Ad  
quem reſpondet Ludovicus plus etiam  
quàm poſcebatur indulgens. Nimirum  
Bernwino Criſopolitanæ Eccleſiæ Ar-  
chiepiſcopo, ejusque Suffraganeis po-

testatem faciens , Ecclesiarum suarum  
servos posthac libertate donandi , cer-  
tis observatis conditionibus ac formulis  
in regiâ constitutione expressis ; ut in  
posterum suæ Majestatis tribunal adire  
pro ejusmodi manumissionibus necesse  
non haberent.

*Libellus Ecclesiæ Vesontionensis.*

**D**OMINO invictissimo Augusto „  
H LUDOWICO Cæsari sancta „  
Vesontionensis Ecclesia præsentem , „  
perpetuamque incessanter felicitatem „  
devotissimis semper exorat precibus. „

Ad notitiam Celsitudinis vestræ per- „  
ferre nos ecclesiastica provocat necessi- „  
tas , de promotione famuli istius , ex „  
loco juris nostri nuncupante , de mini- „  
sterio hic , vel beneficio illius , vel il- „  
lius : cujus gratiâ eruditus , & inter no- „  
stræ parvitatæ studia , scientiâ , vitâ , „  
ac moribus pro modulo quantitatis , „  
qualitatisque instructus , per gradus „  
singulos ad limen usque , à Subdiaco- „

P iij.

230 *De Concilio Niumagenſi.*

„ nibus certâ probatione examinando  
 „ perductus, jam munus clementiæ ve-  
 „ ſtræ datum, nobiſque ſignificatum ejus  
 „ de libertate, exſpectantes, ulterius eum  
 „ promovere, veſtræ Majeſtatis *laude &*  
 „ *mandato* parati ſumus, mox ut ſtatu-  
 „ tam de eo veſtram canonicâ *auctorita-*  
 „ *te* ſenſerimus licentiam. Deus cæli &  
 „ terræ, univerſæ. . . . . ad tutelam vos  
 „ ſemper protegat chriſtianam; ita ut hoc  
 „ ævo veſtro ſibi ſuperexaltatam in om-  
 „ nibus ſanctæ matris Eccleſiæ ſentiat  
 „ cauſam.

His junctæ erant in membranis ve-  
 ruſtate penè conſumptis, formulæ, qui-  
 bus manumiffiones in libellis concipi  
 jubebantur Ludovici Imperatoris man-  
 dato; ex quibus vix legi poſſunt quæ  
 „ ſequuntur: Igitur ego in Dei nomine  
 „ ill. Epifcopus illius urbis, vel Abbas,  
 „ vel Abbatiffa, te cui nomen ill. ex familiâ  
 „ illâ; Monafterio illo, &c. conſtituo  
 „ ante ſacri altaris cornu, in conſpectu  
 „ populi adſtantis; ut à præſenti die &



deinceps *omni servitutis jugo solutus*. «  
*sis: CIVEMQUE TE ROMANUM* «  
*esse instituo; ut in tuo jure & potesta-* «  
*te consistens vivas ingenuus, & cetera*  
*quæ legi non poterant; sed possunt*  
*utcumque suppleri ex Gregorii Magni*  
*libro v. Registri epistolâ xv. ex Mar-*  
*culfo, ex antiquis Glossariis Latinis &*  
*Græcis; quorum ex uno regię Biblio-*  
*thecæ per vetusto refert Brissonius, li-*  
*bro octavo formulam hanc: Βινδίκτη, ἡ*  
*ῥάβδος, μετ' ἧς ὁ Ἀρχὼν, ἢ ὁ Πραιτωρ, ἢ*  
*τὸ ἐλδιδεγυμνίου κεφαλὴν ἐπαίρον, φάσ-*  
*κοντες. Φάμην ἢ παρόντα αἰδρωπὸν εἶναι*  
*ἐλδιδεγν, & πολίτην Ρωμαῖον. Vindi-*  
*cta, vitga, quâ Princeps, aut Prator,*  
*libertate donandi caput percutiebant dicen-*  
*tes: Præsentem hominem, liberum esse*  
*dicimus, & Civem Romanum. Sic verò*  
*se habet constitutio Ludovici Impera-*  
*toris, in quâ pauca verba quibus ali-*  
*quot lacunas ex conjecturâ explevi-*  
*mus, oblongo, sive Italico charactere*  
*repræsentavimus.*

HLUDOWICI Pii Imperatoris Con-  
stitutio de libertate servorum Ecclesiæ.

» **I**N nomine Dei & Salvatoris nostri  
 » JESU-CHRISTI, HLUDOWI-  
 » CUS divinâ ordinante providentiâ Im-  
 » perator Augustus, Venerabili in Chri-  
 » sto BERNOWINO Crisopolitanæ Ec-  
 » clesiæ Archiepiscopo. Neminem in  
 » *universo genere humano tam pravi judi-*  
 » *cii inveniri posse arbitramur, & cui*  
 » *animi sui tam parum constet integri-*  
 » *tas, qui interrogatus utrûm rem suam*  
 » *familiarem ac domestica officia per ho-*  
 » *nestos, & munditiâ & ornatu prædi-*  
 » *tos, potius quàm per viles personas tra-*  
 » *ctari atque administrare velit, non pau-*  
 » *corum sensui vocem multitudinis censeat*  
 » *præferendam; seque malle famulis ca-*  
 » *rere, quàm non nitidum ac decorum sibi*  
 » *fervitium exhiberi. Quòd si ita sumus*  
 » *dispositi ut administrationem rei nostræ*  
 » *familiaris ministris honestis ac decentibus*  
 » *procurare velimus, quid de ecclesiastica*

*divinóque officio* censendum , per quod „  
 Deus homini *natura nostra participatio-* „  
*ne connexus* , meditatione precum , & „  
*sacrificiorum oblatione placatur* ? Nonne „  
 non solùm per mundos , *sed etiam per* „  
*omnium virtutum* , ac totius honestatis „  
 personas debet procurari ? Præsertim „  
 cùm ipse Deus in lege suâ Moysen fa- „  
 mulum suum de sui cultûs officio in- „  
 struens disciplinis ; qui ad altare munus „  
 inferret , omni corporis vitio carentem „  
 eligere præcepit , dicens : Loquere ad „  
 Aaron ; Homo de semine tuo per fa- „  
 milias , qui habuerit maculam , non of- „  
 feret panes Deo suo , nec accedet ad „  
 ministerium ejus , si cæcus fuerit , si „  
 claudus , si vel parvo , vel grandi , & „  
 torto naso ; si fracto pede , si manu , si „  
 gibbus , si lippus , & cætera quæ in Le- „  
 vitico leguntur . ] Quapropter & nos , „  
 ob amorem & honorem Dei ac Do- „  
 mini nostri JESU-CHRISTI , & ob „  
 exaltationem sanctæ matris nostræ ca- „  
 tholicæ Ecclesiæ , quæ est corpus ejus , „

*Levit. 21.  
 v. 17.*

## 234 *De Concilio Niumagenſi.*

*Concilium  
Niuma-  
genſe.*

„ in quâ & nos membra ipſius per bona  
 „ opera effici cupimus , conſuetudinem  
 „ pravam & valde reprehendiibilem , quâ  
 „ uſque in præſens , viles quæque & ſer-  
 „ vili conditione obligatæ perſonæ ad  
 „ præſbyteratûs ordinem paſſim admit-  
 „ tebantur , abolere cupientes , congre-  
 „ gatis undique ſanctarum Eccleſiarum  
 „ Rectoribus , Episcopis videlicet , & Ab-  
 „ batibus , & adunato ſollemniter populi  
 „ noſtri conventu , compertaque omnium  
 „ ſuper hujuscemodi negotio voluntate ,  
 „ adnuente atque conſentiente , & ( quod  
 „ his majus eſt ) etiam petente ſacroſan-  
 „ cti Concilii devotâ atque concordî una-  
 „ nimitate , ſtatuiſmus atque decrevimus ,  
 „ ut abhinc in futurum , nulla vilis &  
 „ ſervili conditione obnoxia perſona ad  
 „ gradum præſbyterii adſpirare permitta-  
 „ tur. Sed ſi neceſſitas exegerit ut de ſer-  
 „ vitis , vel noſtris vel alienis , ad hunc  
 „ ordinem aliquis admitti debeat , jugo  
 „ ſervitutis prius ſollemniter abſolutus  
 „ ſic tandem manûs impoſitionem liber

accipiat. Proinde has nostræ imperialis  
 & regię auctoritatis litteras tuæ Sancti-  
 tati dandas decrevimus ; per quas tibi  
 & successoribus tuis , necnon & Suffra-  
 ganeis talem concessam noveris pote-  
 statem , ut servus ecclesiasticus , tam de  
 tuâ , quàm eorum parrochiâ , necnon &  
 de jure Monasteriorum quæ in tuâ seu  
 illorum dioecesi constituta sunt , ad pre-  
 sbyteratûs ordinem , coram Clero &  
 plebe , præsente & consentiente eo , cu-  
 jus dominatui idem servus usque in id  
 temporis erat addictus , per te vel per  
 illos à jugo servitutis absolvatur , &  
 perpetuò liber efficiatur. Modus au-  
 tem absolutionis & manumissionis illius  
 talis esse debet. Scribatur libellus per-  
 fectæ & absolutæ ingenuitatis , more  
 quo hætenus hujusmodi libelli scribi  
 solent , CIVEM ROMANUM liberæ po-  
 testatis continens : & in fine libelli , tam  
 eorum qui in tuâ parrochiâ sunt Sacer-  
 dotum , quàm illorum quos dominus  
 servi secum adduxerit , testimonia , cau-

## 236 *De Concilio Niumagenſi.*


„ ſa, nomina deſcribantur. Habeatur in  
„ eo & nomen loci, habeatur menſis, &  
„ diei, & anni regni noſtri, & Indiſtio-  
„ nis, ut nullus cum legentibus ambi-  
„ guitatis ſcrupulus remaneat: qui libel-  
„ lus ei qui manumittendus eſt, vel à te,  
„ ſi Eccleſiæ tuæ fuerit ſervus, vel à le-  
„ gitimo domino in tuâ præſentiâ detur:  
„ & tunc demum ad ſacri ordinis ſuſce-  
„ ptionem eccleſiaſticâ conſuetudine per-  
„ veniat. Simili modo Suffraganei tui in  
„ huiusmodi perſonis liberis dimittendis,  
„ in ſuis Eccleſiis faciant, quia eandem  
„ illos per hoc noſtræ auctoritatis præce-  
„ ptum, ad hoc faciendum volumus habere  
„ poteſtatem. Benè vale, & ora pro nobis.  
„ Abſoluta eſt à nobis in Dei nomine,  
„ anno (Chriſto propitio) Imperii noſtri  
„ VIII. Indiſtione XIV. Ex Niumagâ

Quod reliquum eſt, quia reſcriptum  
hoc Cæſareum, ad ſolum dirigitur Bér-  
nwinum Veſontionenſem Archiepi-  
ſcopum, videri hîc poteſt Niumagenſi  
huic Concilio quodammodò præſediſſe.

## A P P E N D I X. 237

Si quæris quot à Ludovico Pio designentur Bernowini Archiepiscopi Vefontionensis Suffraganei : aio quatuor, Laufannensem, Basileensem, & Bellicensem omnibus notos, & quartum Nividunensem nobis perspectum ex vetusto Pontificali Metropolitana Ecclesiæ Bisontinæ, sub titulo: **OR-  
DO IN CONSECRATIONE EPI-  
SCOPI.** Postquam novus Episcopus Missam finierit, invitet eum Cancellarius ex parte Archiepiscopi ad mensam, similiter & alios Episcopos qui interfuerint consecrationi. Hoc ordine scdeant. Ad dexteram domni Archiepiscopi, **LAUSANNENSIS**, quia utitur Pallio, & per ejus manus consecratur Archiepiscopus : tum **BELICIENSIS**. Ad lævam verò **BASI-  
LIENSIS**. Post eum **NIVIDUNENSIS**. Plura nos de episcopatu Nividunensi in Sacrario Jurensi, quod primo quoque die, faventibus Superis, prælo commissuri sumus.





# I N D E X.

## A

|   |                    |
|---|--------------------|
| <b>A</b> DELAIDIS Ducissæ Lotharingæ conversio.   |                    |
| 201. 212. Scribit ad S. Bernardum morti proximum, qui ei apparet, ipsa verò tribus post hebdomadis moritur. | 216. 217           |
| Ademari Pictavenſes.  | 110. 118           |
| Agatha Lotharinga, Raynaldi Comitis Burgundix uxor.   | 203. 205. 209. 214 |
| Agas, multitudo.  | 23                 |
| Alexander Papa.   | 31                 |
| Alienordis Regina.  | 115. 117           |
| Ammianus Marcellinus.   | 9                  |
| Anacletus Papa.   | 32                 |
| Anastasius.   | 4                  |
| Andilegum Monasterium.  | 86                 |
| Angelorum novem ordines distinguere nos docuit S. Dionysius.  | 44                 |
| Annales Eginhardi, Bertiniani, Fuldenses.   | 226. 228           |
| Antiquum & recens, novum & vetus dicuntur respectivè.   | 58                 |
| Aquila cum Priscillâ conjuge.   | 29                 |
| Aremburgis Hugonis II. Burgundix Ducis filia velata in Lareyo.  | 175                |
| Arturus de Monstier.  | 66                 |
| Augustinus.   | 28                 |
| Avitus Viennensis.  | 5. 6               |
| Aymarus Falco.  | 108                |

## B

|  |          |
|--|----------|
| <b>B</b> ALDUINUS frater Matthæi Lotharingæ Ducis. | 205. 208 |
|--|----------|



# I N D E X.

|  |          |
|--|----------|
| Baronius.  | 27       |
| Beda.  | 34. 85   |
| Bellarminus.   | 32       |
| Bernardus Britto.  | 27       |
| S. Bernardus Alienordi Regina promittit partum<br>felicem, si paci studeat. 217. Epistolam scri-<br>bit in imbre sine imbre. | 168. 202 |
| Bernuinus Crisopolitanae Ecclesiae Archiepiscopus.   | 233      |
| Bertha uxor Matthæi Ducis Lotharingæ.  | 205      |
| Bigé.  | 85       |
| Bruschius.   | 87       |
| C  |          |
| C A L E.   | 85       |
| Carolus le Cointe.   | 66       |
| Cassiodorus.   | 28       |
| Gedrenus   | ibid.    |
| Christi nativitas Bernardo puero per visum ostensa.  | 172      |
| Chronicon Alexandrinum.  | 9        |
| S. Chrysostomus.   | 27       |
| Chrysostomus Henriquez. 216.] ejus locus insignis<br>à librariis corruptus restituitur.                                      | 225      |
| Claudii Imp. anno x. conversus est ad Christi fidem<br>S. Dionysius Paulo Athenis prædicante.                                | 28. 29   |
| Clementis Papæ Pontificatus ratio explicatur.  | 31       |
| Cleti Pontificatus.  | 33       |
| Clodoveus Rex quâ die baptizatus.  | 5. 6     |
| Concilium Noviomagi Batavorum anno Christi<br>821. celebratum.   | 234      |
| Crotonienses Calabriae populi Dionysium Arcopa-<br>gitam Apostolum suum agnoscunt.   | 4        |
| Curopalates.   | 25       |
| D  |          |
| D A M A S U S Papa.  | 32       |
| Delrio.  | 41       |

# I N D E X.

|   |            |
|---|------------|
| Desguerroisius.   | 87         |
| <b>S.</b> Dionysii effigiem in vexillis Ecclesiæ suæ præferunt Crotonienses Calabriae populi.   | 4          |
| Dionysii cursus evangelicus ad Pauli Apostoli cursum duplus. 27. Aetas tota. 29. Obitus sub Hadriano Imp. 30. Multa passus sub Domitiano, 31. Missio ejus in Gallias per Clementem Papam. | 32         |
| Dionysio vindicantur opera sua.   | 40. & seq. |
| Dionysius non est impostor, quare illi de se loquenti credendum est.  | 43         |
| Domnæ.  | 75         |

## E

|   |          |
|---|----------|
| <b>E</b> CCLESIA Catholica, Orientalis & Occidentalis Parisiensem Arcopagitam agnoscit. | 4        |
| Elisabeth dicta Gaufrido S. Bernardi mater.   | 170      |
| Elisabeth Tarentensis Abbatissa.  | 108. 212 |
| Eucherius.  | 34       |

## F

|                                |          |
|--------------------------------|----------|
| <b>F</b> ARA S. Faronis soror. | 8        |
| Ferdinandus Uguellus.          | 4        |
| Franciscus Suarez.             | 51       |
| Franciscus Turrianus.          | 35       |
| Fridericus I. Imp.             | 118. 119 |
| Fridericus Comes Tullensis.    | 108      |

## G

|  |     |
|--|-----|
| <b>G</b> ABRIEL Bucelinus.   | 30  |
| Ga'par de Coliniaco calculis levatus à sanctâ Syriâ, catholicus fuit, & diversus à cognato cognomine hæretico. | 88  |
| Gaufridus è Scholâ Parisiensi ad S. Bernardi disciplinam transit, 118. postea ejus Notarius.                   | 162 |
| Gerento sive Jarento Abbas S. Benigni.   | 192 |
| Granceiani Dynastæ S. Bernardi consanguinei.   | 171 |
| Gregorius Magnus.  | 42  |

# I N D E X.

Gregorius Pápa VII. dat privilegium Benignianis.

192

Gudonis relicta, Lariacensi Parthenoni præfecta.

125

Guido S. Bernardi frater primogenitus moritur Pontiniaci ex ejus prædictione, vir alioqui sanctus.

211

Guillelmus Canonicus Gratianopolitanus.

122

## H

**H**A **V** **V** **I** **D** **I** **S** uxor Friderici Comitís Tullensis.

108

Hector Boethius.

71. 86

Henrico Andegavensi Regina Alienordis secundis nuptiis copulata.

118

Henricus Delphinus, & Carolus Dux Aurelianensis, Francisci **L**. Regis filii.

92

Henricus Valeſius.

9

Henſchenſius.

18

Hermentrudis Pictavenſis fabuloſus.

109

Hieronymus.

11. 32

Hierotheus non eſt fabuloſus.

44

Hincmarus Remenſis Dionyſii Arcopagite Pariſienſis aſſertor. 4. Explicatur de die baptizati Clodovei Regis.

5. 6

Hugo ex Epifcopo Gratianopolitano Archiepiſcopus Vienneníſis.

127

Hugo de S. Victore.

34

Hugo II. Dux Burgundiæ.

175. 210

## I

**I**D **A** **C** **I** locus de Valentiniano Valentis filio, à Sirmondo corruptus.

8. 9. 18

Joannes Beſly.

108

Joannes Columbi.

111

Joannes Leſſius.

71. 86

Joannis III. Papæ Epiftoſa.

32

Q

# I N D E X.

Joscelinus qui S. Antonii corpus in Gallias intulit,  
filius Guillelmi Cornuti. 108

Irenæus. 34

Iustellus. 110

## L

**L**ANSSELIUS. 41

Larcium, sive Lariacum, aut Elariacum da-  
rum Benignianis à Guntranno Rege. 124. A Clo-  
thario III eisdem vindicatum. 186. 187. Au-  
gum celebri quondam Virginum Monasterio.  
192. Nunc Prioratus virorum. 183

Launoi judicium quanti ponderis. 4. 5

Leo Armenus. 25

Leo Papa I. 6

Libros à se conscriptos cur noluerit S. Dionysius  
primis Ecclesiæ sæculis in vulgi usus traduci. 52. 53

Linus Papa. 33

Linus & Clerus fuerunt Summi Pontifices. 36. 37

Ludovici Pii Imp. Constitutio de honestate servor-  
um Ecclesiæ, & de libertate eis concedendâ. 234

Ludovico VI Regi prædicit S. Bernardus mortem  
filii sui Philippi. 198

## M

**M**ANUMISSIONUM formulæ. 230. 231

Marchisia filia Guigonis Comitis Albonensis  
& Margaretæ Burgundæ, uxor Guillelmi Picta-  
vensis, Comitis Valentini. 110. 145

Margareta filia Stephani Comitis Burgundæ. 122

Marianus Scotus. 34

Matthæus Dux Lotharingæ. 204. 208

Mationa dicta etiam virgo. 75

Maximus. 28

Methodius Patriarcha C P. Parisiensis Arcopagita  
assertor. 4

Michaël Syncellus Hierosolymitanus, quantus vir,  
18. 19

# INDEX.

|                                     |            |
|-------------------------------------|------------|
| Millenariorum error quando exortus. | 17         |
| Miracula librorum S. Dionysii.      | 49         |
| Molanus.                            | 67         |
| Morinus refellitur.                 | 41. & seq. |
| Mulier, nomen sexûs.                | 73         |

## N

|   |      |
|---|------|
| NATALIS Domini pro die resurrectionis ca- |      |
| pitur à multis Patribus, & ab ipso Paulo  |      |
| Apostolo.                                 | 6. 7 |
| Nicephorus.                               | 11   |
| Nivardus S. Bernardi frater natu minimus. | 173  |
| Noviomagum in Galliis quadruplex.         | 225  |

## O

|                                     |     |
|-------------------------------------|-----|
| ODO Valentinenſis Episcopus.        | 156 |
| Opera ſua interpolavit S. Dionysius | 61  |
| Oroſius.                            | 28  |
| Orſus & univſus vocum uſus.         | 56  |

## P

|   |        |
|---|--------|
| PETAVII error in anno obitus Roberti Regis. 7. 92 |        |
| Petrus Halloix.                                   | 60. 61 |
| Phlegon.  | 28     |
| Pictavenſes Barones ex Comitibus Valentinis orti. |        |
| 107   |        |
| Plantus.  | 74     |
| Procopius Tyrannus.                               | 9      |
| Proſper.  | 22     |

## Q

|                               |    |
|-------------------------------|----|
| QUADRIGA Regum quæ Themistio. | 15 |
|-------------------------------|----|

## R

|   |     |
|---|-----|
| RAYMUNDUS Pictavenſis Princeps Antiochiæ. |     |
| 115                                       |     |
| Raynaldus Comes Burgundiæ.                | 212 |
| Raynaldus Comes Barrenſis.                | 209 |
| Rarnaldus Comeſtabilis Burgundiæ.         | 115 |

Q ij

# I N D E X.

Remigius Remensis sacrorum Canonum non fuit  
transgressor. 16

Richardis Imperatrix. 37

Robertus de Monte. 112

Ruffinus. 32-34

## S

SALABERGA Abbatissa. 87

Savinianus Martyr Rilliaci in pago Trecenti. 84

Siricius Papa. 6

Sirmondi error, in epochâ Concilii Rotomagensis  
sub Ansberto. 7. Item in Valentiniano filio Va-  
lensis. 8. 9. 16

Sirmondus refellitur argumento ad hominem. 16. 17

Sirmondo malam fidem non tribuo, sed humanum  
errorem. 13

Sozomenus. 75

Stephanus Metensis Episcopus. 205

Sulpicius Severus. 28

Syncellus, Syngelus. 25

S. Syra, seu Syria Virgo, regio apud Scotobri-  
tannos genere orta, S. Fiacrii soror, Monialis  
in Eboriacq sub S. Farâ Abbatissa, Catalaunensis  
Parthenonis Præfecta: ibi cæcitate percussa, vi-  
sum recipit ad S. Saviniani reliquias, in vicô  
Rilliaco; ubi reliquam vitam agit, multis ægris,  
& præsertim calculosis opitulari solita. 65. & totâ  
Opusculo secundo.

S. Syriæ effigies antiqua & religiosa. 93

## T

TARTENSE puellarum Monasterium Ordinis  
Cisterciensis primum. 202

Tecelinus S. Bernardi pater. 169. 173

Tertullianus. 28

Themistius. 9. & seq.

Theodorus Studita. 19. Ejus epistola ad Michae-

# INDEX.

|  |               |
|--|---------------|
| Iem Syngelum Hierosolymitanum.           | <i>ibid.</i>  |
| Theophilus Imperator.                    | <u>25</u>     |
| Thomas Aquinas totum loquitur Dionysium. | 49. <u>50</u> |
| Thomassinus.                             | <u>117</u>    |
| Timotheus ad quem scribit Dionysius.     | <u>12</u>     |

## V

|  |              |
|--|--------------|
| <b>V</b> ALENTINIANI Juniores fuerunt duo.                             | 14           |
| Valentis filius unicus fuit Valentinianus Junior.                      | <i>ibid.</i> |
| Valentinenses Comites antiqui.   | 105          |
| Valentinus Comes ex Piclavenfibus primus fuit Guillelmus.              | <u>107</u>   |
| Vasseburgius & Roserius Lotharingicarum rerum scriptores redarguuntur. | 203          |
| Victor.  | 10.          |
| Victorius.   | <u>28</u>    |
| Villelmus Tyrius.  | <u>113</u>   |

## Z

|                  |              |
|------------------|--------------|
| <b>Z</b> onaras. | 10.          |
| Zofimus.         | <i>ibid.</i> |

## ERRATA SIC CORRIGE.

Pag. 18. lin. 4. Galliis, lege Gallis. Pag. 41. lin. 4. Debrío, lege Delrio. *Ibid.* lin. 14. Morixinus, lege Morinus. Pag. 57. lin. penultima Heratchiâ, lege Hierarchiâ. Pag. 80. lin. 5. quoad, lege quoad.



